

六壬神课金 口诀

适
适
子

文硕阁

wenshuoge.com

目录

关于我们	3
目录	5
卷之上	17
卷之中	73
卷之下	135
附：神枢经	199
附：璧玉经	215

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

目录

卷之上

消息妙论

入式歌解

十干所属

十二支所属

十二将神所属

十二贵神所属

贵神治旦暮

贵神起例

五子元遁起例

四象所属图

阴阳次第五用

五动爻诵

干类

神类

将类

方类

三动

五合

三合全身

虚一待用

三奇德秀

一类朝元

四位俱比

五比同类

干元类

五行气化

阴阳相生

四位相生

四位相克

四爻生克颂

应期合德

贵神休旺

五行休旺

五行聚管

五行例断

四位内见五行

贵神临劫煞

贵神值人元

贵神临神煞

魁罡所临

传送所临飞符加年月日

丧门加年月日

天鬼加年月日

天罗地网加年月日

关隔锁

旬中空亡

四大空亡

四绝

四败

月建旺相

月破休囚

岁君建破

论岁神

合用神煞

五鬼歌

四象五行图

十干生克所主

十二支生克所主

贵神休旺所主

将神源会所主

十二贵神临本位所主

十二贵神见五行所主

十二将神见五行所主

神将同用所主

神将所属图

次客法

推行年法

论人行年吉凶

行年灾福歌

四课假令

被头星

卷之中

十二将神所主歌

十二神将歌解

十二贵神所主歌

十二地支并贵神所主

人元吉凶所主

四位五行所主

四位杂断歌

上局论灾福歌

中局论妇女

下局论生产

贵神临十二位所主

腾蛇临十二位所主

朱雀临十二位所主

六合临十二位所主

勾陈临十二位所主

青龙临十二位所主

天空临十二位所主

白虎临十二位所主

太常临十二位所主

玄武临十二位所主

太阴临十二位所主

天后临十二位所主

功曹临十二位所主

太冲临十二位所主

天罡临十二位所主

太乙临十二位所主

胜广临十二位所主

小吉临十二位所主

传送临十二位所主

从魁临十二位所主

河魁临十二位所主

登明临十二位所主

神后临十二位所主

大吉临十二位所主

重付贵神断例

六十甲子铃

六十四课铃

云霄赋

三才赋

金兰略

玉华略

定寿经

兴明经

金镜歌

玉鉴歌

卷之下

射覆门

四法须知

射覆歌

十干颜色

支干数目

五行数目

射物所在

射人身上衣物

占来意歌

都解歌

占来意例

天时门

占风雨

五行所主

地理门

占天禾

占穿井

人事门

占人形貌

占人贵贱

占阴人贵贱

占阴阳贵贱

占阴阳老小

贵人受克伤阳人老小

贵人受克伤阴人老小

占年中吉凶

占月下吉凶

占日时下吉凶

占婚姻

十干形貌

占人身上

占人物好与不好

占孕育

占官禄

占官高下

占官职位

占有无出身

占文武官职

占文书动用

占词讼

占对讼

占级贵人

占见贵求财

占向何方吉

占出门见验

占出门应侯

占出行

占远行

占出行乘舟

占行人

占交易

占求事

占求财

占买卖求财

占搏戏

占失脱

占逃亡

占奴婢走失

占捕逃亡

占疾病

占五脏症候

占病症候

占得病因由

占病歌

占病愈不愈

占病除

占病有崇无崇

占病都解歌

占求医

占梦吉凶

贼盗们

占临敌

占游都鲁都

占失盗

鸟兽门

占禽噪吉凶

占失牛马

占失六畜

饮食门

占饮食

占菜蔬

占食器

宅舍门

玄女射宅歌

占宅外景

占宅外景入式

占宅内景

占宅内景入式

占宅外景歌

将神入宅内景

贵神入宅内景

占宅吉凶

将神入宅吉凶

贵神入宅吉凶

占宅内兴耗

占家中百怪

占修宅舍吉凶

占接屋梁柱

占移居吉凶

营地门

占坟地景

占墓外景入式

占墓吉凶

占茔内灾福

占开墓见景

占墓外景

占别墓及死因

占墓内是阴人阳人

附：

神枢经

璧玉经

卷之上

消息妙论

凡占课，入式歌言其大象，五动爻观其大意，以格局看其事体，凭驿马神煞定其吉凶，以空亡月破支干三合六合验其成败，潜心推测，无不神妙。

入式歌解

入式之法妙通玄，月将加时方上传。

更看何神同何位，日干须用五子元。

解曰：

凡课有四位：一地分，二月将，三贵神，四人元。一地分是问课人所立之方或所坐之方是也。二月将是正月登明从亥逆周十二位，以定十二月也；三贵神是天乙贵神也。照甲戌庚日牛羊之例，其用牛羊二位，取昼夜以行顺逆之义。四人元是五子元遁，甲己还生甲也。以所占之日依例而取。

假令二月戌将，丙寅日午时，以申地占之加于午上，数至申地，得子将神后。乃起贵神，丙丁猪鸡位，将贵字加亥上，顺数至申，得玄武；就五子元遁丙辛生戊子，于子上数至申，亦得丙字属火，地支申字属金，贵神将神属水。以其生克制化而定吉凶，余例仿此。

金口诀选取地分图解

克者为无从旺断

解曰：为无者，是四位内俱无克，只取旺神为用，故曰从旺断。

五行之内细推元

解曰：只四位内辨五行有克无克，以见吉凶。

更将神将详凶吉

解曰：以贵神为主，主者尊神也。以月将为相，相者取事也。以十分灾福为率，有七分在此二神分辩。兼有首尾，首尾者，人元地分也。以其始事故为首，以其成事

故为尾。至于论一课之首尾，则人元为首地分为尾矣，是以贵神与人元分其宾主，将神与地分其财宅，又神与将各定善恶，以断休咎。将也神也人元也，分下中上为初中末，及其断灾福，亦并地分取之。

方察来人见的端

解曰：察来人方位，问从何方来为发课目，十二地分上有十二将神，又有十二贵神，上有人元，宜于四位内察之。若从吉神上来，主有财帛之喜，迁进之事，乃详旺则成，合则就，百事无凶。若从凶神凶位上来，多主死亡、走失、争斗、狱讼、官灾、疾病之事。又以方位知来意；以坐位知灾福，以来人命上知成败，用日辰定之后，取时立成四位，消息推详，无不神验。

二木为爻求难得

解曰：占课时须审四位，如四位内见二木不宜求望，或难成也。假令地分在寅，上遁得太冲是二木也。若贵神是水，水下生二木，卯为门户，应财在门。地分为寅，寅为财帛。此二木得水化为生气，亦有喜事七里应之。更人元见土神，又以财帛课论之，土为我身，更克贵神天后水，主客旺也，二木化为财帛，更遥克人元，必有大喜应之，虽有二木，又何难求？审而用之，慎无执一。

二土比和迟晚看

解曰：四位内见二土，主客作事迟晚，纵虽有成而主迟也。假令其家求财，或争财帛。于四位内见二土，或地分是土，或人元是水，却有喜事两重也。更得贵神是木，木为主人，主自克财，上皆无气，财反遥克人元，主客又相生，故家财必得矣。虽有二土主迟滞，然求之立有大喜两重应之。

二金刑克都无顺

解曰：四位内见二金，主凶，又主不顺。假令人元是金，贵神亦是金，月将是木，更相刑杀，故凶，故主亡妻，为二金克阴木故也。后取二金，上克贵神，亦主破财，蚕丝不成。假令将神是金，贵神是金，人元是木，上克人元亦为二金克之，须主官事灾厄。更嫌恶煞交加，然客受刑责，占讼之用我获吉矣。又加二金在两头，上下见水及土，主有喜事。又如水在中心，主家产女子。如土在中心，主子孙出外为商旅。如上下比和，必有进财添土之喜，不然移宅应之。

二火为灾百事残

解曰：谓四位见二火为凶，二火虽凶，却不知见之殊有喜者。假令南方午地为一火

，更得伏吟胜光火见临午地，若又得朱雀在上临其家，其人元又得土化为我身，其家必大富也。若二火二水百无一好，亦主大凶。水上主失财，水下家不和。若二水在两头，主妇人产生灾厄。若二水在上，主夫妻不睦，须分离也。

二水皆为大吉象

解曰：见二水不必便以喜用，不必便以凶断，须明神将以定吉凶。四位之中见二水，或比和，或间隔，或冲刑；或被杀，或生或克，亦无体也。假令伏位是子，内为二水，上见二土，必伤人二口，又须破财；贼盗相谋害也。又如二火在上，必有官事分离之忧。如二木在上，出外求财大喜也。见二木，内有青龙主财帛，如见六合，只主成合婚姻，及和会交关役吏。如见火在木上，主有女嫁出，占宅主南面展出。又如二火在上，二水在下，必出劳病死者。二水在上，二火在下，出产死鬼，主妇嫌夫之象，更主火惊两三次也。

水来入火妇难安

解曰：水来克火，以巳火为将，立于四季土上，是火无根蒂，更被水来上克，而人元不救，主妇人心痛死也。假令贵神带休衰气而亥子来克，占身主父母死亡。三水上克下，火不能生其家，必主死三口，二水上克下，主死二口。一水克二火，只主官事为灾。以上二说，更要详旺相休囚而决。

金入木乡忧口舌

解曰：金入木乡，以申酉加临寅卯，内有冲刑，更上见朱雀、滕蛇，主口舌斗争。或见辰戌发用，无不争讼也。

火临金位有迍邅

解曰：谓巳午火临申酉也。如上更见玄武，主贼谋文状，论讼，或见官事，争田土而必失理。若更见贵神，主许了口愿。若更见青龙，亦主官事为忧，或争财帛金银也。若更见六合，主官事门上追呼。若更见巳午火，主忧怪血光。

木来入土为刑狱

解曰：木入土者，谓辰戌二神在巳亥上，上又见青龙、六合，是为木入土也。更上见金其罪不轻，主斩杀厄。土在上主徒刑，又主争财帛。见火主血光。

土行水上竟庄田

解曰：谓辰戌丑未加临亥子也，主争田庄。如不见四季土，只勾陈临月将亥子上同，或玄武临大吉亦同。又取朱雀临未，腾蛇临亥子，亦主争斗之事。

上克下兮从外入，下克上兮向外迁

解曰：事有从外起者，有从内起者。凡人元克贵神，贵神克将神，或重重自上克下，皆主事从外入也。凡将神克贵神，贵神克人元，或重重自下克上，皆主事从内起也。

客克主兮来索物，主克客兮客空还

解曰：此以占身言之，贵神为己。以求财言之，即以贵神为财，人元为主。以主怒客，故来索物，以客伤主，故主畏避而客空还。凡有求索，皆详主客，主客不睦，又何得之。

四位相生百事吉，内有刑克忧患缠

解曰：凡四位相生，占无不吉。相克则无不凶，更看何位受克。克人元，主官事；克贵神，伤尊长；克将神，伤妻财；克地分，伤小口。凶神有生，凶中获吉；吉神有克，吉中隐凶。

但取寅申为贵客，子午卯酉吃食言；巳亥常为乞索物，小吉妇女酒食言。

解曰：寅为天吏，申为天城，故为贵客。小吉主妇女酒食宴会，亦可以邀候用也。子午卯酉为吃食果物之类。巳亥为乞索之物，亦可以为射覆，用此课灾福亦准此。

水土金火为窑灶

解曰：四位内各依所属，主争田土。如占宅，必周而有窑灶。占怀中所藏是瓦器。

庚辛碓磨及门窗

解曰：月将加正时，行到本位，上见庚为磨碓；见庚为门，见辛为窗。亦为水道也。

庚午改门并接屋

解曰：如人元见庚，加于午必是改门。主南面展掇，不然接其门，或西南一根柱曾接来也。如见二金，更主曾接椽也。如下克上其家石头必侧。

四孟相生有草房

解曰：四孟者，寅申巳亥也。假令行五子元遁戊申、乙巳、辛亥，是为相生，其家必有草房。

丙丁旺处人最恶

解曰：凡课宅，更看何神乘旺，如火旺，不惟在高岗上住，主其家人必凶恶而狠戾也。水主沉溺，木主仁义，火主贼谋，金主不顺，依此为类推之。

与姓相生子孙昌

解曰：即旺辰与本姓相生，主子孙昌盛。假令课内见火旺，又是角徵宫姓人占之，是宅有气，又相生也。

四位相刑主有克，上下相生福满堂

解曰：凡课人，命前五辰为宅，命后三辰为庄。

假令卯生人问课，即申是宅。便于宅上做方位，立成四课，相生吉，相克凶。如四位内三下克上，主破了天窗，三上克下，主屋舍必塌，又主破财，亦主子孙独弱不均，其后主有后妇也。三下克上，此课主官事重重，多有患头目之人最凶。若四位内二下克上，亦主官事病患。二上克下主杀妻男。故云：上克下兮宅必下，下克上兮岭头庄。此宅亦主盖起破财也。

上克下兮宅必下

假令十月将是寅，甲子日寅时，以辰为位，上见天罡伏吟。辰为岗岭之神，又上见六合木，木克两头，其家不和，更无祖父，为木克天罡。又人元是戊；其与辰皆为一家，上克之主兄弟分张，更，木在中心，土在两头，大者主会争官事，小者适途必主其庄在东西侧下住也。

下克上兮岭头庄

假令十月将甲子日，亥时巳位，见传送申临巳，亦为下克上，又得勾陈在上，其庄南山侧下门而西关也，不然西去，其妇人争张。

凡占宅，四位内见火旺，其宅在高岗上。其宅与姓相生有气，主大喜。如姓旺气在丙，却克于下，主家内有分张事，其家虽有旺气，主家人必凶恶也。

四位内见土旺，主宅必重岗上住也。其家必有坟墓，或近丘墓住。若土上见木，必主疾病痛苦死之人。

四位内见木旺，有官事，其家新盖屋舍，必林木蔚茂，兄弟仁义。如木上见金，亦主斗讼。木上见水，主财帛之喜。木上见火，主家内生女子。如火上见火，主家中阴人患病。

四位内见金旺者，金为刑克之神，主其家斗讼，兄弟不义，合出军人，入庙出武贵，亦主人凶恶也。如旺金上见土神，主多般灾厄。比和，合主先凶后吉也。金上见木主伤六畜，见火大凶，又主官事，患病者愈凶。如金上见水主大吉。若是玄武水，主作窃盗之人。

四位内见水旺，主出做贼人。其宅当近河，有水灾，更出丑貌子孙，亦常为贼侵害也。火在下主产厄，在上夫妻不和。木上有财帛之喜，见金亦喜，上见土不利产妇，或水气残死也。

甲乙为林单见树

解曰：只人元遁上见甲乙行到本位，必为林木。如单见或为双树子或为单树子。如甲乙临水，其家必有菜园，内有小树子一棵。如甲乙行土上，其树必有枯枝。如甲乙临火，主有火树子，亦焦干，必然有溪。如临金，亦主有树木，其树上空虚，多是槐树也。

见金枝损及皮伤

解曰：行人元两遍，只以人元上取之。如甲乙对冲庚辛，被庚辛遥克，其树必无枝与皮也。见阳克枝，见阴克皮。

丙丁旺处为高岭

解曰：亦行人元两遍。如见丙丁旺处，为有高岭横岗。临午未为东西横，若临子丑

亦同，临寅卯辰巳申酉戌亥为南北横。更水冲道，亦为水沟穿之，上有克为高岗。如丙丁临寅卯木位，必有山林也。

庚辛为斜道亦详

解曰：亦行人元两遍，其东西南北亦依前法。在四孟上见庚辛其道必斜，又云干为大道，支为小道，如火对冲为岔，必分头去也。如临本位，必为大道，若别方位上见之为小道也。

戊己为坟看旺处

解曰：亦行人元两遍为法，若临旺处无克，必有山墓。墓内死者患何病而死，亦以后法断之。若要见着何色衣服，再以人元两度遁之，只用纳音推其颜色也。

土为坟垅痛苦殃

解曰：如戊己在卯或寅木位上，其坟痛灾，或主墓穴倒塌，必曾展来。如见六合青龙，墓上必有花树子。

壬癸长河及沟涧

解曰：人元见壬癸为河涧，纳音见水必有水。若被戊己对冲，见虎为道，又云河与道交过。如见大吉必有土桥，见太冲必有船及桥，亦必有车。

湾环曲折见刑伤

解曰：壬癸为河涧，如见壬寅癸卯，其河南北长，水向南流，为南见丙丁在前也。故旺处刑克即止。却前见辰暗克水，必向东西，故主南去，须向北入乾，为下克上故也。

大树死时家长死，水上来穿近涧旁。

贵神神祠并宅道，太阴碓磨共相连。

前一腾蛇为窑灶，朱雀窝巢有克伤。

六合树木看生死，勾陈渠涧土堆滩。

青龙神树并枪刃，天后池塘涧水泉。

玄武鬼神并图画，太常酒食五谷昌。

白虎道路及刀剑，天空庙宇道僧仙。

此是孙臆真甲子，天地移来掌内观。

十干所属

甲、乙、丙、丁、戊、己、庚、辛、壬、癸。甲乙东方木，丙丁南方火，庚辛西方金，壬癸北方水。戊东西土，阳。己南北土，阴。

十二支所属

子、丑、寅、卯、辰、巳、午、未、申、酉、戌、亥。寅卯木，巳午火，申酉金，亥子水，辰戌丑未土。

十二将神所属

亥为癸明，正月将，诤訾，阴水；戌为河魁，二月将，降娄，阳土；酉为从魁，三月将，大梁，阴金；申为传送，四月将，实沈，阳金；未为小吉，五月将，鹑首，阴土；午为胜光，六月将，鹑火，阳火巳为太乙，七月将，鹑尾，阴火；辰为天罡，八月将，寿星，阳土；卯为太冲，九月将，大火，阴木；寅为功曹，十月将，析木，阳木；丑为大吉，十一月将，星纪，阴土子为神后，十二月将，玄枵，阳水。

十二贵神所属

天乙贵神，己丑阴土；前一螣蛇，丁巳阴火；前二朱雀，丙午阳火；前三六合，乙卯阴木；前四勾陈，戊辰阳土；前五青龙，甲寅阳木；后一天后，癸亥阴水；后二太阴，辛酉阴金；后三玄武，壬子阳水；后四太常，己未阴土；后五白虎，庚申阳金；后六天空，戊戌阳土。

贵神治旦暮

经曰：天乙贵人在紫微宫门外，乃天皇大帝下游十二辰位，家居己丑，于斗牛之次执玉衡，均同天人之事。不居魁罡者，以河魁主狱，天罡主牢故也。甲戌庚日旦治大吉，暮治小吉；乙巳日旦治神后，暮治传送；丙丁日旦治登明，暮治从魁；六辛日旦治胜光，暮治功曹；壬癸日旦治太乙，暮治太冲。天乙在东，南前北后；天乙在南，东前西后。天乙在西，南前北后；天乙在北，东前西后。当向地户背天门，以天门地户为界。昼夜有长短，晨昏有早晚。故以星没为旦，星出为暮，则旦暮所

临可知。

贵神起例

甲戌庚牛（日顺行，其它书以甲戌兼牛羊，庚辛逢马虎之例，非也。神术非它术，其用甲戌庚乃天上三奇，故不可行也）羊（夜逆行），乙己鼠（日顺行）猴（日夜逆行）乡，丙丁猪（日顺行）鸡（夜逆行）位，壬癸蛇（日逆行）兔（夜顺行）藏，六辛逢马（日逆行）虎（夜顺行），此是贵人方。

诀曰：月将加时顺究，只寻天神等候；从戌至巳逆行，以辰到亥顺就，贵螣朱六勾青，空白常玄阴后。

右法就以所值某官贵字顺逆数至用位是也。

五子元遁起例

甲己还生甲，乙庚丙作初，丙辛生戊子，丁壬庚子居，戊癸是壬子，时元从子推。

四象所属图

四、人元：客天君祖外

三、贵神：主宰相臣父官禄

二、月将：己身妻财亲戚内

一、地分：田宅子孙奴仆鞍马六畜

阴阳次第五用

诀曰：凡将阳，用取阳为由；将阴，用取阴为由。阴阳之用值空亡、克煞为用之虚。

三阴一阳，以阳为用，取相少阳，事在男子。

三阳一阴，以阴为用，取相少阴，事在女子。

二阴二阳，以将为用，随将阴阳辨之。

纯阴反阳，以将为用，方内之物。

解曰：宜主不宜客，利内不利外，城郭内藏之物，阳人出外，旧暗新明。

纯阳反阴，以神为用，方外之物。

解曰：宜客不宜主，和外不和内，四远所藏之物，阴人还家，旧明新暗。

诀曰：发用空亡，事多虚假；五动空亡，事多不成。凡课以发用为由，五动乃发用之门，为万物本体，作课者不识动用之门，如虚实将半无能决也。

五动爻诵

干克方为妻动，歌曰：

妻动于妻妾（占事主于妻妾）

官财防损折（有官求财不利，而有损折）

占人人在家（上克下，寻人在家）

访人人不悦（上隔克下，行必有阻，访人在家，主不悦）

外边来索取（外来克内，必有人来取索，或干预于我）

卑下有口舌（卑下受克，须防口舌外来）

论物多翻正（射覆，上克下，论物以翻为正）

下旁或有缺（下受克，物器一旁有缺或无足）

神克干为官动，歌曰：

官动利求官（官禄爻动，官职大利，若逢驿马，必然迁官转职）

相逢禄位迁（谓逢二马，占官有迁擢之兆）

常人公府事（官爻克干，故常人公府中事）

有官望财难（有官不宜求财，财动伤官，返克故也）

合得官中物（官动而逢合，官中财物可得）

休从外处干（人元受克，事在自己，不宜外求）

得财防暗损（我克外，财须防密失）

问病在喉咽（上受克，病在喉咽）

神克将为贼动，歌曰：

贼动内贼生（内财受克，主阴谋贼生，而盗财物）

勾连诈不明（外勾里连，空诈不明）

损财卑幼病（妻位受伤，卑幼灾患）

谋望必无成（神将直克，内之不知，谋望无成）

架媾奸私意（妻财受克，必有奸私架媾之事）

偷攘宛转名（妻财受克，或生淫荡宛转偷攘，必有损失）

卦爻终暗昧（内爻受克，事主暗昧不明）

病恐亦非轻（内不协遂，阴小灾病，亦主非轻）

将克神为财动，歌曰：

财动利求财（内克外，谓之财动，求财必得）

占官定不谐（官爻受克，求官有失，定主不顺）

家中人出外（内克外，主人出外）

妻妾并身灾（病非妻妾，亦自身有灾）

疾病忧难瘥（神受克，病在心胸，无药可治，故主难好）

营求喜自来（内克外，营求有喜）

财物终有损（神受克，其物必有损）

职位恐多乖（官爻受克，故主退失不利）

方克干为鬼动，歌曰：

鬼动忧灾怪（占主灾怪及人）

官亨人出外（下克上，主仕途亨通，人欲出外）

争讼带他人（隔位克外，必主讼连他人）

乖戾因间外（下犯上，卑逾尊，故曰乖戾）

口舌共喧争（人元受克，事从外起，必因口舌致事）

冤仇皆损害（因冤仇而损害）

瘥病物仰合（方克干，病在目之颌上，故曰仰合）

家宅未安泰（宅舍不宁，人口不安）

干类

干克神：外来取索，若临门，主人谋害自己，常人损财，仕人失位，不宜求干，官事主散，官爻受克故耳。

干克将：求财不得，常人破财，忧病。将阳主本身，将阴主妻室。

干生神：外生助我物帛，或亲友相访，占家主富而有生意，乃外生内也。欲讼者官府中事。

干生将：内外和顺，人将物来送我，或有人干预于我。

神类

神生方：宛转和合，贵人有怜小人之意，更得贵人之力。

神克方：隔手求财虽难得，事主晚成。

神生将：所谋顺遂，内外和谐，人将财物助我，行人将至。

神生干：仕人论官，或有相托，常人有官府事，人将物求我，或自己将财求事于人，事求必得，寻必见。

将类

将生干：自己将财与贵人，内外和畅，父子亲，夫妇顺，富贵之兆，百事有成。

将克干：喜事重重，求财必得，求名必遂，科举上榜，宜远行。

将生方：名曰天覆，家人内合，有人助我，主亲人分别远行，财帛有喜，子孙兴荣。

将克方：斗讼官事，小口不安，自身有伤，六畜损失，家宅不宁，财帛破散。

方类

方克神：损外财，隔位克，下犯上，民告官。

方克将：钱财散失，又主伤妻，人欲出外失财。

方生神：内外和合，人广财丰，求事不隔手。

方生将：名曰地载，家人和合，喜庆富贵，协顺之兆，婚姻喜美，谋望有成。

三动

此不受克，故不入正动数。

方生干为父母动：为印绶，凡占，小干尊，大吉。

干生方为子孙动：凡占，主干子孙之事，小吉。

干方同为兄弟动：凡占，事在比肩朋友，小凶。

五合

神与干合为官合：仕人得之荣禄，亦利求官，常人官事。

将与神合为正合：欢美婚姻，会合亲友。不宜占病，求事有成，互相依辅，共为家室。

将与干合为隔合：内外相望，有人接引，位因阻隔，事体迟留。

将与方合为进合：主人共同上于道路，以卑动尊，以小致大，事成迟缓。

方与干合为鬼合：求官得禄，仕人升迁，亲俗不和，又主忧患，占病不宜。

解曰：凡干支相合，乃天地阴阳配合之义，万物生成，吉凶全备。且如甲己之日五子元遁起甲子时，则丙寅与辛未合，丁卯与壬申合，戊辰与癸酉合，己巳与甲戌合，庚午与乙亥合，辛未与丙子合。然干支在一旬之内相合者，谓之君臣庆会共旬。支干相合者，乃天地德合也。五合之用，事体共为，谋望有成。支干具合，其物圆类，合中值空，占物圆而中空，求事望而难成，合而不合，郁而不发，分而不分，合中反分，亲人反疏，先合后离，亲而不亲，义而不义。

三合全身

寅午戌：名炎上课，为财帛文书喜美之合。忌亥子水为坏局，凡事望而不成。如人元是丙，则为火局全耳。如人元是庚，则为鬼动克身，或人元是甲，则为相生。

亥卯未：名曲直课，为交易婚姻和会之合。忌申酉金为坏局，凡事望而有阻。如人元是乙，则为木局全耳；如人元是戊，则为官鬼动论之。或人元是癸，则为相生。

申子辰：名润下课，为行移干蛊争战之合。忌辰戌土为坏局，凡事望而有变。如人元是壬，则为水局全耳；如人元是丙，则为官鬼动论之。或人元是庚，则为相生。

巳酉丑：名从革课，为阴阳淫滥轻薄之合。忌巳午火为坏局，凡事望而间隔。如人元是辛，则为金局全耳；如人元是乙，则为官鬼动论之。或人元是己，则为相生。

解曰：凡坏局下克上为迅速，上克下为阻隔，中间为之坏局，求事一半成也。凡课

三合须待体式全备，吉凶祸福方可言之，克合生合亦以例推。如寅午戌火局全，若神将干带壬癸水为克合，凡事顺中有阻，合而不合，易而不易也。其他三课，以为官为鬼者，论四时休旺及空亡所值断之。凡课三合因变化而全体切详，日冲、月破、空亡、妒合，未可一概照合局全身论之。

虚一待用

寅午戌合为炎上课，虚一位为炎上破体课。亥卯未合为曲直课，虚一位为曲直破体课。申子辰合为润下课，虚一位为炎上破体课。巳酉丑合为从革课，虚一位为从革破体课。

解曰：凡课之合从化谓之全身。有二字，如虚一字谓之破体。如凡课有戌午而无寅，取寅年、月、日、时为应期。有申、子无辰，或有卯、未无亥，或有酉丑无巳。凡占人望事，需验远近。如远则年，次则月，近则日、时，必待此虚一字透出，共成三合，则行人至，谋望成。此为虚一待用也。最为课中之要论，不可不察，若有日冲月破，空亡受制，又当详论。

三奇德秀

甲戌庚，此为之德全课。乙丙丁，此为之奇全课。人奇：壬癸辛。

解曰：凡占课见三齐全，利见大人，百事吉昌，支辰和协，上下有辅。三奇德秀，此皆多喜庆，孕则生贵子。

一类朝元

经曰：一类朝元者，是一干见本属三支也。如天乙贵人占得此课，朝覲召对则出。常人不宜，无发用生克故耳。凡十二位神将朝元，如甲见三寅，乙见三卯，丙见三午，丁见三巳，戊见三辰、三戌，己见三丑三未，庚见三申，辛见三酉，壬见三子，癸见三亥，皆为之一类朝元也，占主事体重迭，闭伏不动，无荣无誉，阻隔淹滞，盖有比肩之类，而无父母、官鬼、妻财、子孙，无生克发用故也。若纯金纯火不可以此例论。水木土亦然。

四位俱比

庚辛申酉金比，西方白虎、太阴之象。值之主兵丧讼邪淫奸私，人口死亡，六亲刑克，家宅不宁，百事罔吉。

丙丁巳午火比，南方朱雀、腾蛇之象。值之主有是非官司，灾祸伤残，釜鸣火克，

怪忧惊恐，六亲刑克，居处不详。

壬癸亥子水比，北方玄武、天后之象。盖水性泛滥，值之主家计流移，奸私淫邪，蛊病水厄，寡妇孤儿，盗侵人害。

甲乙寅卯木比，东方青龙、六合之象。值之虽吉而无生，主仁而无恩，有兄弟而无父母，重婚姻而绝嗣续；求望难成，无誉无荣，艰难之用，凡百事蹇滞也。

戊己辰戌丑未土比，中央勾陈、天空、魁罡之象。值之主事体重迭，无父母、官鬼、妻财、子孙，亦无相生相克故也。是土无生育万物之功，凡事淹延阻滞，望用难成，重迭牵连，事体不一。

五比同类

干方比为正比，事在比肩，多有不成。

干神比为近比，事在外干自己。

方将比为远比，事在朋友同类。

神将比为次比，事在门户亲属。

四位比为合比，事在亲属，重迭牵连。

干元类

神干生将干，喜从外入。

将干生神干，喜从内出。

神将二干分局，相生有喜不成。

神将二干合局，相生喜庆重迭。

神干克将干，祸从外来，与贼动同类。

将干克神干，事从内起，与财动同类。

解曰：神将二干随支辰互相生克，主事交关往来、重迭。神将若是庚辛金而克身，

主家宅怪异，灾讼，凶丧，以金有白虎气故也。凡神将上所带之干，如六乙日见卯将，起五子元遁得己卯，神是朱雀，位是壬午。遇有克比合，亦依前式而推来情。

五行气化

甲己化土，乙庚化金，丙辛化水，丁壬化木，戊癸化火。

解曰：凡课中虽不见土，若神将上遁得甲与己者，元气运化为土，当做土用，射覆则是土类，或物出于土中，占事则以为土，亦为有气，至土旺日时为应期。假令丁壬课，甲己戌辰，以五子元遁至方位之辰。人元是甲，且甲木下生己火，火又生戌辰土，只见土初旺矣。又起神干见乙，将干见庚，则乙庚合而气化金，生于土。且以人元甲木被金之伤又当详论。占官用以鬼论之，凡占仕则吉，官事则凶。余皆以此为法推之，再加日辰月令用也，假令甲己见乙庚，乙庚见丙辛，丙辛见丁壬，丁壬见戊癸，戊癸见甲己，名曰受制不化，妒合不化，非时不化，逢空不化，非其所不化，此系五行奥旨，不可不详。

阴阳相生

经曰：假令甲木、乙草、丙火、丁烟。甲阳木而燥，故能生丁烟，乙阴草能生阳火，产于阴，阳为父。阴产于阳，阴为母。若阳见阳，阴见阴，则是阴阳偏枯，造化危脆，似木盛而花繁状，密云而不雨。四维之寅申巳亥，四正之子午卯酉，于五行之相冲，于阴阳而不育。占此者顺中有隔，吉中有危。

易曰：天地氤氲，万物化醇，男女媾精，万物化生。且如寅午戌、巳酉丑、申子辰、亥卯未之类，此为阴阳合而后能化也。凡五行生我者为父母，阴生阳阳生阴，德合配偶，化育生成，乃吉福万全之课。

凡课之四位上生下，下生上，内生外，外生内，或三位生一位，或一位生三位，及往来或相合相恩者，此发用之美端，谋为之吉兆。占干则成，望事则就。又曰：四位相生，万事吉昌。凡课五行相生，虽内有白虎、朱雀，兼劫煞魁罡之类，而外虽有暴恶之形，皆入相生和气之中，则革面顺从，遇恶而逢善也。殊不知克则为仇敌，生则为亲恩。如乘合辰，为福愈厚。

四位相生

经曰：假令人元生贵神，地分生月将，名曰合局。主家富贵，亦主内外和顺。如将生地分，主亲戚远行，占身及财帛当主称遂，亦主子孙兴旺。人元生贵神，主有亲戚来借物，或朋友来相访。如贵神生人元，主自己欲寻人，访之必见。如地分生月将，主婚姻事，谋望有就。如月将生贵神，主妻贤子孝，富贵荣华。如四位自上次

第相生于下，主有外人进纳财物，添进人口，六亲俱来相访，有非常之喜也。如四位自下重重生上，主商途有喜。

四位相克

经曰：假令人元克贵神，主有人谋害自己。贵神克人元，主自己欲谋害他人，皆主官事。如将与地分同克贵神，主卑犯尊。如人元与贵神同克将神，主伤妻损财。如将是阳支主伤男子，将是阴支主伤妻妾。将克地分主伤小口，看阴阳所属断之。

大抵人元是客，贵神是主。客为姓，主为家长。如阳贵人是阳人家长主事，如阴贵人是阴人家长主事。推休旺老少，如贵神克人元，旺主主得理。人元克贵神，旺客，客得理。

四爻生克颂

解曰：上克下为外入，官事起家内。下克上为内出，破财当向外。上生下，他人干预或牵扯自己。下生上，自己干预或牵扯他人。三上克下，家事之课，三下克上，出行之象。主用旺相，吉凶力旺；主用休囚，吉凶力弱。

颂曰：

吉能克凶事将空，凶能克吉事难成。

方来生将钱财聚，将若伤方斗讼生。

位来生客己寻人，干若生方人谒己。

二上生下子孙兴，二下生上财满筐。

凶神受克，忧患消灭。吉神无伤，福庆繁昌。人元不伤，争讼理长。人元受制，争讼无气。主休客旺，我短彼长。位强身弱，我忧他乐。四位相生百事吉，四位相克百事凶。阴多阳少为男事，阴少阳多女子因。

如求财最要详主客和合，则终无疑阻也。客若克主，是干克神也，求事难成，争而得之或出不得已也。若主克客，是神克干也，求事不遂，当空手还之。入式歌云：客克主兮来索物，主克客兮客空还。二说相同，皆主争讼也。

人元与贵神相克，谓之外战，月将与地分相克，谓之内战。凡外因外事，内因内事，皆主口舌是非、灾患伤财也。如四位从下次第克于上，主其家里勾外连，搬运财

物，亦主家人不和、官事口舌、伤财刑狱之事，或出残害之人。如四位从上次第克下，主其家不义，多饶疾病官事，外人来谋害家中人也，或家道不称，人口羸弱，斗讼伤财。

应期合德

诀曰：凡课应期，最难推测，惟取合处为妙，其合有五：

其一，天地合德者。如甲子日课得戊辰将，顺取癸酉月日时为应期。又如甲戌将得己卯合，庚子将得乙丑合之例。

其二，取将干近合为应期。如六乙日得戊寅将，即以癸日时为应期，不必待天地干支全合也。又如甲子日占得丙寅将，近取辛未日时为应期可也。干合者，甲己、乙庚、丙辛、丁壬、戊癸，盖以将干取合也。

其三，取奇合为应期。三奇甲戊庚、乙丙丁、壬癸辛。若课得将干有甲戊而无庚，而庚日必应。有丙丁而无乙，于乙日必应。此三合，如命家虚拱暗位之说同。

其四：取三合为应期。三合者，寅午戌，巳酉丑，申子辰，亥卯未。若课中有寅午而无戌，在戌月日时必应。有巳酉而无丑，于五月日时必应。有子辰而无申，于申月日时必应，有亥未而无卯，于卯月日时必应。待其虚字透出为应期也。

其五，取六合为应期。六合者，子与丑合，寅与亥合，卯与戌合，辰与酉合，巳与申合，午与未合。如月将是寅，取亥月日时为应。如卯将，取戌月日时为应。如辰将，取酉月日时为应。如占人望事，若旺相见劫煞及见天驿马者，逢合即至。如远则年月，如近则日时，取合为应期也。

解曰：应期取三合、三奇、六合、干合，盖取用于所占之课月将与神也。神若得日不出日，得时不出时。只取近合，不必干支俱合也。

又法：课得前一辰遇丁甲者；三旬以内逢本日将为应期。课得后一辰逢丁甲者，三旬以外逢本日将为应期。是丁甲者，取甲子周数以外逢本日将为应期。如本位上见丁甲者，取近日遇本日将为应期。

假令：十一月下旬丑将、乙卯日、巳时、未位。癸水、申金、卯木，未土，此课前一辰见甲，三旬内逢本日将为应期，本课以乙卯上日起五子元遁，己卯将上白虎带甲木，将与神干甲与己合，只取近日遇本日将为应期，不须待三旬也。

贵神休旺

六合青龙木为主，绝在申酉并子午。

腾蛇朱雀火之精，卯酉亥上无气处。

太阴白虎是金神，祸败须防子午寅。

玄武天后藏于水，卯酉巳上不堪论。

更有天空及勾陈，太常与贵相为邻。

四神是土同所断，天官休旺得其真。

五行休旺

春：木旺、火相、土死、金囚、水休。木墓在未，角姓忌。

夏：火旺、土相、金死、水囚、木休。火墓在戌，徵姓忌。

四季：土旺、金相、水死、木囚、火休。土墓在辰，宫姓忌。

秋：金旺、水相、木死、火囚、土休。金墓在丑，商姓忌。

冬：水旺、木相、火死、土囚、金休。水墓在辰，羽姓忌。

五行聚管

缘五行生克，寓乎盛衰，乃自然之理也。谓此似沦于固执，但原道今人不取，故并集以俟高明者鉴之。

三水一金主文章，蟾宫折桂意扬扬。

禹门浪稳风雷发，不日拖绅上玉堂。

解曰：三水一金，此课主文章之土，不久得官，不然主大富也，遇丙丁在上，主发禄或迁官应之。遇水在上，主有争讼，外人谋害。若发禄必非丙丁也。

三水一木主荣华，田庄浩大足丝麻。

子孙定是身端美，兴旺家门福寿加。

解曰：三水一木，此课主家道荣旺，子孙孝顺；庄田浩大，子孙丰标，兼有文章。

三水一火家屡贫，惨伤恶死损其人。

久患风劳身不遂，终朝何苦告天神。

解曰：三水一火主家贫，庄田破散，子孙作贼，多行凶恶，及有刺面三人在外死也。又曰：二说孰是孰非尤当详辩。

三水一火不为灾，局成既济又和谐。

田宅六畜多富厚，主有黑衣人间灾。

解曰：三水一火主不为灾，然三水克一火合主凶，却无灾，又云水火既济，故主夫妇和谐，子孙兴旺，田蚕财帛、六畜兴盛。来意为阴人淫乱。（以上二说谁是谁非尚未定论，待高明者鉴别之）

三水一土破家门，人亡恶死不堪论。

庄田破败难拘管，纵有儿孙贫苦存。

解曰：三水一土主家破人亡、恶死，及田庄破败，或有子孙亦贫苦也。

三火一木家破财，人多残疾绝后代。

家中哭泣不曾住，三女生来多祸害。

解曰：三火一木主家贫破败，出残疾之人，常有哭泣之声，家中只有三女，并无儿孙，出一房绝后。此虽相生，却为凶祸，何也？经曰：二火为灾百事残，今见三火，一木又生之，故其祸转深，即以凶断。生三女者，以一木生三火，然三火为纯阴也。来意只为阴人有残患。

三火一土破家财，家中人口现多灾。

田庄破尽无分寸，纵有儿孙事转乖。

解曰：此课中若见天罡土旺，主家道不和，六畜损伤，走失死亡人口，必患沉痾。来意为官讼。

三火一金受灾屯，疾病疮痍不离身。

日夜呻吟床枕上，纵需扁鹊治无因。

解曰：三火一金主有大灾，人口病患，疮痍不休。床席有呻吟之苦，药不能治，又主死伤人口，此课百事大凶。来意为伤了人口。

三火一水主不良，母行淫乱失田庄。

窃盗败来凶恶露，应需刺面配他乡。

解曰：此课主家贫破败，子孙多行凶恶，作贼刺配他方。

三木一土家又贫，室中多行不良人。

岂凭媒妇相成就，邸店梳妆是立身。

解曰：三木一土主家破贫乏，兼妇人淫乱。故曰：不凭媒妇相成就，邸店梳粒是立身。

三木一水人少亡，儿郎作事不谋长。

又有远行仍无信，虚诈多端取祸殃。

解曰：三木一水主家中兄弟子孙消亡；更为事多无远见，全无信约，动作虚诈，主命促也，更家不和。来意只为失财，后主死人官事应之。

三木一火乏资粮，家财破散失田庄。

窃盗败来凶恶露，应需刺面配他乡。

解曰：三木一火主家贫，庄田破败，子孙作乱，多行凶恶。

三金一水最不强，家中多是恶伤亡。

纵有儿郎须夭折，丙丁岁内定凄惶。

解曰：三金一水最不嘉，其家主恶伤死者，又主一房遇丙丁岁内定有灾病。田产不遂，饶官事斗讼。来意只为官事争讼也。

三金一火主家昌，福禄资财转富强。

屡有贵人来接引，不惟丰富有儿郎。

解曰：三金一火主家业富贵，频有贵人接引，又主子孙兴盛。一火克三金，合主大凶，却为大喜，以凶中取吉也。法曰：凶中取吉，吉中取凶，此课中深旨也。来意只为争讼，弟兄不义。

三金一木多软弱，儿孙生下还无目。

眷属阴人频死伤，丙丁之年灾更速。

解曰：三金一木主子孙羸弱，多有患头目之人，阴人颇有伤。此课尤忌丙丁之岁，主大凶。来意只为望远信，求财帛。或做三水一火。

三土一水出刚强，胆硬心雄甚勇张。

或遇丙丁来发旺，分符还用守边防。

解曰：三土一水此课合主刚强之人，胆硬心雄。虽破败，若遇丙丁在上，主发旺也。

三土一木太乖张，儿孙刺面配他乡。

家中破财无田产，更有儿孙赴法场。

解曰：三土一木主事乖张，子孙必有徒配。家贫破财，亦无田庄，兄弟不义，更有赴法场之人。此课主君不君、臣不臣，父不父，子不子，法无纲纪也。

三土一金出英俊，子孙聪慧有名声。

教诗阅礼多渊博，科甲巍峨锦绣迎。

解曰：三土一金主出英俊子孙，聪慧而有文章，出文武官，不然家大富也。来意只为问远行，主吉庆，或做三水一金。

二水二金子孙多，有妻端美若嫦娥。

此课有家得富贵，钱财粟帛有绫罗。

解曰：二金二水主子孙荣旺，妻有姿质，其家大富，此课最吉。

二木二土克刑伤，尤多痲病面痿黄。

子孙官事何尝绝，牢狱加临有祸殃。

解曰：二木二土主有人口伤害，劳病，子孙官事牢狱，争讼不绝，此课大凶。来意只为患病，死亡，主患风疾，子孙恶疾也。

二水一木一土当，性强还恐少儿郎。

岂得外姓为儿女，日久年深改赵张。

解曰：此课为刚强之人，亦后嗣不兴，主绝嗣也。外姓为子，或招婿接脚。休则主官事，出残害阴人。

二土一水一木伤，有人患害自关防。

时常疾病灾无已，死丧年年有祸殃。

解曰：二土一水一木主伤人口，多饶病患，年年死丧，官事不绝。此课大凶，来意只为他人谋害自己，人口患病。

二金一水一木强，家中和会喜非常。

更主儿孙多俊丽，丝蚕每岁进田庄。

解曰：二金一水一木，主家喜庆，子孙聪慧，田蚕兴旺，家中和顺，来意只为外人争讼，然二金亦为争讼不顺之神。

二木一水一土崩，家中常是有相争。

更知后代多淫乱，亦有儿孙向外行。

解曰：二木一水一土主妇女淫乱，出不良之人。或子孙出外求财不利。故曰：二木为爻求难得，以一水不能生二木，又被土克，生我无气，而生气绝矣。来意为求财不遂，家内不和。

二水一土一木强，此人应是有田庄。

子孙骁俊飞声润，更得丝蚕岁岁昌。

解曰：二水一土一木家道荣昌，子孙兴盛，资财进益。此课虽有刑克，以克我者反为木克，即以吉断也。来意为贼偷了财物，主先忧后喜也。

二木一水一金行，子孙禀性各聪明。

田蚕兴旺无灾难，仍有资财喜庆生。

解曰：二木一水一金，此课自下重重生上，故主子孙聪慧，田宅兴旺，资财喜美，来意为出外求财也。

二火一金一木伤，有人灾病患头疮。

子孙恶逆难调治，人口凋残屡死亡。

解曰：此课来意只为两个阴人患病，又官司牵惹。

二金一水一火殃，儿孙多病患头疮。

间有一人能好善，也须睁眼外来昌。

解曰：二金一水一火主有患头目之人，其间有好善者，又有颠狂乱性之人，此课大凶，来意如上。

二火一水一土伤，家中淫乱事非常。

此课有克家母丧，资财破败落人行。

解曰：二火一水一土，主有刑伤之人，又是阴人不良亦主伤母。来意为争田庄，官事病患。

二木一火一土昌，子孙丰骨貌堂堂。

田蚕进旺人昌盛，还有官荣耀故乡。

解曰：二木一火一土主家荣昌，人多好善，进益田宅，子孙兴旺。又主求官有喜。来意只为生一女子。

四孟值课为遗失，四仲来人问交易。

四季攻激为婚姻，进身或然求信息。

解曰：课直四孟必为遗失，四仲必为交易，四季非问婚姻而问出身也。

五行例断

一水

水夹木，买卖交关婚事足。水夹金，文书远信酒食迎。

水夹火，惊恐官灾心痛祸。水夹土，妨妻破财害田土。

二火

火夹土，争竞财气因妇女。火夹木，朋友酒食远相迎。

火夹金，病死伤亡官事侵。火夹水，伤妻损财官事起。

三木

木夹火，多为子孙失小口。木夹土，牢狱争财竞田土。

木夹金，自家财物被人侵。木夹水，益进资财事事喜。

四金

金夹火，丧却妻儿家痛苦。金夹木，分散家财损六畜。

金夹土，土中金宝藏难聚。金夹水，子孙喜事从行起。

五土

土夹水，遗忘田土官不喜。土夹木，卖却田园分产屋。

土夹金，竞界争田坟墓侵。土夹火，信息田园和会我。

四位内见五行

入式云：四位内见二木，诸事难成。又云：如见二木，或见水，却为大喜。问见三木如何？曰：主官事缠身。又兄弟三人，并无父母。其兄弟三人俱各再娶，更无子孙。问见四木如何？曰：主官事。其家合主新盖舍屋，家中缺费，惟四壁而已，主贫乏艰难也。

入式云：二土比和迟晚看，言诸事求虽有成而迟也。如见二土苟无伤克，但得比和，安得有滞？若受刑克，亦主淹留。问四位内见三土如何？曰：主合有配妇凶恶，诸求不成。又主其家姊妹三人，亦无父母也。盖同类者为兄弟，生我者为父母，我生者为子孙，克我者为官鬼，我克者为妻财。合四位内无相生克，只有同类，乃是勾陈太常，以上言姊妹三人也。问见四土如何？主无凶也。故曰：三土四土，丑妇凶恶，其灾福与上同断。

入式云：二金刑克都无顺，二金皆凶神也，亦是白虎之位，兼主不顺。故其家饶斗讼，兄弟不义，妯娌不和更金上见火，主家死亡人口。问见三金如何？曰：主阴人淫乱，家宅不宁，合主门师禳镇其宅，亦死亡人口，又主官事，其灾福亦与二金同断。问见四金如何？曰：此四位为纯金，其象主君不君，臣不臣。父不父，子不子，乱纲纪，其父母兄弟骨肉皆主不顺，最为大凶。

入式云：二火为灾百事残，主其家有阴人残患，更主家内火光焚烧。若火上见二水，主有妇人产死。如二火见二水之上，主夫妻不和，休离应之。问见三火如何？曰：主阴人官事也，更主阴人残害。此课亦主妇女主家，为纯阴之课，阴旺阳衰也。其家多生女。亦主外人主家，更釜鸣数次，见火光应也。问四火如何？曰：二火为灾百事残，其三火以为甚，何况四火乎？

入式云：二水皆顺为大吉。谓见二水为之大喜，亦不为灾。如上见二土，主伤阳人两口，破财贼伤。如上见二火，必有官事伤人。如上见二木，其家出外求财大吉。如上见六合木，合主婚姻成合，交关争役吏也。青龙则为财矣。问见三水如何？曰，其家必有痔痛男童，及有外贼伤财物数次，其家亦主水灾，此课大凶。问见四水如何？亦与三水同断，皆主大凶。

贵神临劫煞

天乙被煞主灾同，贵人厄难有何通；

神被将克家长损，神克妻儿鬼哭凶。

劫煞腾蛇火见凶，鬼怪颠邪兆宅宫；

更主妇人心痛病，门椽屋爆影光红。

劫煞朱雀斗争张，文字凶来官事伤；
若见火光还应得，争妻竞妇女身亡。
劫煞六合事急忙，公私牵惹斗争张；
自家无事人欺辱，看取人元定祸殃。
劫煞勾陈入课排，上门子午必然灾；
更主争讼三五度，死亡人口犯神来。
劫煞青龙莫上门，火光流血或成屯；
惊忧贼盗伤人物，狱讼纷纭死丧频。
劫煞天后女人连，申酉临之事并然；
况当奴婢私逃走，人元克将破财钱。
劫煞太阴不可当，妇人计谋事难防；
不明暗昧临小口，将与人元莫犯伤。
劫煞玄武凶事重，贼来谋害入家中；
临申防贼临酉走，贼神见虎杀伤凶。
劫煞灾煞遇太常，财帛散失两三场；
更主酒宴毒药害，如在魁罡主此殃。
白虎行年灾劫关，必须丧事有重重；
两虎当旺魁罡上，人元是木有深凶。
劫煞灾煞合天空，惊恐相争分外凶；
若更人元来克将，望成求就尽胸中。

解曰：勾陈言上门者，子午卯酉是也。子午为天门，卯酉为人门。前云六合逢劫煞主因公事损其身，更看人元与六合和与不和，若更克人元必凶。又太阴法言：克将主破财，人元受克主杀夫。又曰：玄武之见白虎者，为临申是也。临酉主妻走也。

贵神值人元

人元克神争官讼，更兼父子不相同。

神临魁罡墓上病，与土同乡见死凶。

神到甲乙休会客，必然席上有纷争。

水上见神阴小损，若居火位喜还生。

神临驿马添官职，定知官事损得理。

合是青龙居宝位，全必逢之多见喜。

贵神克将阴小损，贵神受克定灾同。

下克上兮子孙逆，上克下兮妻财凶。

日上见神当日事，月逢月内年岁中。

常取相生皆主喜，如逢相克必然凶。

贵神临神煞

贵神上见灾煞、劫煞主贵人有厄难，诸事不和，文字凶，贵神受克主伤家长。若贵神克将神主妻哭泣，大凶。若人元克贵神，主有官事争讼，更兼父子不睦。若贵神临魁罡，据此课不得会客，宴上必有争张，兄弟斗讼也。故曰：神到甲乙……，今言魁罡者，甲乙木来克贵神，亦有不和争斗。今魁罡乃斗讼之神，故有不和斗争之理。二说皆通，宜从魁罡也。若水上见贵神，主阴人小口有灾也。若火上见贵神主喜庆之事。或有官司灾难，必主消散得理通和。若贵临驿马，必加官进禄，更主得珍宝之物，有大吉之喜。驿马亦依后排也。故贵神主有二凶，若下克上主子孙逆党，若上克下主妻子财帛之凶。若临年太岁大凶，日月亦然，若四位相生有大喜，相克大凶。

魁罡所临

天罡争斗决雌雄，本与河魁一例同。

两将更加诸位上，必然斗讼入官凶。

解曰：凡行将上下见辰戌临诸方位及临辰戌上，主有斗打见于顷刻间也。又曰：凡两神临诸方位上无不斗讼，为是天之牢狱煞，斗讼之神，如课内见之，定主斗讼之凶。

传送所临

传送临辰丧事多，到戌争竞官病魔。

更主鬼神远丧怪，占病为凶怎奈何？

传送临巳火中衰，到未口舌必官灾。

更主逃亡因事走，釜破门伤大损财。

传送奔腾入火中，官灾口舌有重重。

游行况是多屯蹇，车碾喉疮道路凶。

传送临金变化多，无刑无克事消磨。

虽然丧孝重重过，却与兄弟两相和。

解曰：申行处便为行移神。若临寅卯上主伤翁姑及破财，盖传送为行移神，车马号白虎，主远丧尊长，故寅为翁克，卯为姑克。此定知田蚕不成，与破财同。若病主死，百无一吉。申到辰主丧事、路行凶，主斗讼。申到戌主鬼怪邪恶、官事、病患死亡之兆。又曰：传送临金上亦主变化多般，或喜或怒也。若传送无刑无克，主诸事皆喜，纵有凶祸，主消磨了。此课主先凶后吉。虽有死亡，却有不死之理。虽主重重祸来，其后却主兄弟和同，若更见天罡，主有斗讼凶。

飞符加年月日

若说飞符日上推，便于甲巳乙辰知。

丁寅丙卯须当起，戊丑己午庚未期。

壬酉辛申癸戌上，其神一干上居之。

倘遇斯辰同一位，居然横祸有危疑。

丧门加年月日

正五九当未，二六十辰推。

三七十一丑，四八腊戌知。

寅午戌在未，亥卯未在辰；

申子辰在丑，巳酉丑在戌。

天鬼加年月日

得春从酉起，三夏午方期。

卯上逢秋位，言冬子位推。

天罗地网加年月日

日前一辰为天罗，对冲地网更无他。

若加年月日辰上，囚讼灾殃病必多。

关隔锁

酉上见木为关，卯上见土为隔，卯上见金为锁。寅加酉为关，戌加卯为隔，申加卯为锁。占此行人不通，远人不至，囚禁难脱，病孕阻隔，访人不见，逃亡不还，占物有隔，百事有阻，百事迟留。关上见金为斩关，申卯酉；土上见木为毁隔，寅辰卯。锁上见火为破锁，午申卯。

前以酉上见木为关，金又克木为斩关。卯上见土为隔，木又克土为毁隔。卯上见金为锁，火克金为破锁。断曰：囚禁得脱，病孕安，逃亡避罪，关节开通，因事出行，皆为顺利。

愚谓：用关隔锁小吉而不宜，若用斩关毁隔，破锁而不吉，是贼上加贼，兵上加兵，何伤之甚也。有若取意详事，而不用五行生克制化，是舍头目而取毫芒，宜详察

之。

旬中空亡

甲子旬中戌亥为空亡，甲戌旬中申酉为空亡，甲申旬中午未为空亡，甲午旬中辰巳为空亡，甲辰旬中寅卯为空亡，甲寅旬中子丑为空亡。

所主人情虚假，事不尽诚，闻忧不忧，闻喜不喜，求谋不就，望用无成，行人虚信，病讼无危，逃亡未获，失物难寻。又曰：凶神落空，凶事消溶；吉神落空，喜信难逢；诸合落空，喜未扶同；旺相落空，过旬始通；财官落空，进取无功；鬼贼落空，虽凶不凶。

四大空亡

子午旬无水，寅申不见金。

假令甲子旬戊辰日课：壬子、癸亥。甲子，甲午旬课干神将方有水是也。谓之四大空亡。寅申不见金，亦同此义。凡有谋用，吉凶不成。

四绝

寅酉为金绝，主事于文书道路。

卯申为木绝，主事于财帛车马。

午亥为水绝，主事因口舌取索。

子巳为火绝，主事妇女男子道路。

将与神相遇为正绝，主事体尽毕，人会而散，夫妻离别，求事不成，占病必死。

将与日相遇为遥绝，主贵人不喜，官职退散。

将与时相遇为次绝，主坐着时官人说断分散之事物损坏。

将与命相遇为大绝，主非常惊恐、灾祸，破散财帛事占动，进退不宁，占病必死。

将与位绝，位与神绝名正绝，与次绝同断。

此五绝指事体断绝，人情离散，器物损坏，占病大凶。如卯申亥合，名合中有绝。然卯申为木绝，午亥为水绝，凡课中有金与水土未尝绝也。若有午卯为用，主聚而复散，成而复败。若申亥为用，则主断而复续，失而复得。

四败

水土遇酉，火遇卯，木遇子，金遇午为四败。

凡四败如乘车，体则似囚系拘缚之象。主口舌、忧危、官事、刑讼，惟宜捕捉，不宜占病。

月建旺相

建者，正月建寅，二月建卯等例是也。入占，旺为事旺相久远，吉凶力壮，或并立初新之事，亦主月内初新事。凡月建出现谓之龙德，渴望动为，吉凶立应。

凡神将建旺者，物则盛大数多，人则健壮少貌，吉则为福愈后，凶则为祸尤深，谋为可望可成，置立渊远。吉课逢生逢合，有初新财禄喜协之因。凶兆相伤相伐，有初新讼病丧破之事。又曰：吉有建关方显吉，凶逢生旺转为灾。

旺者，生旺，凡旺有三：一曰四时旺，春木，夏火，秋金，冬水。二曰相生旺，如寅卯得亥子水生，亥子得申酉金生，申酉得四季土生，辰戌丑未得巳午火生，巳午火得寅卯木生。三曰随日辰旺，如将神是寅卯木得亥子日，将神是亥子水得申酉日，将神是巳午火得寅卯日。此名长生合旺也，此日辰透出，所以旺也。

相者，如寅月得卯辰将，卯月得辰巳将，辰月得巳午将，巳月得午未将，仿此将来有气而相也。所主将来已动望成，未就初新之事。又曰：吉兆集福于将来，凶应祸随于旋踵，八节建旺尤宜细详。假令巳月课得辰将，午月课得巳将，原夫盛则继衰，旺则渐废。所占殃须危而渐瘥，事须凶而渐退，或因病而重发，或以残事而再来，占财须吉而凶，占事已过而复起。

月破休囚

谓之天解，解散忧疑之事。

月破者，正申、二酉、三戌、四亥、五子、六丑、七寅、八卯、九辰、十巳、十一午、十二未。

申破巳，戌破未，亥破寅，丑破辰，午破卯，酉破子，入课主器物破坏。忧者散，

病者死，事不成，财无气，妊娠孕育，囚禁脱离，盖用神被月建冲破谓之解神，又曰四时空亡。

休囚者，春土、夏金、秋木、冬火。入占主吉神值之未能吉，凶神值之未能凶。病讼忧危，凶不为咎，谋望喜而不成。财浅薄而无多，物数少而细微。盖有心而无力，事欲速而宜迟。

月厌者，正戌，二酉，是也，入课主诅咒、冤仇、禳厌不明之事，占病连绵不康。

岁君建破

岁君，年中天子之象，统摄诸位神煞。入占为尊长部官之事，占官有进爵面君之喜，受克主尊长灾厄。凡神将与太岁同，主当年见理事。

日建者，将神与日辰同，所主一日内之事。又曰：将与日辰同，灾祥百刻中。凡神将方位值犯休囚，若出现值日辰，吉则助无吉，凶则助无凶。

日冲者，盖课中被日辰冲破是也。入课主器物破坏，望事难成，人情不和，出入动摇。闻忧不忧，闻喜不喜，官事不决。又曰：格局冲而不成，生合破而不用，旺相逢冲即发，凶亦无危；休囚，犯破即空，吉而不吉。

卯酉为门户，若受克或相加者，主家宅变更不宁，或修造改换门户。若见鬼贼发动，家居不和也。又曰：凶伐临门而灾祸侵，吉合临门而喜事至。

论岁神

论神者，太岁也。如子年见子之类。若遇年干同者，为真太岁也，主人君、大臣、大师、头领、家长。若人遇之利见大人。常人遇之，主有干于朝廷、官府之事。若临门户、日辰、年命上者，受克主尊长凶，若在功曹传送，此年课主云六月以前。见去年太岁，旧年事。七月以后见来年太岁，来年事。

岁冲，又名岁破，又名大耗，与太岁相对是也。入课主道路音信不通，财物破散，家宅损耗。上半年间，岁之半也，主贵人不喜，求望难成，又主丧亡。

岁宅者，岁前五辰是也。入占，主争讼田宅之事。若宅神受制，主人口灾祸惊忧。

合用神煞

天德：正丁，二申(庚)，三壬，四辛，五亥(壬)，六甲，七癸，八寅(甲)，九丙，十

乙，十一巳(丙)，十二庚。入课主解百祸，凶变吉，又主尊长贵人喜。

月德：正丙，二甲，三壬，四庚，五丙，六甲，七壬，八庚，九丙，十甲，十一壬，十二庚。入课主尊长贵人和合，亦解百祸。

月合：正辛，二己，三丁，四乙，五辛，六己，七丁，八乙，九辛，十己，十一丁，十二乙。入课亦主尊长喜庆和合，并为忧危之解。

天赦：春戊寅，夏甲午，秋戊申，冬甲子。入课主解刑禁忧危之苦，修造，婚姻，出入皆利。

天喜：春戌亥子，夏丑寅卯，秋辰巳午，冬未申酉。入课主占官得理，百事皆成，危得安，忧得喜。

天马：正月在午，顺行六阳辰。正七午，二八申，三九戌，四十子，五十一寅，六十二辰；入课主求事迫切，望行速至，游行皆利，逃避远去，走失难寻，他皆吉。

驿马：申子辰月日在寅，亥卯未月日在巳，寅午戌月日在申。巳酉丑月日在亥。若驿马入占，求官、望事、出入、迁移，行人书信迅速可得，但逃亡走失去远难获，又主移动出入之事，占官尤喜，捕捉难获。

丧门：岁前二辰是也。入课上克下主孝子忧疑，占病大凶。

吊客：岁后二辰是也。入课主惊忧、隐私、灾患之事，占病凶。

丧车：春酉，夏子，秋卯，冬午。入课不宜占病，若丧车克人元必死。

截命灾杀：甲己申酉最为愁，乙庚午未不易求，丙辛辰巳何劳问，丁壬寅卯一场忧，戊癸子丑莫追求。入课主求事阻截，妇人生产空挠、迟延，不宜占病及六畜。

三丘：春丑，夏辰，秋未，冬戌。入课不宜占病，主论讼坟莹之事。

四墓：春未，夏戌，秋丑，冬辰。入课亦主论讼坟莹，占病即凶。

病符：岁后一辰是也。入课主灾病。

官符：天乙相冲之将是也，又名无私使者入课必恶，占病主凶。

六丁：人元见丁是也。入课主门户不康宁，惊恐忧疑之事。

六甲：人元见甲是也。入课主和合喜庆事。

飞廉：正戌，二巳，三午，四未，五申，六酉，七辰，八亥，九子，十丑，十一寅，十二卯。入课主求事迅速，占行人立至，及主非常惊骇不测之事。

劫煞：申子辰日在巳，亥卯未日在申，寅午戌日在亥，巳酉丑日在寅。入课，君子得之吉，小人得之凶。

地煞：劫煞前五辰是也。入课不宜占走失行人，主阻隔不通也。

望门：劫煞相冲是也。入课主忧疑、妄想奸淫妻妾之事。

灭门：阴月前三位，阳月后三位是也。入课不宜占移居、嫁娶、妊孕、官事，主大凶。

天盗：克将是也，据前法以子将为天盗，此法以玄武为癸亥。入课主阻隔，走失不利。

往亡：立春后七日，惊蛰后十四日，清明后二十一日。立夏后八日，芒种后十六日，小暑后二十四日。立秋后九日，白露后十八日，寒露后二十七日。立冬后十日，大雪后二十日，小寒后三十日。往亡者，去而亡也。入课忌拜官上任、远出、嫁娶、占病。

三刑：巳刑寅，寅刑巳，巳刑申，无恩之刑；子刑卯，卯刑子，无礼之刑。丑刑戌，戌刑未，未刑丑，恃势之刑。午酉辰亥为自刑。入课辅吉则吉，辅凶则凶。旺则如乘车得马。休囚主囚禁、口舌、忧挠，刑讼，忧疑，惟宜捕捉，不宜占病。若官动仕人迁名，常人占家则凶。

六害：子害未，丑害午，寅害巳，卯害辰，申害亥，酉害戌。入课主有人谋害及官中事，占病亦凶。

生气：每月开日是也。正七子午，二八丑未，三九寅申，四十卯酉，五十一辰戌，六十二巳亥。记忆捷法：正月为子，二月为丑……十二为亥。入课蹇中有顺，绝处逢生，所为皆美。生气对冲是死气。

禄倒：甲年卯限，乙年辰限，丙年午限，丁年未限，戊年午限，己年未限，庚年酉限，辛年戌限，壬年子限，癸年丑限。入课主禄位有损，病者大凶。此处“年”，是指本人的生年。

马倒：寅午戌酉限，申子辰卯限，巳酉丑子限，亥卯未午限。假令子生人，限到卯宫是马倒，入课病者大忌，亦主不利官中。

天医：月建后五辰为天医。正戌，二亥，三子，四丑，五寅，六卯，七辰，八巳，九午，十未，十一申，十二酉。入课主病者得愈。

地医：天医对冲是地医。如，三月天医在子，地医为午。作用主事同天医。

五鬼歌

甲己巳午癸未存，乙庚寅卯守黄昏。

丙辛子丑来冲位，丁壬戌亥墓临门。

戊鬼忌占申酉位，建逢辰土做公卿。

此辰若遇干支上，专主行人道路冤。

四象五行图

干：天干。

神：贵神。

将：将神。

位：地分。

天时：金鸣，木风，水雨，火晴，土云。

地理：金道路，木林野，水河道，火高山，土平地。

人事：金凶恶，木奢华，水漂流，火急性，土淳厚。

病源：金肺，木肝，水肾，火心，土脾。

十干生克所主

甲：喜庆婚姻官禄发，生神方也。

乙：财帛就亲书信喜，生神方也。

丙：家宅不宁文字损，克神方也。

丁：惊恐灾忧哭泣声，克神方也。

戊：坟墓词讼争兢笃，克神方也。

己：酒食田园婚姻喜，生神方也。

庚：六畜道路死亡凶，克神方也。

辛：外丧凶事有虚惊，克神方也。

壬：祭祀不行灾患生，克神方也。

癸：四足家中惊怪起，克神方也。

十二地支生克所主

子：财帛动用时得已，不克。

丑：阴财田产宜富有，不克。

寅：官吏文书勾陈值，不克。

卯：出入饮食文书耗，不克。

辰：时有小人争讼频，因克。

巳：妇女迎邪因旧事，因合。

午：血光惊恐时时睹，因克。

未：妇人酒食论情意，因合。

申：亲朋远来道路凶，因克。

酉：出入相逢吃好酒，因生。

戌：小人惊恐时时出，因克。

亥：家中病人身未产，因克。

贵神休旺所主

凡四位内皆以贵神为主，但看四位相生、相克、比和，或隔位生克，乃详何神最旺，最旺之神见之，即知贵神在旺相死囚地也。有位内之旺神，有四季之旺神，有日下之旺神，相死休囚皆如此参校取之。

天乙贵神：土、贵神、火、水。

此见土旺。火为水克，水为土克，火又来生土，则天乙土旺矣。大抵天乙主贵人之事。上生下贵人有喜，下生上主贵人迁位。不然，大有喜庆。上克下主贵人离散，远游主凶。下克上，主其人忧远信，及有官事。旺主贵人增福庆，迁职品，相主贵人得大财喜。死主贵人死丧，更无尊长，囚主贵人官讼无理，休主贵人家内人口疾病难安。来意只为贵人尊长迁改之事。

前一腾蛇：水、腾蛇、金、土。此见土旺。

以水克火，火克金，土克水，火又来生土。今土旺则腾蛇休矣。大抵腾蛇主灾怪，或见火光焚烧，又主虚惊也。上生下主惊恐在后，下生上主惊恐在前及妇人残害。相主斗讼争酒食惊恐。死主阴人死丧，惊恐。囚主牢狱枷桎惊恐。休主疾病惊恐。来意只为妇人争张，其蛇本身是妇人也，纵不是妇人，其争张必因妇人身起也。腾蛇亦是凶神。

前二朱雀：水、朱雀、土、木。

此见木旺。以水克火，土克水，木克土，水又来生木，今木旺则朱雀火相也。大抵朱雀主文字口舌。比和主印信之事，及主信息。上生下主文字暗昧不明，必主先忧后喜。下生上，有口舌、斗讼，不成官事。外战口舌外至，内战奸邪内生，亦主家不和，破财应之。旺主官事口舌，相主争钱财口舌，死主凶祸口舌，囚主囚禁口舌，牢狱事。休主奸夫口舌，斗争欲至。来意为官事，或见血光，因文字上发动官事。其课主凶，亦不宜问病，大凶。

前三六合：火、六合、金、火。

此见火旺。以金克木，火克金，木又来生火，今火旺则六合木休矣。大抵六合主议论财物、交易荣繁事。又主阴人喜美事，或妇人私情和合之事。比和，主论讼寄财

物，上生下主出入，家人心肝零落，先凶后吉。下生上，主有宴会及有远行人。外战，宜变作，图经营即吉。内战，有阴人财物破财，不能聚管。旺主成合婚姻，相主官事昏昧争张，死主报死临门，囚主牢狱官事即至。休主病患，亦主争竞钱财昏昧之事。来意为官事追捉，更主寻一个阴人也。

前四勾陈：金、勾陈、水、火。

此见土旺。以水克火，火克金，土克水，火又来生土。此勾陈土即旺也。大抵勾陈主勾留之事。凶主争讼，比和主自己欲谋害他人，争竞田宅。上生下主论讼有理，下生上主争讼田宅。外战外争张，内战主在家争张。亦主家中不和，及人口病患。旺主贵人争张，死亡六畜，相主争张钱物，死主坟墓争张，囚主囚系狱讼争张，休主六畜上争张。来意为斗讼共外人争张，主不得理，亦无喜事，更主阴人病患。

前五青龙：水、青龙、土、金。

此见金旺。以木克土，土克水，金克木，土又来生金，金旺则青龙木死矣。大抵青龙主财帛喜庆。比和主文字信息，财帛之喜。上生下主印信，受财物及珍异物。下生上主贵人获福，及酒食欢悦。外战主外失耗财物，内战主内失耗财物。旺主贵人喜庆，相主求得财物，死主失了旧来横财，囚主破财，休主人亡失财。来意为求财及远信，吉事也。此先主失财，后却求财必有喜也。

后一天后：土、天后、火、金。

此见土旺，以水克火，火克金，土克水，火又来生土。今土旺则天后水死矣。大抵天后主阴私喜美。比和主与阴人宴会之事，必主有喜。上生下主有妇人做念，颀望喜。下生上主故友知交相见喜；上克下主妇人奸诈，下克上主有官事相争。外战与外争张官事，内战妇人逃亡。旺主妇人宴会喜美，相主妇人有喜事至，死主妇人有丧亡之事。囚主妇人官事囚禁，休主妇人病。来意为家内阴人病患，或妇女被神缠，或妇女私情事也。

后二太阴：火、太阴、水、土。

此见土旺。以火克金，水克火，土克水，火又来生土。今土旺则太阴金相矣。大抵太阴主阴私、蔽匿、暗昧之事。比和主隐匿阴人之事。上生下主阴私喜庆，下生上主奸淫内至。外战主妇人因奸而逃亡，内战主内斗讼，阴人谋害。旺主妇人外情阴私，相主与妇女酒食相迎事，死主死丧六畜，囚主死亡失财、盗贼谋害事，休主妇人病患，又主妇人劳咳自缢死事，亦主争田庄。来意为阴人暗昧不明主事，或是夫妻不和，索离休也。

后三玄武：火、玄武、土、火。

此见土旺，以水克火，土克水，火又来生土。今土旺则玄武水死矣。大抵玄武主盗贼远伏，上克下主盗贼家内生。下克上主盗贼从外来，盗却阴人财物。外战主盗贼远行，内战内忧贼发。旺主盗贼动合得财物，相主有梦，见鬼怪动，被贼伤财，死主盗贼死伤，囚主有贼犯官司囚狱，休主失财，或损四足，主贼神动。来意为官事失财。

后四太常：木、太常、金、火。

此见火旺。以木克土，金克木，火克金，木又生火，今火旺则太常土相矣。大抵太常主衣服、冠带、酒食。比和主带花、欢悦、美丽之事，上生下主贵人赐衣及酒食，下生上主远人信息，纳财物来。外战外有口舌，女人为灾。内战内有口舌，并死亡，人离、财散，亦主妻亡。旺主阴人财帛喜，相主阴人酒食和会之事，死主阴人小口死。休主得阴人财帛。

后五白虎：火、白虎、土、水。

此见土旺，以火克金，水克火，土克水，火又来生土。今土旺则白虎金相矣。大抵白虎主道路事动，及有出入人在外，上生下主盗贼；下生上主自己出行。上克下主有人残疾，下克上主有车伤人。凡见白虎当旺相克死囚休，皆主大凶。来意为死伤小口及伤财也。

后六天空：水、天空、金、木。

此见金旺。以木克土，金克木，土克水，土又来生金。今金旺则天空土休矣。大抵天空主虚诈不实之事，亦主斗讼，出僧道。上生下主有僧道在家，下生上主有僧在外，上克下主门鸣屋爆，下克上主僧病在外。旺出紫衣人，相主福上增福，死主僧在外死，休主被恶人欺，如更有克，主宅鸣屋爆，因僧道失事，囚主官事。来意为斗讼及门鸣屋爆，后妇人之类。

将神源会所主

功曹者，古之太史。宋国人，姓孟，字仲贤，欺客印死于十月寅日，除为功曹。知人官事、口舌、文字、信息。天乙加临，主印信之喜。腾蛇主惊忧，后喜生女也，朱雀远信、火光，六合婚姻不成，勾陈妇女争讼，青龙本位大吉，天后妇女婚姻，太阴同天后，玄武财喜不失，太常阴财破，白虎入家凶，天空斗讼虚诈。

太冲者，古之盗人也。本秦国人，姓姜，字汉阳，挠扰村邑，为盗门户死九月卯日

，除为太冲。知人本命盗贼，门户分张事。天乙临门，贵人得财吉。腾蛇火光文字、官事，朱雀同腾蛇，六合主成就婚姻，勾陈阴讼田宅，青龙临门立有喜至。天后主婚姻，百事成。太阴同天后，玄武盗财，发动得财之喜。太常外得阴财，须主孝顺。白虎伤人凶，外出失财及讼也。天空求事不成，外事勾连。

从魁，古之亡徒也。本燕国人，姓孟，字仲任。逃亡客死三月酉日，除为从魁。知人年命、阴私、囚死之事。天乙临，因人得贵立至喜。腾蛇悲泣临门凶，朱雀远信临门凶，六合婚姻成就，勾陈娼妇临门凶，青龙财帛临门喜。天后临，妇人生产，阴人主家。太阴同天后。玄武盗贼失财，男盗女奸，徒刑为兵。太常阴人常处财喜。白虎凶丧临门立至。天空临门为骸骨神，主大葬。

河魁者，古之亡奴也。本晋国人，姓郭字太宅，病死二月戌日，除为河魁。知人田宅骸骨事也。天乙加临犯煞凶，腾蛇朱雀阴讼为盗凶。六合争骸骨，或争坟墓。勾陈奴仆杀害，亦主讼。青龙贵人带犬入家凶，天后主悲泣，太阴阴葬喜，玄武盗贼军兵讼凶，常阴财凶。白虎刀兵斩杀重丧凶，天空斗讼凶。

登明者，古之狱吏也。本鲁国人，姓韩字燕，七坐贼狱，死正月亥日，除为登明。知人县官、田宅、征召事。天乙临，贵人田宅讼。腾蛇信息患病事，朱雀同腾蛇。六合交易喜，及婚姻求就吉。勾陈阴人争讼田土。青龙得财，望贵人。天后阴权婚成，百事大吉。太阴同天后。玄武鬼怪、盗贼不害。太常悲泣，白虎道路、病符皆无害。天空牢狱凶。

神后者，古之媒氏也。本齐国人，姓贾，字仲狱，欺诈取财而死于十二月子日，除为神后。知人婚姻阴私事。天乙临，主贵人接引之喜。腾蛇妇女悲泣，朱雀凶丧信息，六合主成合交易，勾陈绝嗣斗讼。青龙望贵求财喜。天后婚姻成，百事吉。太阴同，玄武文状怪现。太常失财，先凶后吉。白虎望远信到家喜。天空主田土凶，多虚少实。

大吉者，古之牛圈也。本郑国人，姓郑，字季贤，病死十一月丑日，除为大吉。知人年命忧喜、六畜、田宅、口舌事。天乙临求贵，禄直至，百事吉。腾蛇临之百事喜，朱雀亦然，六合争讼凶。勾陈男盗女奸，凶。青龙求晋官及财喜。天后阴病暗昧凶，太阴阴权财帛进口。玄武阴谋斗讼凶。太常阴财喜，白虎盗贼失财及四足。天空临之，主四季相会，主杀害之凶，亦主斗讼。

十二贵神临本位所主

贵神临丑，主加官进禄，不然主家大富，其家必许心愿。

腾蛇临巳，其家饶残害之人，亦主火光釜鸣，主招入舍女婿，其家专望书信，寻人

。亦主先凶后吉。

朱雀临午，主妇人邪淫，斗讼，若遇火旺，须主官事。若临水上须主死亡患病事。

六合临卯，主有妻家鞍马到宅，其家主喜庆，往来频频，常做吏人，兴盛和交易。

勾陈临辰，主争张暗昧之事，其家主贼人盗财物出去，又主宅中合有虚惊，在门亦主斗讼。

青龙临寅，主有财帛，大喜。如旺相，主争财宝，须得理；其家必主田产，商途有喜，亦主富贵，得此无凶有吉。

天后临亥，主酒食，或见婚姻事，旺相主居家大吉，富贵之事。

大阴临酉，主有阴人争斗讼也，此为不顺，以见二金故也。

玄武临子，主有盗贼直入房盗却衣物，如临下是阳必是男子，如是阴必是妇人为贼也。

太常临未，主有孝妇之人或遇斗争，人逢欢乐而有喜，又主妇人财帛之喜。

白虎临申，主子孙在外，卒难寻觅，其家主有官事、伤财及伤六畜，更主有产死妇人，大凶，无有一吉之事。

天空临戌，主有孤子之人及疯魔人在家，主其家破散，子孙残病，阴人口舌，官事斗讼，亦主有虚诈不实之事也。

十二贵神见五行所主

天乙贵神：吉主人君大臣、贤士、大夫，为人厚重。相生为之美庆、印信、文书，遇金火主迁官晋职，逢水主争竞，逢木主去官职，入辰戌，主贵人病困不和。

腾蛇：吉主文书喜美，信息梦寐。为女子主轻薄，遇未好饮酒，逢申金随人走失。逢克主娼淫，落亥宫有水厄，主惊恐。见土木则吉，见水金主妇女患病不利。

朱雀：吉主敕书、天恩，文书，鞍马、服色。有克主口舌、惊恐、官讼，见其血光。逢金主病，遇水主女人产难，男子痔漏，水下主吐血，投井，自缢而死。

六合：吉主买卖、交易、婚姻喜美。为男子做公吏，为经纪、亦主媒人。见克主有

官追捉，逢水火为之有气，遇土官司文状，遇金口舌，破财。

勾陈：吉主官职、田土，阳用主贫薄。阴用为丑妇、贫婆，有文状动，克主奴婢走失。见金火则吉，逢水主争竞田土，遇木官事牢狱，为勾惹牵引之人也。

青龙：吉主文书、财帛，为人清贵，有官职。生主迁官吉庆，克主官事急速，见水火则吉，逢金主口舌，失文书、破财。遇土有官司，辰戌为牢狱，丑未为笞杖。

天空：吉为僧道、骸骨，凶主诈骗不实，为奴仆。见金火则吉，遇水主争竞，逢木主官司、牢狱。

白虎：凶主人凶恶，眼黄项短。为凶丧、孝服、道路、惊恐、刀剑、迁移。见水则无事，逢木口舌凶恶。遇火主死丧、灾病，下克上凶在外，上克下凶在内。

太常：吉主女人能言语，作媒婆、婚姻、酒食、买卖。见火金二合上吉，见水争竞，遇木官事不利。

玄武：吉为军人，或谒贵人。凶为盗，主阴谋，见火则偷，克将主失财，见金木财吉，遇火妇人灾，逢土男子竞。

太阴：吉主女人沉静，为金银首饰。逢合主有阴人淫乱，见水土则吉，遇木口舌是非，逢火主灾病不利。

天后：吉主赏赐，为女人主良善。逢合主婚姻，有求索，遇土主田土事见，入火主妇人病不利，见木上吉。

十二将神见五行所主

天罡：吉为医人、药物，主人好斗，争文状。凶主无徒，为屠牢。见金火则吉，见水主争竞田宅，见木主官司、牢狱不利。

太乙：主文书梦寐，为阴人主轻薄，好淫乱。为惊恐，主乞索。为火，主窑灶。见土木则吉。见水主妇人病，见金主疾病屯蹇。

胜光：吉主文书、财帛、信息、鞍马。为人好利禄，主富贵，见土木则吉，见水主失财、妇病、马死、贫迫，见金不足、灾病，惊恐不利。

小吉：主妇人，为酒食、宴会，婚姻喜美。见金火大吉，见水主争竞，见木官事破

财，妻病不利。

传送：吉为行移、奔走之神，主出外移动，为人主官贵，刚果。见水土则吉，见卯木主口舌，见火主碾、道路损失。见火主人不足，灾病死，不利走失。

从魁：吉主阴人清标，恬静，钗钏、酒食，见金主隐私，遇土主口舌，见火主失财，病患，卯酉相冲，主休妻离别。见水土大吉。

河魁：吉为僧道孤寡，凶主诈骗不实，亦为骸骨，克方主失六畜。见金火稍吉，见水争田宅，见木官事牢狱。

登明：吉主阴人婚姻，为乞索物耳。见金木则吉，见土争斗，水火妇人病患，水上产难，水下吐血、自缢。

神后：为男子好淫幸，主妄想，亦主随波逐流，见木金则吉，见土争竞，见火妇人患病。

大吉：主人直蠹，咀咒，冤仇者，见金火则吉，见水主争竞田土，见木官事阴病。

功曹：吉主文书、财帛、官贵，吏人、老叟、医士。见水火清高，上见金主口舌、失财、人病。见土官事是非。

太冲：为劫贼凶恶、门户、车船、无徒之人也。见水火则无事，见金口舌失财，见土官事牢狱，有克门破，追呼，见寅主兄弟各居。

神将同用所主

贵神：吉主人君、大臣、贤士、大夫，上下相生，美庆迁官得财。相克忧离远行事，囚主狱讼，休主贵人病。

大吉同用：主桥梁、道路、僧尼、田宅之事。凶主咀咒、蛊魅、冤仇、女婚、尊长。

腾蛇：吉主文章喜美、公信、财物、酒食，凶主媚妇、鞍马、虚惊、病患，忧疑。比和主惊忧，上生下惊忧在后，内战内忧，外战外忧，主官事狱讼、文状。下生上，惊恐在前，手足不完。

太乙同用：嫁娶、小儿，财物、眼目，阴人为害，凶怪灾非。

朱雀：吉主敕书、庆会、公候、文书、鞍马、服色。凶主口舌，惊疑、官讼、虚诈，损财、失畜，疾病、血光之事。逢水自缢，井亡。

胜光同用：主远信、文书、朝信、火光、文字、忧恐惊怪。

六合：吉主门户、婚姻、求财、交易、取信、成合、阴私喜美、庆会。凶主官事、媒人、役吏、小儿、不明女子、损财、过失、产事。

太冲同用：主船车、缸瓮、门户事，盗贼临门，慈母丧亡，盗徒劫物，斗争，伤损财帛，亦为梳、门、窗、桥、杆也。

勾陈：吉主官职、印信、公权、田宅事。凶主官灾、病患、争田土、文状、勾连、走失。两土主官事，受克口舌身亡。

天罡同用：屠狱、媒牙、鱼龙、寺观、田土事，争斗之徒，文状、坟墓、主磁缸瓮，坚硬、盆、麻衣、高冈、涧泉、争陵墓、麦地也。

青龙：吉主文书，财帛、船车、园林、官职、喜庆；公信、酒食、婚姻、财宝。凶主哭泣、疾病、损失、见怪、六畜、私情、死气青龙累世贫也。

功曹同用，主公吏、文书、衙院、老树、老叟、多髯、因争外财官事追取，木器、文书、火炉、医药、大树、勇猛、患眼、坟土，林木。

天空：主诈骗不实、奴仆、公吏、僧道，小人、市井、财物、私吃骸骨。

河魁同用：主坟墓、田土、不明之事、狱讼、六畜、坟墓死尸。

白虎：主道路、动用信息，公牒。凶主孝服、疾病、哭泣、怪异、灾害、血光、军兵逃移、丧亡、灾事临门，有人外出，凶丧之事。

传送同用，主内、远客车碾、凶事、流移、走失女子、奔随奸夫、行程信息。

太常：吉主冠裳、问行人、财帛、官职、爵禄、酒食、婚姻、买卖、和合、宴会、赏赐衣服事。逢劫主毒药，更兼呕吐见血光事。

小吉同用：主孝服，做七百日口愿，祭祀，药物等。

玄武：吉主谒望贵人财物。凶主盗贼阴谋、奸盗、亡失、死丧、伤财事。受克眼斜盼，路亡、恶死。

神后同用：主沟渠、小儿、僧尼；妇女奸私淫乱及水溺等事。

太阴：吉主阴小财物，金银、绸缎、钱物、阴私喜美。凶主开篋、奸淫、逃亡、失财、迟滞。

从魁同用：吉主阴人、钗钏、酒器，阴私之事，及妇女分离索休。如被丙丁火克，主逃亡奴婢，忧闷、金银伤损事。

天后：吉主赏赐、阴私喜美、宴会、婚姻、奸淫妇女。凶主帷幕不明、走失奴婢、脏腑生灾、师婆、奸诈、私淫、失望、暗昧不明之事。

登明同用：主阴人疾病，腰脚、走失，凶事成讼，渡河水溺。吉主征召文书。

神将所属图

戊勾陈、天罡辰土：属商音姓，麦地、岗岭、寺观、丑婢、碾碓、磁器、僧道、侯人、土堆、氐护、斗讼、争竞、流血、屠宰、凶恶杀伐、荤腥、坚硬、玉尺、田园、皮毛、缸瓮、破皮、灰盆、糖瓮、甘味、坟墓、郑地、兖州、星角亢。

戊天空、河魁戌土：属商音姓，五谷、磁盆、砖瓦、虚堂、僧道、善人、下贱、诈伪、欺凌、不实、牢狱、锁钥、数珠鞋履、枷杻、田丝、瓦器、堆、驴犬、孤寒、朝服、胡芦、狱吏、坟墓、天罗、寺观、岗岭、屠儿、鲁地、徐州、星奎娄。

己贵神、大吉丑土：属徵音姓，人君、贵人、尊长、珍宝、器物、锁钥、鳖龟、珍珠、喜庆、解斗、鞋履、首饰、车轮、墙筐、紫皂、牛驴、风伯、雨师、神佛、宫殿、冤仇、坟墓、头秃、眼病、桑园、桥梁、吴地、扬州、星斗牛。

己太常、小吉未土：属徵音姓，笙、宴会、庭院、墙垣、醺器、女人衣、酒食、印信、药饵、父母、羊鹰、甘味、酒舍、白头翁、寡妇、师巫、井、食物、黄色、坟墓、放羊人、茶房、歌乐、幡子、笛帘、道人、秦地、雍州、星井鬼。

庚白虎、传送申金：属徵音姓，仙堂、神堂、道路、公人、碓子、刀剑、贵客、产乳、城宇、死尸、田猎、经文、羽毛、铁猿猴、姜蒜、祠庙、声音、行人、远近、狮子、湖池、绢帛、逃亡、大麦、甲象、疾病、死丧、军徒、凶人、兵器、石头、金银、纸布、晋地、益州、星嘴参。

辛太阴、从魁酉金：属羽音姓，金石、珍珠、铜器、果食、碑碣、外亲、婢妾、妇女、门锁、口窍、相貌、阴贵人、街巷、小麦、刀剑、耳门、刀鞘、皮毛、爪骨、鸽雉、碓磨、纸钱、白塔、劳瘵、钗钏、石仙、石柱、卖酒人、石头、赵地、翌州。

、星嘴昂毕。

壬玄武、神后子水：属宫音姓，河泉、水湘、地井、沟渠、盗贼、文墨、石灰、木匙、图书、后宫、妇人、淫佚、梯具、布帛、鼠、燕蝠、水中物、大豆、乳妇、衣服、珠玉、聪明、胎产、泻痢、索子、齐地、青州、星女虚危。

癸天后、登明亥水：属角音姓，梅花、帐幕、盗贼、亡失、取宜、小儿、乞丐、哭、牢狱、赶猪人、醉人、庭廨、厕坑、酢酱、伞笠、幞头、鬼神、图画、毛发、管钥、笔墨、观院、江河、楼台、仓房、麻布、绣绢、卫地、并州、星室壁。

甲青龙、功曹寅木：属徵音姓，宝刀、剑器、香炉、神像、四角、山林、花木、丞相、夫婿、道士、贵人、长大、细美、人马、公吏、文书、炬、火、炉、财物、喜庆、宾客、酒食、信息、虎豹、猫儿、桥梁、神树、织机、棺槨、公吏、家长、口愿、燕地、幽州、星尾箕。

乙六合、太冲卯木：属羽音姓，门窗、木勺、木梳、手作、为妇、男女、街上、草木、兄弟、舟车、雷、幡竿、香盒、盘盒、何姑、家母、竹床、宋地、豫州、星氏房心。

丙朱雀、胜光午火：属宫音姓，词讼、鸦雀、果食、窑灶，道路、城门、口舌、三河、骑马人、妇女、文书、飞鸟、宫室、火烛、信息、血光、鸦鹊、旌旗、闷雷、衣架、书画、苦味、官用神、僧、周地、雍州、星张柳。

丁腾蛇、太乙巳火：属角音姓，惊怪、取索、画、斑点、炉冶、荧、户、毁骂、釜鸣、轻狂、妇人、萤、蛇蚓、蝉、飞虫、乞丐、飞禽、砖、瓦、文字、盒、磁器、楚地、荆州、星翼轸。

次客法

解曰：其次客法，备一时内，数客并一方求占，故有此移神换将之说。或换将，或换日辰，或按大六壬依式造合，与其之法，皆一意也。愚意度之，似或未当。如月将之例，正月登明，按历家交待之后方用某将，以此观之此换将之法不可概取。莫若以来人或本命或行年上作课占，则一岁之内吉凶可见，其意尤远，高明之士当详而校。

法曰：阳将后三前五，阴将前三后五。课遇次客，换将不换神，更以人元上遁起，数至本位也。

假令十二月壬寅日午时申位，将功曹，神玄武，人元戊，设苟天客，又于申上坐，以十二月子为将，阳将合用后三，以西，加午数至申，则将是登明，再以戊建即从甲寅起数至申上，则人元是庚。复有次客于申上坐，酉为将合用前五，便以寅将加午，数至申；则将是天罡，再以庚建即从戊寅数至申，则人元是甲，而贵神是玄武，未尝易也。如是周而复始，一时可做十二课，至第十三却为初矣。

次客法：即下位客人来预测时的起课方法。为了解决在同一时辰、同一方位上多个人来测算的问题，采用的特殊起课方法。

移神：即用第一课所用之贵神的下一个贵神，为移神。如第一课贵神是青龙，同地分的第二课贵神用天空。第三，第四课，依次换下神使用。同时，人元使用再遁之法。

换将：以本月将的阴阳确定换用何将。阳将后三前五。如用寅将，寅为阳将，第一次换将则是亥，为后三。第二次再换将再用前五未。阴将仿此。然后月将加时到地分。人元亦用再遁之法。

换日辰：如今日是辛亥，可用明日壬子起课，这样就换了贵神和人元。

推行年法

甲子旬生人，男一岁丙寅，女一岁壬申，十岁到亥，男顺女逆。

甲戌旬生人，男一岁起丙子，女一岁起壬午，十岁到酉。

甲申旬生人，男一岁起丙戌，女一岁起壬辰，十岁到未。

甲午旬生人，男一岁起丙申，女一岁起壬寅，十岁到巳。

甲辰旬生人，男一岁起丙午，女一岁起壬子，十岁到卯。

甲寅旬生人，男一岁起丙辰，女一岁起壬戌，，十岁到丑。

假令甲午生男，一岁起丙申，顺行二岁丁酉，十岁乙巳，二十乙卯，三十乙丑，四十乙亥，五十乙酉，六十乙未，六十一岁至丙申，六十二岁丁酉，六十三岁戊戌，六十四岁己亥，六十五岁庚子，六十六岁辛丑。其甲午生人属金，至丑入墓，大运又在午，又是本命伏吟，丑午相害。见庚为人元，递互相刑，故主己亥年三月二十八日申时死也。此乃六甲旬头所起小运余例，凡人起小运，皆以此推。

论人行年吉凶

法曰：常于人行年上依例立成四课，以断灾福，若行年与课干相合最为吉，不合则否。若四位相生则吉，相克则凶。又云：凶神凶将以凶断之，吉神吉将以吉断之。

假令行年己亥课，见人元是甲，故甲己合也。如无干合，以支三合亦喜用也，以行年支共课上将取三合也。

假令行年亥课上见太冲，或六合小吉太常是也，如无三合，取六合亦为喜用，以行年支其课上将神六合。

假令行年在亥课，见功曹或青龙是也。

行年灾福歌

寅

寅为元首号功曹，运限亨通位转高。

上士贵人相接引，亲朋知友共相遇。

男逢此运防吊临，恐遇刑祸见天牢。

此是运中灾福歌，后人留意细推褒。

卯

卯为小运太冲宫，此运居时魂不安。

男子屯迁多疾病，须防官事横来多。

事饶心神多恍惚，运辰求财百事难。

得病免灾须祷谢，更恐心归出路边。

辰

辰为猛将号天罡，此运推移事争张。

虽处巽宫为地网，诸邪鬼怪作灾殃。

龙神土地俱递送，当家必定主重丧。

修造迁移皆不利，急宜作法水中禳。

巳

巳为太乙居斯地，多招疾病官灾至。

邪魅时时作祸来，釜鸣屋爆居游逸。

祭灶须祭血腥鬼，看看又恐阴灾至。

如离此运急须迁，合有相当财禄喜。

午

午为离地胜光乡，此运求财百事强。

论讼人官须得理，参贤谒贵遇侯王。

经求通达过前载，来岁又加大吉昌。

修造切须宜大忌，除非作法水中禳。

未

未为小吉多啾唧，此运田蚕可盈溢。

百事经求宜避往，求财慎守防偷失。

吊问尤增减省宜，凶灾逸惹来相逼。

后贤披阅细搜寻，此中灾福不失一。

申

申为传送在家中，此运官私并不通。

出外求财宜且喜，居家惟恐病疮痍。

造幡送去东方吉，逢着生财喜客躬。

修造迁移切宜忌，堪居甲乙压青龙。

酉

酉为白虎号从魁，鬼魅天罡终送殃。

五鬼临门财物散，更遭此运大屯灾。

运中须逢牛马死，白虎时时灾水来。

二月八月宜慎守，必为丧事哭声哀。

戌

戌为天空号河魁，此运逢时亦有灾。

闭塞不通多蹇难，看看刑狱压头来。

天罗遭遇身难解，地网沉迷未得回。

男忌官灾忧疾病，女防生产损娠胎。

亥

亥为阴鬼号登明，此运经求不称成。

四足门前多作怪，更兼小口有灾殃。

暗被阴谋招口舌，时遭蹇难损资金。

巳亥月日应须忌，弗问宜防惹祸临。

子

子为神后太阴精，此运经求不称情。

多半到门多是怪，日中失脱必奸生。

迁移修造宜多利，好事无谋主损困。

子午卯酉休吊问，带将鬼祟入门庭。

丑

丑为大吉且安然，十二年中到丑天。

此运田蚕多称遂，今时福禄定高迁。

天后男女逢必咎，四杀阴人遇有遭。

丑未月中宜避忌，遭他本命祸连绵。

四课假令

夫课以人元、贵神、月将、地分为体，四位之内尤察五行休旺争战，取之课无不验。其四课假令，以备占者，审而用之。

假令：壬申岁二月初一甲寅日己巳时，酉位，登明将。癸水、太常土、太冲木、酉金。

此课主其人在外，路上逢贼，盗劫阴人财物。何以知之？谓四位内见太冲，太冲是贼神。故云：太冲劫杀伤人物。太常是阴人；却被太冲克之，其太常无气。故云：太常阴人财帛喜。问因何失财？云：其人必主外面酒宴上或中毒药，迷闷不知，因此盗劫阴人财帛，以太常上见灾煞、劫煞，太常又无气。故云：劫煞灾煞遇太常，财帛丧失两三场，更主酒宴毒药害，如在魁罡主此殃。

孙臆云：未必然也。主其人因为贼盗上发用、动官，亦为过去事也。何以知之？以人元是水，水亦为姓；姓为外人，却被太常土克人元，故云：姓克但知官事起。何以为过去？人元是癸，癸是亥之本身，今木旺则水休矣，又卯酉为门户，亥又为门里，主其人今见有官事，未得绝。今四位内见卯，卯为门户，事亦在门也。主其人先凶后吉，虽伤财，却得身无所害。今财帛虽为贼所盗，后复得，为地分反克将神故，失而还得也。何不为不损身？以四位重重克于外，故云：太常临卯是为财，盗贼口舌不为灾，六里路边逢羊兔，吃食花果在于怀。今以十二神煞排于课中，以俟高见发明，庶使后人校用。

假令：甲木、玄武水、传送金、午火。

此课主其家必有外出之人，亦主有病，更主家内有官事，凶也。何以知之？为见传送，传送是白虎之神，地分属火，火性炎上，又能克金，故曰：白虎无气，合主凶丧之事。盖白虎神又主道路，亦合主有人外出，今既有克，所以主凶丧事。又有官灾逃移之事，故曰：白虎当凶事不常，死丧道路见逃亡，临于本位重重失，入木口舌入火伤。

又云：其家必有军人出外，或患喉疮，或是车碾以致伤命，为见将神是金，金陷于火位，无所救援，故主如此灾也。且云：申临巳午军人辈，客途车碾患喉疮，不止如此，亦主伤阳人小口也，以地分是火，是阳火，上见玄武，隔位遥克，又水性润下，虽有援神，终不能救，故主伤阳人小口也。

又主其家伤少小财物，更有带破之人，或患在眼，身眇小，面貌丑恶，必好做贼，主其家位于河之侧，或近河也。故云：玄武凶主家近河，水灾鬼怪及妖魔，出得儿孙多丑恶，贼来三度火伤多。又曰：玄武阳凶兵仗军，面小身微左眼昏，色恶唇盆形必丑，斜眼视物夜中人。又曰：玄武阳贼眼斜窥，有人谋害见逃移，被人泥贼妻女走，鬼动神来无不知。此虽是凶神，却主先忧后喜，何以知之？为人元是甲，甲是青龙木，玄武是水，上生青龙木，青龙木生火，合主火旺，有不测之喜。

又假令：占来意，以何断之？必是寻求一个阳人，应是做公人。为人元是甲，甲为功曹，青龙之形也。故曰：青龙官吏簿书司是也。

大抵贵神生人元，合主寻觅人也。贵神克人元，便主官事，贵神克地分，便主伤小口及破财也。

假令：占出门主见何物？云：必见凶孝之事。更见一阳人做贼，眉眼不正，又见一吏人，更主引带一人，必是兄弟。何以见此？以白虎见于火位烧身，必主死亡哭泣。玄武贼人，人元为公吏，以水木相生，故为兄弟也。又曰：同类为兄弟。今见水生木，应是生己，更详之为善也。

假令：见一墓，墓下是阴人阳人？云：据此课必是阳人，为四课内只见贵神人元两位旺相，故云从旺断，以人元玄武皆阳位，故断做阳人。问其人患甚死？云：是天行疾，主喘死也。为四位内只见金受克，故云克金即喘，但叙其梗概而已，其神妙者，更在人细详云耳。

假令：壬申日乙巳时，未地，丑将。丁火、太阴金、太冲木、未土。

此课主其家破财，亦主伤阴人小口。何以知之？云：为地分是未土，属阴，却被太冲

本来所克，以此故主伤阴人小口也。破财，为地分是财帛之神，被木克故也。

又主其家遭贼，亦主损缺门户，故曰：改户起移船车损、自知兄弟各分张，又云：太冲却被太阴上克之，其家主有阴人患病事。此人必患喘嗽病，兼卒患多是自缢而亡。问何以见之？为太阴是阴人，属阴金，被人元丁火自外克之，太阴无气，又无救援之神，须当死矣；然必喘嗽及卒患自缢者，以将神是卯，卯是四仲之神。故云：四仲卒患痛苦病。又主其妇人日常好淫邪之事。何者？为太阴当位，太阴主阴人暗昧不明之事，有克主夫妇不和，休离之象，阴人劳嗽、自缢死事也。其死者妇人更主好貌洁净，故云：太阴闲雅好丰标，性缓声清乐艺高，形瘦面方眉眼细，梳妆浅淡太妖娆。此人须是豪家之人。故断如此。

假令：亥将，辛酉日、癸巳时。午位。甲木、贵神、神后、午火。

此课主兄弟数少，只宜孤独也。盖同类为兄弟，以四位内无同类也。主其家父母子孙俱无，以生我者为父母，我生者为子孙，今四位内并无相生。其妻却主结发，以克我者为官鬼，我克者为妻财，今四位重重相克，合主妻结发也。

设如论灾福，先以人元克贵神，亦是上克下，主有外人来相谋害自己，贵神克将神，主杀妻及伤财物，更主争田土，又主官事牢狱；故云本来入土为刑狱，土行水上竞庄田。更主有官司、狱讼词状动，只为水入土，又是神后水也，故主奸邪词讼文状事。此课主不得理，今以贵人为主，人元为客，四位内只见客旺主衰，所以不得理也。

此课辨墓如何？云是阳人也，何以知之？为四位内纯阳，故以阳人断之。据此课又主伤小口，故云：见阳为阳阴是阴。又主其家即今为伤犯也；卯酉为人门，子午为天门，今四位内只见子为天门。故云：天乙被煞主灾同，贵人厄难有何通，神被将克家长损，神克妻儿哭泣凶。今有十二神煞同入课，为贵神上见灾煞，今将神是子，故申子辰劫煞在巳，即灾煞、岁煞、天煞、月煞、亡神、将星、攀鞍、驿马，六厄、华盖，依次排之。其中紧要者，亦不过劫煞、驿马而已。宜详而用之。

假令：甲木、白虎金、河魁土、子水。

此课先以下克上，主官事发动，更主行人死在道路，为白虎临戌，戌为骸骨之类。亦主有葬埋之事，主失了骸骨也。或四足走失，占怪亦是四足，占病大凶。何谓官事发动？以贵神克人元，故云克姓且知官事起。

此课又主伤小口，破财。大凡神将克地分主伤小口、破财。又主凶丧之事。何为见此？为将神在戌，戌是骸骨之神，又上见白虎，亦是骸骨之神，今白虎临戌，是见两重骸骨之神也。故主重丧耳。

占墓如何?云是阳人也。为四位内只见白虎旺，故为阳人而无疑也。此课亦主大凶，何以知之?为白虎上见劫煞以寅午戌劫煞在亥，故云：白虎行年灾劫关，必须丧失两重重，白虎当旺魁罡上，人元是木有深凶。

被头星

从辰位起子逆数，如辰落子即被头星也。

卷之中

十二将神所主歌

寅为功曹号役人，临于传送必伤身；
到亥便为猫入室，见戌还当犬出门。
太冲本位后妇人，到于酉位必伤身；
见临子位主见怪，居于寅位兄弟分。
天罡到戌家不和，临于寅位畜伤多；
见申奴婢须逃走，卯方病患肿疮魔。
太乙临卯禽蛇现，亥上釜鸣光在楼；
午位女家招外婿，子方幼妇女先休。
胜光本位足资财，临寅必主名自来；
申酉官灾须见血，子方马死产生灾。
小吉临戌女守孤，临寅还主病声呼；
有气婚姻申酉午，只迎卯上出师巫。
传送到戌为旺方，临子见武乐刀枪；
见午必主军人辈，到巳位上患喉疮。
从魁到午必因宅，子位阴私祸更多；
巳上患劳兼自缢，到辰须是出师婆。
河魁到丑魔神藏，申上军人妖寿郎；
辰位宅边枯骨犯，徒刑卯上痛伤亡。

登明到丑病萎黄，到巳必主少阴亡；
未上猪羊饶失散，戌方还出丑儿郎。
神后临酉见金神，到寅见主乐工文；
戌上中央为病患，后妇辰方绝子孙。
大吉到戌为旺方，丑上面丑肚脂囊；
临卯必须头顶秃，青龙位上损牛羊。

十二将神歌解

天罡战斗争文状，医药屠厨凶恶人；
金火相生为小吉，木来舌事兄弟分；
若逢水上争田土，斗打官灾寅卯刑。
太乙言是凶怪动，梦寐虚惊鸟雀鸣；
妇女轻薄淫乱事，阴私传送走西东；
若逢土木为文字，金水阴灾病患沉；
上克下兮为之产，下克上兮口吐红。
胜光发用忧惊恐，财帛文书信息临；
富贵生和鞍马事，宜居土木喜相逢；
若逢金水屯迁病，马亡财失血光生；
水在上兮文书阻，水在下兮失公文。
小吉酒食来合会，婚姻妇女并交易；
相生五谷物钱文，相克阴谋无不济；

火金旺处喜相逢，寅木官灾百事凶；
若临水上竞田园，克者为无旺者是。
传送有人奔走出，水土相生人富贵；
见火人灾病主沉，木来口舌凶晦至；
道逢车碾寅卯冲，问觅军人巳午是。
从魁妇女索离休，火克阴私为此由；
壮力妇女多厚重，钗钏金银酒器求；
木来口舌阴私祸，见火屯灾损女忧。
河魁狱讼畜亡游，僧道奴仆贵贱搜；
见墓尸骸逢水竞，木遭刑苦主人忧；
生合金火贫而富，若见刑冲定主愁。
登明无事莫追求，乞索求财仔细搜；
妇人无淫性情善，木生金旺美中收；
若逢土上争田地，见火阴灾妇病休。
神后奸淫失望求，临子随波性逐流；
若居金木重重吉，见土相争田与畴；
火入妇灾阴病患，血光惊恐理中搜。
大吉咀咒作冤仇，直蠢之人贵贱求；
宜临金火生合吉，见水相争自有由；
见木官灾详上下，五行生克课中谋。

功曹官吏簿司书，贵重清高富贵奇；
大树老翁医药者，相生水火喜无疑；
见金口舌钱财散，无贵无官文学迟；
若逢土上遭官事，四位之中仔细推。
太冲劫煞伤人物，门户车船并桥木；
见金口舌相斗争，入土伤财官事毒；
若逢水上吉人来，断此无凶乃有福。

十二贵神所主歌

天乙贵神喜庆多，投知参谒事皆和；
须知接引来成就，旺相相生贵客多。
腾蛇妇女应阴私，火旺光明鬼怪尸；
惊恐忧疑人口病，失物官灾须应之。
朱雀南方是火精，女人鞍马讼公庭；
火光口舌须见血，飞鸟文书是此情。
六合公吏应阳人，门上追呼官事临；
成合婚姻事成就，若居囚死病呻吟。
青龙富足贵人名，旺相资财喜自生；
益禄官迁进口，适逢百事尽欢荣。
勾陈妇女爱争张，应得田宅竟土桑；
两木上下来克紧，官灾妻女小丧亡。

天后良家妇女名，为人多喜应财兴；
婚姻嫁娶临金上，得位重重禄渐生。
太阴妇女应金星，或吉或凶未见情；
立于水上多招吉，木火人谋暗昧生。
玄武阳人斜眼窥，有人谋害见逃移；
被人盗贼妻女走，鬼动神来无不知。
太常阴人财帛喜，此神上课主亨通；
不忧上下临金火，只怕木来重克凶。
白虎当凶事不常，死丧道路见逃亡；
临于本位重重祸，入木口舌入火伤。
天空惊恐主先忧，辰戌临家主病忧；
木克本神家长死，阴支受克妇人休。

其二

天乙官私陈文状，谒贵投知去赛神；
有克尊亲防病患，家中土地犯伤人。
腾蛇神动主忧疑，失物光明鬼现之；
水克病缠应小口，妇人争竞斗闲词。
朱雀口舌斗争来，文状人论火发灾；
焰影辉煌照堂内，飞禽为祟病为阶。
六合堂内喜情欢，买卖交关和合安；

成就婚姻需见水，被刑勾唤急趋官。
勾陈官事竞田庄，争斗家中妇族强；
疑惑二心无定执，克来妇病怪财伤。
青龙逆行事可藏，须损人财口舌详；
旺相贵人来接引，克来争物被人伤。
天后比和喜和谐，若乘水上必招财；
病灾产厄须临土，金上逢之嫁娶来。
太阴同处丑未宫，妇女妻财必信通；
火主灾生木谋害，若临辰戌病转浓。
玄武鬼贼二事同，人论官事状难穷；
更临二水非为吉，金上逢之定不凶。
太常妇人酒食宴，婚姻口愿两相关；
求就望成无不应，立于井灶犯中元。
白虎闻丧道路中，亡人惊走失财凶；
须忧边境逢兵革，脱厄河梁被马冲。
天空惊恐失精魄，奴婢逃亡屋作声；
忧见驴骡曾见怪，主为凶事克虚惊。
十二地支并贵神所主
亥为高楼及岭岗，胎伤贼盗小口亡；
应在孟冬十月将，阴私鬼魅有逃亡。

戌为妖魔宅为坟，须有官灾及病人；
玄元更逢秋季里，神妖鬼怪笑声频。
从魁财帛事不明，阴人媒保口舌生；
财帛人离方始住，动在中秋辛与庚。
申为往还宅移动，丧服官病有呼招；
吉神吉将相生喜，恶生临申有祸殃。
未主婚姻宴会娱，丧服口愿有年余；
将到季夏看神断，井院风窗枉守孤。
午为文状动官方，阴私信息定荣畅；
卯到蕤宾丙丁日，妇人鞍马血脓疮。
巳为忧虑失财惊，病临阴小影光生；
四月朱门才始旺，梦魂厨灶釜虚惊。
辰为斗讼恶人欺，家中不明妨财帛；
动在季春辰戌日，死亡人口竞田宅。
卯主伤人贼盗财，阴私抗拒口舌灾；
动在春分卯酉里，术人兄弟应时来。
寅为文字动官私，口愿神祇树影移；
应在孟春甲乙日，贵人家长及僧师。
丑主比邻桥梁间，上人进身小人闲；
必是争竞田产事，季冬丑来日灾殃。

子主奸狡不明白，定主婚姻有暗隔；
必是仲冬十一月，不然后人死更遭贼。
天乙求财看谒人，钱财信息徵召君；
文字贤人酒食至，寒热头目疼痛真。
腾蛇惊恐梦多般，词讼囚系火异光；
门户不安有官事，血疾头痛凶事多。
朱雀口舌书信息，印绶女人兼怪异；
钱财飞鸟入官门，血光詈骂惊忧至。
六合婚姻赏赐财，酒食交易合和谐；
妇女阴私求事物，全身会众至亲来。
勾陈斗打主勾连，争财入官为宅田；
逃亡捕贼妇人事，血光痛肿及伤残。
青龙婚姻书信求，和合金玉及求财；
酒食妇人及赏赐，寒热不定吏使来。
天后妇人阴私多，衣服嫁娶不明过；
酒食钱财水溺至，便利不定怎奈何。
天空妖祸虚诈因，流遗虚耗走失陈；
夫妻离散阴私事，怪精孤穷鬼乱人。
太阴妇女主虚姻，阴私酒筵斗愿中；
因奸讼祸丝绢嫁，不明女子哭声频。

玄武盗贼遭亡由，夫妻离散走央求；
口舌伏匿官事起，肠虚腰疼足不周。
太常和合酒食筵，婚姻会众徵召迁；
衣服钱财赏赐得，天神送福吉神来。
白虎丧门哀痛哀，财散道路口舌来；
斗打哭声剥爵事，官中见血谋我灾。

人元吉凶所主

甲为神树天马上，口愿祈多未赛神。
有克伤财及骡犬，兔猫为怪宅惊人。
乙来旺相资财足，天干逢之有吉祥。
有克门灾窗牖破，下来克上马频瘴。
丙逢旺相见烟光，必有禽蛇现灶伤。
若见更逢玄武克，忧多口舌贼来伤。
丁来本位贵贱残，后嗣英雄武贵迁。
有克畜伤并犬死，更兼子死病缠绵。
戊己入课主家贫，外来官事被讼论。
占宅定知家宅破，克来灾祸损其身。
庚为金牛临朱雀，定见损伤有灾亡。
上克必应人口死，旺相还生马越常。
辛来有克劳病多，自缢恶疮无奈何。

当旺自然家大吉，重重富贵主谐和。

壬旺相重喜自新，临金文雅越常人。

木上见之皆有气，克来刑破滥讹身。

癸来入课怪神动，仍看将神并地分。

相乘更得旺相爻，决定家中有愁闷。

四位五行所主

人中灾福最幽玄，四位相乘一处看。

地分受克为六畜，更兼人死损钱财。

将神受克为财帛，妇死经来已数年。

贵神外被天干克，合灾人口及伤残。

下克干兮人逃亡，死囚官事亦乖张。

地分克干祸在外，干克地分器物当。

将克干兮应有喜，重重喜庆合荣昌。

干若来克月将上，破家损财贼须防。

二火见金财帛损，阴私讹滥外边厢。

火克二金双女竞，外来妇女家中藏。

二水见金主文章，二金二水喜非常。

二木忽来临火内，火光口舌人灾殃。

二土二水争田土，官事重重屡见凶。

田蚕不遂财难聚，外来人口患家中。

又推何神立何干? 看其喜神重入临。
干若来克将上宿，灾祸连绵定是深。
宿又以前来克方，六畜死伤灾更深。
太阳太阴为喜曜，上和下睦皆同心。
此是孙臆真妙诀，后人加意细推详。

四位杂断歌

干克贵人人谋己，贵人克干己谋人。
方将克干幼犯长，干克将神主妻凶。
将克方兮伤小口，重重克上独勾荣。
重重克下多灾病，内争外战乱纷纷。
人元生神多富贵，方生神将事和平。
将生地分财帛喜，干生贵将友人临。
神生干兮寻人吉，将贵相生孝子孙。
位生将主婚姻美，重重生上外人钦。
四位相生百事吉，若逢刑克事还凶。
阳多阴少女人事，阴多阳少男子从。
干来克贵失官阶，庶者人谋害己财。
若忧官事仍消散，胸肋生疮自己灾。
人元克将将克位，求财不得反成衰。
人元克将方克贵，所谋难得尊长怪。

方生干兮添印绶，干若生方福自来。

方刑月将妻财损，月将刑方官事该。

干方同类兄弟动，明辈相逢事放怀。

上局论灾福歌

混沌初分天与地，五行造化生万类。

阳多纯阳定是男，阴多阴盛女人辈。

二阳夹阴主女人，二阴夹阳男子真。

木若无气有刑克，克上头面下腰膝。

墓绝之方主瘫痪，五行之内须消息。

土来若逢死败乡，必主其人疯胀疾。

太冲克土必耳聋，墓绝克下必残疾。

下克之时鬼蛊气，上克之时主水溺。

上火下水头目盲，下火上水必气冲。

火克金来咳嗽频，下克金来新患得。

白虎庚辛在外亡，若加火上必刀伤。

丙午朱雀还逢水，自缢或投井里亡。

太常逢劫人毒药，更兼呕吐见血光。

四孟火多天行病，太阴入墓妇人伤。

或是恶疾多疮苦，暗昧不明恶自当。

玄武遭克眼斜盼，路亡恶死遭伤患。

六合祖吏必受诛，腾蛇多灾逢坎难。

死气青龙累世贫，勾陈受克财亡身。

男子守鰥女守寡，更无衣禄一身贫。

天后神后遭水溺，若遇天空财横逆。

中局论妇女

妇女灾祸克阴阳，水土多愁入墓乡。

产血之灾频过了，木败风邪咳嗽伤。

守寡水逢四季土，恶煞加之无疑语。

将方克主须损夫，入墓之方水蛊疽。

太阴入卯主自缢，太冲到酉事同占。

后遭阴刑入死地，十中八九定不良。

小吉太常临巳午，木煞加之是噎伤。

更逢劫煞临其上，饿死之时难以当。

辛酉其逢贼下火，血肉身亡无避方。

庚辛见之道路死，阴虎同乡亦有伤。

如克寅方先死父，若还克卯母先亡。

神将相克结发死，干神相克不久长。

下局论生产

人禀阴阳父母精，两和相感腹中生。

怀胎十月人难辨，须定刚柔配五行。

月将加临十二位，一撮鬼镜别阴阳。

贵合蛇雀白玄空，又见青勾常后阴。

日生男儿月生女，消息四位要加临。

颜色只于时上定，五行辨之分富贵。

临旺之方色分明，若逢衰败事不成。

木青水黑金言白，火紫土黄定本因。

旺处显荣衰处贱，皆就阴阳可细分。

金瘦土敦水主秀，衰逢丑陋旺聪明。

若逢败绝空亡劫，只恐生育难保身。

贵神临十二位所主

天乙临寅帝命恩，贵人文字犯宅神；

射覆珍宝奇异物，路逢官鬼道游人。

天乙临卯兄弟乖，官事伤财又到来；

射覆水生须细碎，逢医术士穀车推。

天乙临辰状落空，奸邪文字斗争凶；

邀候兵官牛倒死，怀藏圆物及铜镜。

天乙临巳急书来，厨灶虚声怪见灾；

射覆真言射宝器，牵牛骑马次相摧。

天乙临午为徵召，进禄添财福有余；

占射宝珍神祀物，送迎官贵马驱驰。

天乙临未投友知，喜事诸般见不迟；

怀里美香珍果物，路逢羊酒话婚期。

天乙临申贵客期，远乡书信带凶疑；

路逢甲队兵官过，珍宝金钱药石资。

天乙临酉酒食排，商逢出入不为灾；

射覆刀钱及盏镜，奴婢随行自外来。

天乙临戌官事灾，旧来沉滞再成乖；

犬咬牛骡重接贵，怀藏药物及钱火。

天乙临亥竞田庄，官事如何阴小迴；

邀候花珍及幼妇，物为眼窍带刚圆。

天乙临子甘神殃，猫鼠同行子必亡；

射覆彩妆经妇手，逢人外死妇还伤。

天乙伏位课占神，加官晋禄喜眉梢；

若逢败绝空亡却，只恐生育难保身。

腾蛇临十二位所主

腾蛇临寅文字忧，光影空中神树求；

射覆花锦衣赤白，鹞禽斗闹吏人游。

腾蛇临卯为开窗，盗贼惊忧女病殃；

邀候小儿三五个，怀藏果实草花香。

腾蛇临辰官事兴，六畜昏昧田土争；

射覆尾磁钱药类，路逢妇女见喧声。
腾蛇伏位梦中惊，鬼怪飞虫人病萦；
蛇鹊空中争散乱，射覆蝇虫花木青。
腾蛇临午远信附，官事火光忧惊惧；
邀候禽鸣游女逃，射覆绯红吸翠羽。
腾蛇临未忧井灶，孤女财帛防失耗；
路见妇女来迎人，射覆丝麻钱谷料。
腾蛇临申金器鸣，有人外病死萦萦；
厨灶移断军人乞，怀中金石铁铜名。
腾蛇临酉主阴私，奴婢逃亡暗昧疑；
占射钱刀针镜钮，路逢女主发悲词。
腾蛇临戌忧丧事，斗打冤仇何事急；
邀候驴驮一小童，怀中砖瓦骨石觅。
腾蛇临亥贼盗忧，水火冲刑急讼愁；
路逢乞丐并燕鼠，怀藏乞索匙铁求。
腾蛇临子急闲门，蛇鼠堂中怪现频；
邀候同前依法定，怀藏尖细插花文。
腾蛇临丑防咒咀，火光烧宅邻居仇；
邀候园边逢二女，射为五谷铜铁求。
朱雀临十二位所主

朱雀临寅文字信，官事追呼役吏因；

邀候见人随父母，射为花草赤衣新。

朱雀临卯信上门，火光口舌女灾屯；

路逢夯床刺绣女，怀中果食味何新？

朱雀临辰事纷纷，论切须防官事论；

邀候逢人相斗打，尖刚破瓦赤花盆。

朱雀临巳口舌事，厨中火发病萦萦；

邀候飞禽及小女，怀中杖物似龙形。

朱雀临午火光惊，信因官灾病缠萦；

邀候倡优骑马过，飞禽怀里已成形。

朱雀临未争婚姻，阴人财帛女婿分；

路上急逢厄女过，怀藏甘果赤衣文。

朱雀临申远信行，人亡官事怪妖生；

邀候道中鸦鹊闹，怀中石铁事推明。

朱雀临酉妇损胎，火起厨房官事灾；

口舌生疮头面肿，怀中书册及资财。

朱雀临戌贵家名，小人多事主相争；

兽畜飞禽人怪恐，骨瓦文书是此情。

朱雀临亥是非张，水火相刑夫妇伤；

在路互逢禽打兽，怀藏尖细物非常。

朱雀临子主喧争，求事无成心痛生；

禽噪高枝兽引路，射言毛羽黑灰轻。

朱雀临丑竞田庄，火烧屋舍厄桥梁；

妇嫁担盘及送柜，射为毛羽鼠巢根。

六合临十二位所主

六合临寅文契交，公私兄弟有呼招；

更有上梁新盖物，怀藏竹器把枝条。

六合临卯交斗争，成和来合已两重；

邀候担盘床重迭，竹罗盛果青柳松。

六合临辰契约交，争吏公私六畜逃；

邀候只逢车载草，射为竹器把枯梢。

六合临巳神宅厨，成就交关不义谋；

见视携瓶并挈甌，射为木器火烧炉。

六合临午有追呼，文字交和望信书；

怀里物红并赤果，妇人担水又推车。

六合临未和会亲，酒宴钱谷聚宾临；

邀候乐声祈赛社，怀中甘果带青根。

六合临申逃亡因，捕贼官司禁系身；

邀候群车军伍过，钗环纸裹射如神。

六合临酉问易门，屋舍别迁更改新；

来意只因争役吏，路逢刀剑镜钗论。
六合临戌斗争论，被人奸欺在四邻；
习射伤人邀候见，怀藏卵骨刻刀文。
六合临亥产儿初，心在阴人欲见之；
水上见木还是木，路逢猪儿担瓦壶。
六合临子觅人难，求物参投事亦然；
射覆花果及细软，路逢竹笼招粘竿。
六合临丑求望情，咒咀争论百事荣；
柜匣复随担笼担，盘粮斛斗铁铜名。
勾陈临十二位所主
勾陈临寅妇女亡，争竞田庄叶木桑；
邀候妇女陈状立，怀中有土圆及黄。
勾陈临卯家不和，妇人家事得沉疴；
邀候鬼风飞鸟闹，怀中瓦器笔多毛。
勾陈临辰主争张，家宅不和田土殃；
见畜屠家并血肉，射为砖瓦土园黄。
勾陈临巳宅灶凶，怪动忧疑梦贼冲；
见视鸟鸣空散乱，土中炉冶物中红。
勾陈临午文状争，争田竞土畜由行；
路逢皮毛杀四足，器物包罗果食名。

勾陈临未子孙孤，嫁妇重婿妻失夫；

狗随群羊骡负米，射为甘果食瓦壶。

勾陈临申必死伤，事占人口见逃亡；

避罪不然争战事，车担牛驮炭石藏。

勾陈临酉斗还争，妇人作事不分明；

怀中有物钱镜器，门前豕狗见人鸣。

勾陈临戌战斗争，坟墓逃亡子不兴；

见视双庞奔入去，骨磁怀内土尘名。

勾陈临亥必争论，斗竞庄田有病人；

伤人丝蚕还耗散，逢崖还有石磁尘。

勾陈临子失财来，水道沟渠人损灾；

邀候兔狐并死鼠，怀中刚物破裂开。

勾陈临丑争田园，分居新宅人不安；

车牛载柜人担瓮，砖石怀藏比类看。

青龙临十二位所主

青龙临寅为兄弟，喜悦文书财立兴；

邀候贵人乘马去，怀中有物铁衣青。

青龙临卯远信来，忧财文状后和谐；

邀候草车逢术士，青红花木做钱财。

青龙临辰官司动，桑田钱财值词讼；

怀中六畜文字争，路上公吏争迎送。

青龙临巳财忧损，光影飞虫神树死；

邀候带花二女去，射为椒果及花枝。

青龙临午书信情，文状争财役吏荣；

邀候贵人发重妇，文章花果缕衣轻。

青龙临未欲求财，妻损求神会和谐；

邀候虫伤羊互病，怀中衣物食中来。

青龙临申欲争财，出外商途贼盗来；

邀候官员远信急，怀中铁石宝金灰。

青龙临酉客上门，来意谋求财物因；

邀候军乐及筵散，怀中钱宝与金银。

青龙临戌贵人还，民庶占身财畜迁；

邀候青黄猫犬过，射为印物小刀环。

青龙临亥欲进行，财物须多官贵荣；

生产或将财进纳，路逢车马水中生。

青龙临子喜重成，妇女婚席见产生；

买马辰中立神树，怀中花果食堪烹。

青龙临丑争名利，母亡官事财物滞；

若言邀候与射占，图画神祇铜钱类。

天空临十二位所主

天空临寅怪惧多，文书鬼怪出颠魔；
七里僧来忽骑马，球瓶怀里射无疑。
天空临卯贼盗惊，门户开张屋爆鸣；
六里逢车有破瓮，怀中圆物眼刀成。
天空临辰四足伤，恶人奸诈惹官方；
五里驴骡三五个，瓮盆破损药应方。
天空临巳怪空惊，飞鸟毛虫官病凶；
四里瓮盆担已去，物因窑灶射分明。
天空临午不可当，惊怪文字官讼伤；
虚诈不然见争讼，怀中空物手虚藏。
天空临未孤独郎，疾病官司物失亡；
八里逢羊僧孝子，怀中有物未堪尝。
天空临申道路乖，贼马忧愁恐祸灾；
七里有车声闹响，怀中金器自然来。
天空临酉失惊忙，六畜分张口舌伤；
六里有人将信过，如珠圆物铁为光。
天空临戌力斗强，四足人亡狱讼伤；
五里驴骡僧或见，射为枯骨及猴粮。
天空临亥产生凶，争讼钱财亡失空；
邀候伺期知边塞，钱财乞索在怀中。

天空临子主奸讹，盗贼鬼神死亡多；

九里空中见泉出，物圆如镜似瓶锅。

天空临丑惊恐颠，贼火驴骡杀害冤；

八里逢车翻在路，穀出铜铁隔衣言。

白虎临十二位所主

白虎临寅主杀伤，远人凶死病须亡；

孝子军都逢七里，射为金宝及衣裳。

白虎临卯死伤起，人口不旺休问己；

官事贼人杀害伤，孝子丧车金木里。

白虎临辰必死亡，六畜相争坟道桑；

五里逢人相斗讼，丝麻瓦布袖中藏。

白虎临巳甑灶鸣，血脓人亡痛叫声；

四里逢人夯锅铍，砧刀金类事推明。

白虎临午凶孝余，官灾病患宅难居；

九里路逢花马过，怀中尖破物和梳。

白虎临未主孤单，竞婚争妇病怎痊？

八里羊俎逢孝子，怀中有物解方圆；

白虎临申武贵官，远事兵凶逃出难；

七里异兽逢兵队，丝绵金石袖中看。

白虎临酉主死亡，不明暗昧有灾殃；

六里只逢人病死，怀里石金或刀藏。

白虎临戌占骨肉，争张多为信无期；

五里内逢人斗打，怀中灰骨土烧之。

白虎临亥为少钱，官事争讼断不偏；

邀候登明无定执，怀藏察日看堪传。

白虎临子主逃亡，占讼难安官讼长；

日似火神须见死，水为贼上是争张。

白虎临丑得外庄，外人咒咀起官方；

金木神同东一位，定知痛死被人伤。

太常临十二位所主

太常临寅号得奇，万事宜占只克妻；

来意只因文契事，千般动用好形移。

太常临卯是为财，盗贼口舌不为灾；

六里路边逢羊兔，果花吃食在于怀。

太常临辰财物交，恶人诋毁呈粗豪；

家中迟疑逢载用，药钱食物射难逃。

太常临巳妇人忧，井灶钱财散失愁；

占病必除逢绢帛，钱财吃食果中求。

太常临午家吉昌，赏赐添买外田庄；

家贫妇人道中见，女人头面及衣裳。

太常临未到家来，酒食财帛妇人陪；

邀候阴人求子息，占财还是自家财。

太常临申必逃游，适逢百事好图谋；

假令贼劫人财散，外面来欺莫自求。

太常临酉喜为财，阴人酒食婚会谐；

六里出军逢赏赐，射为头面及金钗。

太常临戌贵家陪，争夺名利五谷灰；

邀候犬街破衣走，更看嫖妇礼坟来。

太常临亥宅不安，争田竞土女伤残；

破财只为神克将，小吉加亥必孤单。

太常临子与前同，家中多出少亡凶；

横死伤财兼患眼，射为衣衾物须红。

太常临丑家丰余，争讼孤儿外姓居；

后妇强多斗讼事，家舍应被别人图。

玄武临十二位所主

玄武临寅文状论，争讼托付鬼着人；

七里树边见黑马，怀中竹木帛缠根。

玄武临卯盗贼来，求事难逢官讼灾；

患眼缺唇六里见，发毛草木竹曾栽。

玄武临辰争斗急，恶人牵惹酒亡失；

五里必逢持猪屠，射覆瓶壶盏药觅。

玄武临巳鬼怪动，死亡口舌及恶梦；

四里乞丐及军人，射物灰石禽兽弄。

玄武临午六畜亡，官事口舌人残伤；

九里逢马及惊斗，怀中羽毛笔文章。

玄武临未井院坟，财帛失耗惊鬼神；

八里师婆道路见，射为盒子果中存。

玄武临申主逃亡，官事因争小道桑；

邀候军人并死贼，怀中石铁炭中藏。

玄武临酉贼上门，死亡官事欲缠身；

妻奴投井看应死，占射应藏铁石盆。

玄武临戌占墓丘，争讼贼伤死恨仇；

五里有犬咬贫子，军人争战射毛裘。

玄武临亥死还生，虚惊后喜事还明；

四里只见九人至，怀中有物黑兼青。

玄武临子到本方，鬼贼投井产妇亡；

九里逢人来取火，堪食物鹊鼠怀藏。

玄武临丑文状殃，贼谋咒咀争桥梁；

八里见人逢水害，水土度量更求长。

太阴临十二位所主

太阴临寅文字交，财帛虚耗有呼招；

七里路边逢伐树，怀中金宝火金销。

太阴临卯暗阴和，女子私通盗贼过；

六里内逢车载粟，射为盎托竹丝多。

太阴临辰恶人欺，作事难成百事迟；

五里内逢屠户至，怀中金石物推之。

太阴临巳主凶丧，悲泣沉痾火发光；

门里必逢丧孝子，射为钱铁盎磁缸。

太阴临午主喧争，官事阴私斗讼生；

九里内逢风迅急，怀中失物与金明。

太阴临未欲谋财，和合婚姻求祝媒；

八里内逢三孝子，射为金帛在于怀。

太阴临申远行人，其家恐被贼兵惊；

七里内逢军队过，凶死龙虎金石形。

太阴临酉落天星，占事死亡计谋成；

六里内中逢二女，刀环钱物镜中青。

太阴临戌主争张，官事阴私妇人伤；

五里内逢兵卒过，怀中钱镜乐中王。

太阴临亥人图谋，阴宅小口外人居；

四里途中逢一妇，手提衣物坐当途。

太阴临子忧胎失，盗贼临欺文字匿；

九里路逢一妇逃，怀中五谷文章觅。

太阴临丑咒诅己，暗昧人谋灾祸起；

八里妇女牵黄牛，铜铁怀中见底觅。

天后临十二位所主

天后临寅财物交，婚姻和会富家豪；

七里路边逢贵妇，射为草木彩花袍。

天后临卯妇外情，贼盗人亡官事兴；

外妇人家蚕茧好，纯丝竹木带盐行。

天后临辰不可当，争张产难妇人伤；

园丘瓮破遭水溺，木勺破罐刀具藏。

天后临巳宅血凶，水火相煎口舌重；

妇人灾病心气痛，丝蚕减耗血财凶。

天后临午阴人灾，文状口舌事不谐；

水克妇人心气痛，出门又见妇悲哀。

天后临未家有井，后妇损儿许愿成；

邀候群女临井畔，不然夯菜抱麻行。

天后临申儿诞生，夫妻分离向外行；

邀候妇人担小女，怀藏金镜及磁瓶。

天后临酉事不明，妻奴贼盗出游行；

婚姻喜庆占财吉，射候为情是此情。

天后临戌有争呼，钱帛官职有外谋。

邀候必逢担瓦器，怀中红礲药铜钱；

天后临亥到本家，钱帛婚姻射是花。

望喜求官应不失，见猪形黑更无差；

天后临子神喜和，万事占之福必多。

射覆定知青细碎，路逢酒器及师婆；

天后临丑后妇多，公私争讼友沉痾。

射覆只言神器物，路上逢见瞎眼婆；

功曹临十二位所主

临辰戌：主官司文书动，争竞钱财、马匹、奴婢之事。

临卯：主有同姓争张、奸私。来意为修宅展夺事。

临巳：主远信悲泣，亦主灶神动。

临午：及主有官事动及争文字交加，亦主追摄之事。

临未：主人克妻，亦有后妇，又主有文契及钱财争讼。

临申：主有婚姻，然媒人反覆争张，损财，又牛马累次有伤。

临酉：主家散乱，各争役吏应之。

临亥子：主其家有入舍婿或外财，更宜六畜，又必大富。

临丑：主有患脚及头目人，其家主破财及伤六畜。

临本位：主有神树动，其家新修舍屋，出高名及役人。

太冲临十二位所主

临辰：主巽宅墙根被车碾破，水荡出尸应之，来意为钱。

临巳：主其家为生小口，灶神动，忧人口，散乱或有光影。

临午：主有官事急速惊恐。

临未：主必有争张，伤妻财，散婚姻。

临申：主有车翻伤人，牛折左角。

临酉：主争门户，家内反覆作声，曾三年内失锁子一具。

临戌：主失了骨殖，或争财更主枷狱，兼四足走失。

临亥：不宜占宅，弟兄不睦又破财。

临子：主有妻女逃亡，出外渡河有灾，火子投井应之。

临丑：主父母患病、妻死。其家割卖，以分田土应之。

临寅、卯：主门户作声，贼动两度，近东有枯井，生二女，破家。

天罡临十二位所主

临巳：主有兵鬼作怪，因而为灾，兼灶神动，人口有灾，小女病。

临午：主有恶信来，主官事口舌。

临未主有损牛羊，及妻争物也。

临申主外争张，官司逃避，失盗、田土之事。

临酉：主鸡鸣作怪，或火光发，有死丧及争财与铜铁。

临戌：主争讼，买卖驼驴，其家主有死亡之事。

临亥：主猪食其子，亦争讼惊恐。

临子：主争水道、井、池、或四足怪动。

临丑：主恶人仇恨，起官事，兄弟不和，主分张。

临寅：主有文状，亦主贵客不和，或马伤人亡。

临卯：主兄弟生分，同居各食，又主不测灾祸，或争奴马。

临本位主有井，水道入坟墓，生女，亦主惊怪。

太乙临十二位所主

太乙所临各位吉凶与胜光同断。

胜光临十二位所主

临未：主争妇女头面上物，或争婚。

临申：主有死伤及钢铁鸣。

临酉：主有官事之争。

临戌：主文字信息动。

临亥：主有灾，见官事带血光，来意为心痛病；

临子：主有妇人产伤。

临丑：主文字暗昧不明。

临寅：主有文字动，或因花树争张。

临卯：主有信息，更主移宅两次也。

临辰：主有文字交加，

临巳：主厨灶内火发，宅内有破灶。

小吉临十二位所主

临寅：主有口舌、愿信、及树神动。

临卯：主人邀饮，或失牛羊及四足物。亦主妇人病。

临辰：主争田宅邻财。

临巳：主得阴人财帛。更有小房富。

临午：主有孤寡妇人掌家事，其家主阴旺阳衰。

临本位：来意占羊及飞禽，主婚姻事。

临申：主家长生外心。因此破家，及走失、远行、相送。

临酉：主争钱财，更主丧事及有后妇出家。

临戌：主争财，墓葬不利。绝却子孙破家，因后妇入室。

临亥：主杀三小女，又主猪食其子。

临子：主有鬼怪，惊恐多病。

临丑：主移宅两次，子孙少，亦多残疾。

传送临十二位所主

临寅：主尊长死亡，或无父母，迁移田宅凶。

临卯：主无子孙，出外自将财物去，又移门、失物、损车。

临辰：主有客死远方，或剑下死，或是军人。

临巳：主家中灶鸣，及两度移灶，必主破漏。

临午：主其家出徒配刑人及避官事走失。

临未：主有口愿未还，更主随他人走出。

临本位：主其家先祖得贵，或武贵死亡，又移宅破财。

临酉：必主男子妇人恶疾呼声，死亡应之。

临戌：主翻移坟墓，家出恶子孙，身肥短，不廉洁。

临亥：主折伤六畜，流移、横死，财物不聚。

临子：主小儿鬼祟在家，子孙孤独外死之凶。

临丑：主偷牛，三年内曾铜铁鸱；或四足怪，主杀害。

从魁临十二位所主

临寅：主其家被贼开后门盗财物，或出自缢阴人，恶伤死一人，家内有刀一口，曾伤人，其家必无尊长。

临卯；主有官事文字，外人暗害家口，夜间金声，长现光彩。

临辰：主争铜铁器物，及文字动，文字争张等事应之。

临巳：必主钱物破损，小人索惹生事，阴人灾滞。

临午：占射白物，来意必为心痛，又主孝服丧亡。

临未：主有羊酒吃食，立应宴会之吉。

临申：主有兄弟远出回家，或姊妹聚会，六畜吉。

临本位：主金声暗鸣，夜间被贼开房门，奸妇女应之。

临戌：主有伏尸在酉地，其家不和，出恶徒伤人，男患头目。

临亥：主婚姻成，生产女，妻欲生外心，淫逸。

临子：主夫妻分离，与亥同断，求财必遂，更主葬埋事。

临丑：主与比邻阴人相谋、盗卖他人土地，主立虚契。

河魁临十二位所主

临寅：主家有恶犬伤人，又有官事。

临卯：主怪起，或四足相继入门，又主官事。

临辰：主有两次斗讼，又主兄弟分争。

临巳：主灶神动，又主犬上屋作怪。

临午：主争讼口舌，信来当污，及有伤破血事。

临未：主犬咬羊，妇人病，贵人有禄，主后妇嫁，争婚姻。

临申：主有游子在外，亦主儒士。

临酉：主有不语人，亦主不明事。

临本位：四足走失，因争人外出。

临亥：主小女私通，又伤小口。

临子：主有贼怪伤财。

临丑：主有贼怪，又主铜铁器鸣。

登明临十二位所主

登明所临无定，盖与日辰相合，以人元、贵神、将神、地分定之。

神后临十二位所主

临寅：主财帛六畜旺，出高贵役吏人。

临卯：有贼神动，缠缚及死伤六畜。

临辰：主失四足；争婚姻，及人死，堂中怪现。

临巳：主有口舌争斗，又主不祥。

临午：主伤马损男，又主火光。

临未：主争财帛及文字契书。

临申：主有游子在外，及家中出儒生。

临酉：主有产生、分离、及夫妻不和。

临戌：主有水盆破，黑犬自死；三年内子绝。

临亥：主有贼神动，妇女奸淫，及有水穿破入注。

临子：主子孙水溺死，神在朱雀也。

临丑：主争庄田，及有患眼之人。

大吉临十二位所主

临寅卯：主母灾或伤牛，亦主患目，或有外游之人。

临辰戌：主争张咒诅，及有仇怨，争田土。

临巳：主争小口及禽鸟口舌，或争金银。

临午：主惊恐，火发、亲眷怨恶，却宜田土也。

临未：主争夺他人黍豆，因仇恨兄弟不和。

临申：主有远行人，亦主争道及铜铁器物。

临酉：主家内不和，阴人怨恨，妇女分张。

临亥：主有贼盗伤财，或争水堰、道、沟。

临子丑：主争沟池，并小口灾殃。

重附贵神断类

贵神临十二位所主

临子：主昏浊不明。

临丑：主田园更改，见贵之事。

临寅：主怒。

临卯：受制不和。

临巳：主惊忧不决之事。

临午：主动用文书，宫中进步。

临未：主宴会酒食庆贺之事。

临申：清宪、传送主吉之象。

临酉；主暗受私贿。

临亥：主有财帛事，

临辰、戌：名入狱，不主事。

腾蛇临十二位所主

临亥、子：主妇人产事。

临辰、戌、丑、未：乃主埋投不明，主坟墓、田土有事。

临寅、卯：天喜，主产难事，及受财帛。

临卯：主小儿惊风。

见壬癸临巳为财帛事，官事起。

临午：主动用惊忧，文书破损。

临申、酉：人死、阴私、奴婢逃亡、暗昧争挠之事。

朱雀临十二位所主

临亥：主文书受制，与临空亡同。

临寅、卯：主文书旺相，动用间隔。

临辰、戌、丑、未：为信息。

临巳、午：翱翔文书动用，凡事吉。见财爻入课，必主有文约私契也。财爻：指丑、寅、卯、未，等地支临将位。

临申、酉：主官中口舌，伤财不利。

六合临十二位所主

临子：得局和美。

临丑、未：田园有损，器物有伤，主宴会酒食之事。

临寅：财物动用，买卖成就。

临卯：主门户更迁，及占术士沙门之类。

临辰、戌：破财、坟墓、田宅不宁。

临巳：门户惊忧破损。

临午：主文书动用成就及文书往来之喜。

临酉：暗昧损财及财物不明。

临申：主动越关津，亲人阻隔，远人、小儿气疾之灾。

临亥：主私门不正，偷盗财物。

勾陈临十二位所主

临亥、子：因财怪物侵害。

临辰：戌、丑、未：争竞田土、破伤财物。

临寅、卯：受制不利。

临巳、午：争竞重重，文书、反覆口舌不利。

临申、酉：争竞官粮，损失财物。

青龙临十二位所主

临亥、子、寅、卯：乃出名，木入水凡求财中有喜，动用俱吉。

临丑、未：买货求财俱吉。

临巳、午：文书迁动改移之象。

临辰、戌：盗去财物不明之象。

临申、酉：求财反伤财，及折足。

天空临十二位所主

临亥、子：主因财成事，但主不足。

临寅、卯：主盗失财物。

临辰、戌：虚诈不实，孤寡贫寒，凡事忧滞，损失财物。

临巳、午：虚诈文书不实。

临申、酉：主语。

临丑、未：亦主虚诈。

白虎临十二位所主

临亥、子：动用吉。

临辰、戌、丑、未：破财、死丧、坟莹、骨殖。

临巳、午：血光破耗损失之事。

临申、酉：动用关隔破耗。

临寅、卯：主损物，动用不利。

太常临十二位所主

临亥、子：远动作商。

临丑、未：田园稼苗俱吉。

临寅：财物买卖远动之事。

临卯：财物有伤。

临辰、戌：争斗田园。

临巳、午：远动俱吉。

临申、酉：主争竞损失。

玄武临十二位所主

临亥、子：机密、庄严不语，病者亦然。

临丑、未：贼盗自败。

临寅、卯：主贼盗走失损财临。

临辰戌：登云，盗贼难获。

临申：损力损财。

临巳、午：搬运财物，机谋狡猾，道路不明之事。

临酉：佩剑不利。

临辰：主盗人自败。此句与临辰戌句相矛盾；应删去为好。

太阴临十二位所主

临亥、子：阴私，递财物，小人私语，不足，遮隐之神，凡是不明。

临丑、未：争竞田园，克战破损。

临卯、酉：防私暗昧。

临寅、申：动功用关隔，阴人隐惹，暗昧失财不足。

临辰、戌：异姓孤儿，奴婢损失不明之事。

临巳、午：血光、口舌、破财。

天后临十二位所主

临巳：主产厄之事。

临子：动用房屋喜美。

临丑、未：酒食宴会田园尊贵人之喜，又主事迁恩赦文书。

临寅、卯：暗合婚姻之情，动用财乡。

临辰、戌：破财孤寡。

临巳、午：主血光、产厄，灾病。

临申：主血气损伤之事。

临酉、戌：主暗昧、淫娠、奸乱。

临亥：主盗贼阴私损失之事。

六十甲子铃

甲、贵神、子：上克下主有外人相谋害自己。克将神伤小口，亦主争田土官事。

乙、腾蛇、丑：上克下主有惊恐，亦主争田土，文字，又咒咀、破财物，或伤老母牛。为阳见阴支，更克人元、地分也。

丙、朱雀、寅：下生上主文书动挠，发火光，有女嫁出门，为见下生上也。又主有人在外，故致忧也。

丁、六合、卯：下生上主成合交易，使作公吏，亦有官司文状动，更主移宅及更改门户，自己欲寻人也。

戊、勾陈、辰：比和主兄弟相争，其家无子孙，主孤独，整理房宅、庄田。亦主后妇淫妒。射物是园，不宜问病主凶也。

己、青龙、巳：神生将主文字动，贵神克人元，主官事、远信、悲泣之挠，亦主自己欲谋害他人，占病在头目，以人元受克故也。

庚、天后、午：神克将主官事、血光、马亡、妻死，人元生贵神，主妇人欲生外心。行移神动，主移门、展宅、接屋之象，地分遥克人元，主官事逃移。何以知之？水能润下，火能炎上故也。

辛、太阴、未：下生上主阴人财帛，暗昧之事。妇人欲生外心，庚辛亦为行移道路之神，未主孤寡妇人，下生上亦主出外，或有财帛随他人，此课纯阴，必主邪淫妇人也。

壬、元武、申：下生上，主道路，有人走失，或是四足邀候，主见亲人相随，必带财帛，或避官事走也。占怪：主光影。

癸、太常、酉：神生将，主得阴人外财，因娶后妇得财致富，贵神克人元，主妇人争财帛，发动官事。

甲、白虎、戌，先以下克上主官事发动，有人在外死，以白虎临戌，戌为骸骨之神也。白虎又为死亡道路、孝服之神，主其家必欲火墓，或遗失骨殖、走失四足。占怪同为四足。占病而主大凶。

乙、天空、亥：上克下，先以神克将，主争田土，伤小口女人。又人元克神，主有外人来相谋害，亦主争田土事必见刑狱。何以知之？为乙为六合木，天空是戌，戌土本为入木，为刑狱，土行水上竞庄田，所以见争田地之象也。其家必无尊长，或出僧，主破败之事。

丙、天后、子：主病患事，家中有井凶，或外人来投井。下克上主官事，主妇人杀夫两次，占事从内发，占病在头目，占宅主散乱，占怪主空虚。

丁、太阴、丑：先以人元克贵神，主其人患疼痛，为火在上。其人患心腹，却为人将相生，自下来上，主妇人带父母屋到夫家，移宅吉。

戊、玄武、寅：神生将，寅为财帛；玄武为神头，上生下主破财，人元克贵神主外

来谋害逃走事也。占怪，光影形象，或是神祠为崇，亦主争田土。

己、太常、卯：以下克上主阴人争财帛。因此分居，其家先伤长妇，孝服在身，移居则吉。更主伤小口，阴人病患。占病在头目，占家主失财、穿窗，或有孔窍失钱财也。

庚、白虎、辰：下生上也，主凶丧动，人元与贵神同主凶两次。亦主有兄弟出入往来，或走失奴婢并四足，及争道陌也。

辛、天空、巳：下生上主钱财空诈，将神遥克人元，主财帛官事，或争头面上物，其人必遭官事逃失也。亦主争道路，或四足游行，又主灶厨惊恐。

壬、贵神、午：先以下克上，主尊长发动官事，为贵神克人元，将在土下，主有女子昏昧。人元遥克将神，主破财，又常有盗贼伤财灾及小口也。

癸、腾蛇、未：先以上克下，人元克贵神，腾蛇在土上，故主火无根蒂。更在外被人谋害，主伤产妇，应在六月。其家必无父母，亦出淫乱之人也。

甲、朱雀、申：先以贵神克将，主官事破财。又将克人元，亦主官事，或争道，或争妇人头面饰物。

乙、六合、酉：主官事急速临门，或追捉亲人。有奴婢走失应也。

丙、勾陈、戌：主两个亲人相争田宅，文字交差，为一火生二土，所以相争而有交加也。其家主孤独，人死不葬，占物是园，亦主移坟。

丁、青龙、亥：下生上主新立了神树。或移改旧宅，主神未安宁，其家见觅投吏人及得祖父母田宅，或父母曾作官。

戊、太阴、子：神生将主子孙聪明。人元土生贵神酉金，主阴人有不明之事。又人元遥克将，主破财，蚕丝不成，家内产耗，主妇人外心，亦主有暗昧事也。

己、玄武、丑：主两家争田土，是比邻庄宅及失财。或被人偷了牛，伤小口，亦主两次哭泣，为二土克一水也。

庚、太常、寅：主破财，伤尊长父母。以人元反克将神主无翁，其家人死、财散不绝，为太常是孤独之神，更得白虎在上、临门，凡百事凶。

辛、白虎、卯：二上克下，先主官事，后伤人口。为白虎临门也，其家主移居、见

怪及四足水声。

壬、天空、辰：主争田土或斗讼。四足走失，占怪主空虚，占病在目，占宅主散乱，有井主凶，占行路、疾病凶。

癸、腾蛇、巳：惊恐火发，妇人争讼，病患，为一水克皆主官灾，或争飞禽，或神不安。

甲、朱雀、午：主文字交差，为神将同家。上生下主妇人淫乱，其家与一亲人争官，发火光也。

乙、六合、未：二上克下主妻死，再娶破财，铜器鸣，家中妓妇不绝，为六合临门也。

丙、勾陈、申：主官事勾连，丙是火，与申金遥相克，主争张金银，或争头面物，或争道，或妇人田宅之事。

丁、青龙、酉：下克上有官事临门，必遭杀劫，神树所争，役吏临门，亦有病人，以人元克将神，所以内乱，阴人争，亦主贵人私情事。

戊、贵人、戌：两兄弟一贵人，同姓争田宅，或新葬了。占怀藏主圆物，占宅主无子孙，但三世孤独。

己、天后、亥：上克下主妇人病，亦有官事，见血光，人元返克，弟兄亦伤，小口患眼，主家不和，移宅吉。

庚、朱雀、子：主妇人投井，以下克上故也。或争河道，或火发惊恐，亦或厨灶破，又主女人患病，人元为朱雀所克，更主官事逃移。

辛、六合、丑：上克下主伤母，亦主无妻，更主损牛，以金入木乡忧口舌，木来入土为刑狱，主官事，大凶也。

壬、勾陈、寅：下克上主官事，争田土，妇人必伤，为土行水上。木入土中，故主官事或自缢而伤，及水溺，或破磁盆器所伤惊恐也，以玄武为贼水被克故主溺。

癸、青龙、卯：上生下主鬼怪动，有宅有树影，及铜铁鸣，主有杀害，以癸卯纳音见金故也。其人无子孙、妻财，亦无归着，更失财，或将财物出入，主鬼贼。

甲、贵神、辰：上克下主尊长病，更主争讼官事。又人元遥克将，亦主破财，或器

物有伤；及有口愿，又主家神临之，无子孙。

乙、天后、巳：上克下主伤小口；天后生人元，主妇人生外心。又主灶神动，宜慎火光或釜鸣；为见乙巳纳音为火，以一水动克故如此。又主淫乱，外人谋害，主病昏昧死。

丙、太阴、午：二火克一金，先伤阴人，内癆、嗽喘疾，死后主发火光，两次哭泣。更害疮，人亦主在外，死者应之。

丁、玄武、未：下克上主官事贼盗，为未是井，又贼水临之，主溺伤小口，或河伤也。又在外欲谋人，被人反谋害也。

戊、太常、申：上生下主行神动，有妇女带财帛回家，更有亲人相随，亦主争田土事也。

己、白虎、酉：上生下，主亲人出外，或有军人同来家。以人元生白虎，白虎临门，或入家，或主出外也。及走失人口，更主祖父母自将财帛出外见喜，占病凶。

庚、天空、戌：下生上，庚是移动之神。须主两次移宅，或移坟墓。其家主孤独，或有僧道出游。

辛、腾蛇、亥：先以将克神主妇人病，后有官事，为人元受克，亦主妇人头面上物色，又主妇人出外生产，以庚辛为道路事。

壬、朱雀、子：以二水克一火，主伤妇人两口，或是投井死，以壬子为贼水。后有官事文状。为朱雀是午，午为鞍马，主争鞍马事。玄武亦主文状勾连，或见血光死亡，伤四足及皮血。或遗失文字，皆以朱雀受克也。

癸、六合、丑：先以上克下主有官事，或者偷了牛，为见壬癸水是贼神，六合是门户，更将神反克人元，主争比邻田土。

甲、白虎、寅：先以神克将，主口舌破财，又以贵神克人元，主官事。甲与寅为一家之木，金在中心间之，主兄弟分散，以无尊长也，又主争杀了神树，其家凶丧不绝，移宅则吉。

乙、天空、卯：两木克一土，主其家多有虚耗，死亡子孙，更主有僧外出，自缢而伤。或当门破了器物。亦主有官事，占怪见犬，或伏尸作祟。

丙、天后、辰：先以下克上主妇人多病，又主争田土，然辰主斗讼故也。更土克水

神，又以贵神克人元，主家内有两次走失，更伤妇人也。

丁、玄武、巳：以两火夹一水，主两阴人小口争斗，先伤在下一口，在上者主于疾病。以水性润下，即以在下者伤也。更主被人偷了锅铛釜灶之属。又有众禽入宅，主有伤害也。

戊、勾陈、午：下生上主文状立，争田土，勾陈主有文状或妇人行游，更主移宅吉。

己、青龙、未：主土在两头，一木间之，主其家分别。克将主妻亡财破，或妇人自缢死，更主鬼怪缠缴妇人，出师婆。贵神又克人元，亦主官事。

庚、朱雀、申：主兄弟有官事，或是妇人头上物色。庚主道路，火气为灾，亦主妇人淫佚游行，以在内迫，故走也。其家亦主子孙不和，二金为火所间。

辛、腾蛇、酉：辛临本家，火在中心间之，主频频破财，官事不绝，亦无子孙也。更伤母，为课中阴见阴也。凡为阳见阳，阴见阴皆为不比，故凶。亦有火光，主妇人头面上物，铜钱作怪，欲移门户应之即大吉。

壬、青龙、戌：先以上克下主刑狱事，又主盗贼入家，失了火，或器物伤也。盖壬为贼神，青龙为财，戌为骸骨之神，其家或失了祖父母骨殖，主家中病患，常见怪也。

癸、天空、亥：以两水为一土间之，主官事，争田土，土在中心，两家争邻畔，或争次邻财，更主伤小口。夜里出现，四足作怪。兄弟不义，分其家产，必无子孙，只有一僧应之。

六十四课铃

鬼合身课 阴害卦

官禄全身课 进达卦

全身课 从顺卦

三合全，无官鬼，无劫煞，只财爻动是也。假令五月，甲子日，亥时，申位，壬水、天后水、天罡土、申金。主财，其为事吉。

奇全课 利进卦

神干、将干、人元兼三奇全是也。假令十二月，壬午日，寅时，巳位，乙木、朱雀火、小吉土、巳火。利求官禄，常人得财，乃大吉之课。

朝元课 德载卦

四位本家事，假令四月，丙申日，丑时，丑位，己土、天乙土、大吉土、丑土。常人非吉，无生故也。如朝观诏对则吉，凡十二神将皆有朝元，各随其神将吉凶断之。土曰朝元，水曰朝宗，火曰重光，金曰满赢，木曰会极。

俱比课 合元卦

四位皆比是也。假令十二月，戊戌日，卯时，未位，己土、天空土、河魁土、未土。比合为兄弟，主同类相争，又主事体重叠，占病大凶。此为杂配，分而为水曰稽，火曰燎，木曰忧颠，金曰丛刃，土曰坏户，更看神将性气以类断之。

正比课 首正卦

主客比是也。假令十二月，戊戌日，未时，寅位，甲木、腾蛇火、小吉土、寅木。主其为自己事，无亲属之事，求知结好多吉。

近比课 为己卦

干神比是也。假令十二月，甲午日，巳时，寅位，丙火、腾蛇火、从魁金、寅木。主自己事及亲属，然二火为灾百事残，更看所比吉凶断之。

次比课 审认卦

神将比是也。假令十二月，庚子日，戌时，戌位，丙火、玄武水、神后水、戌土。主亲属之事，官动为官，妻动为妻，鬼动为鬼，以此类推。

远比课 寄托卦

将与位比是也。假令十二月，辛丑日，亥时，巳位，癸水、六合木、胜光火、巳火。主他人之事，六合主和合，仍以神断之。

将位伏吟课 鼠伏卦

将与位同是也。假令十二月，庚子日，子时，辰位，庚金、六合木、天罡土、辰土。主百事不动，望人即至，逃亡隐伏未至。

神将伏吟课 犹豫卦

天干克将神，伏吟见克位是也。假令十二月，庚子日，丑时，辰位，庚金、六合木、太冲木、辰土。心欲动而身未动，心欲合而不合，疑惑不决。

反吟课 动摇卦

将位相冲是也。假令十二月，庚子日，午时，戌位，丙火、玄武水、天罡土、戌土。主事反复，吉凶多不成，来去动摇，莫获安定，矢亡则远。

神将反吟课 乖运课

神将相冲是也。假令十二月，庚子日，申时，酉位，乙、太常土、太吉土、酉金。此课主内外事多不和，事多迅速。

反鬼入门课 飞祸卦

神将反吟，门户相见是也。假令十二月，庚子日，申时，亥位，丁火、太阴金、太冲木、亥水。占事不成，病者无凶。

关课 堵塞卦

酉上见木为关。假令十二月，己未日，未时，酉位，癸水、玄武水、功曹木、酉金。主出行不通，占行人不至，囚禁难出，病孕必有隔。

隔课 乖越卦

卯上见土为隔。假令十二月，甲午日，巳时，卯位，丁火、朱雀火、河魁土、卯木。卯为门，以木土塞之，所以为隔也，主参投谒人不见，出行囚禁，病孕皆不利。

锁课 构囚卦

卯上见金为锁。假令十二月，丁卯日，午时，卯位，癸水、勾陈土、从魁金、卯木。此课占囚禁行人病孕，皆主不利。

斩关课 避罪卦

关上见金为斩关。假令六月，辛卯日，子时，酉位，丁火、白虎金、太冲木、酉金。主凶中得吉，避罪逃亡，尤利孕病，通达出行无阻隔。

毁隔课 脱面卦

隔上见木为毁隔。假令十二月，己亥日，亥时，卯位，丁火、青龙木、天罡土、卯木，主凶中得吉，囚禁病孕，求事皆无阻。 丁

叩键课 天解卦

锁上见火为叩键。假令十二月，庚子日，未时，卯位，己土、朱雀火、传送金、卯木。主囚禁遇赦罪，然凶中得吉兆也。

官合课 得禄卦

贵神与人元合是也。假令十二月，丙申日，辰时，巳位，癸水、天空土、大吉土、巳火。主官士得禄，常人进产，亦主官事动。

正合课 如兰卦

神将支合，主客无克是也。假令十二月，甲午日，申时，巳位，己土、勾陈土、从魁金、巳火。此课主亲属和会，人财相庆之喜。

鬼合课 鬼同卦

主客相刑，神将支合是也。假令十二月，庚子日，申时，巳位，辛金、勾陈土、从魁金、巳火。主人出外，占病即凶，占宅有怪祟。

日时比合课 结绶卦

将与干皆比是也。假令十二月，癸卯日，戌时，戌位，壬水、白虎金、神后水、戌土。主人有趋向贵人，有非常推擢之兆，然先背而后向也。

空亡课 蒿目课

三位落空是也。假令十二月，丙申日，丑时，巳位，癸水、勾陈土、天罡土、巳火。主身心疑惑，求事皆不成。

鬼空课 粮莠卦

神将六合，位落空亡，鬼动是也。假令十二月，乙巳日，未时，寅位，戌土、朱雀火、小吉土、寅木。主求事有名无实，先忧危，终得吉。

四大空亡课 病败卦

甲子、甲午旬水绝，课中见水；甲申、甲寅旬金绝，课中见金。假令十二月戊戌日戌位，壬水、玄武水、神后水、戌土，主事吉凶皆不成。

分局相生课 双宜卦

神生干、将生位是也。假令十二月己亥日辰时午位，庚金、天空土、功曹木、午火。主一事分为二事，所趋各异而皆吉。

分局相克课 孤别卦

神克干、将克位是也。假令十二月己丑日午时巳位，己土、青龙木、登明水、巳火。主事一分为二，君子吉，小人凶。

合局相生课 同德卦

干生神、位生将是也。假令十二月庚子日巳时午位，壬水、青龙木、大吉土、午火。主两事合为一事，又其为事吉，内外并力，合谋相与。

合局相克课 因溃卦

干克神、位克将是也。假令十二月乙未日申时巳位，辛金、青龙木、从魁金、巳火。主和中不和，其为事，先喜而后不和。

连茹课 汇升卦

即寅卯辰三位相连是也。假令十二月庚辰日酉时寅位，戊土、勾陈土、太冲木、寅木。主事体重叠不一，而此名顺连茹，事体多顺，主将来之事也。

若方是午，将是巳，神是辰，则为逆连茹，事体多逆，主以往之事。

陞升相生课 云腾卦

自下次第生上是也。假令十二月辛丑日酉时寅位，庚金、勾陈土、太乙火、寅木。主有人出外远去，求事得喜庆也。

陞升相克课 促装卦

自下次第克上是也。假令五月壬子日申时丑位，辛金、朱雀火、神后水、丑土，主逼迫出外之事，又主身有口舌官鬼之灾，以次第克人元之故也。

覆孟相生课 两降卦

自上次第生本位是也。假令六月乙卯日戌时子位，丙火、太常土、传送金、子水。主自外添进人口、财帛，又主行人归。

覆孟相克课 寇攘卦

自上次第克本位是也。假令十二月乙未日申时戌位，丙火、太阴金、功曹木、戌土。此主迫而还乡，及求索以至口舌。

阴阳并比课 兼弱卦

上二比克下二比是也。假令十二月丁酉日酉时辰位，甲木、青龙木、小吉土、辰土。主小人斗讼，君子竟斗挠攘之事。

阴阳并克课 犯上卦

下二比克上二比是也。假令十二月戊戌日酉时戌位，壬水、玄武水、大吉土、戌土。主尊长怒，内外不和，亦松之兆也。

并来克身课 沉深卦

三水克人元火是也。假令十二月乙未日亥时亥位，丁火、玄武水、神后水、亥水。

并来生身课 众附卦

三水生贵神是也。假令十二月癸酉日子时子位，壬水、青龙木、神后水、子水。主内外从顺，迁官进财，随神断之。

并来克位课 泉涸卦

上三土并克位是也。假令十二月辛未日申时子位，戌土、天乙土、天罡土、子水。

并来生位课 慈幼卦

三金来生位是也。假令三月丁卯日丑时子位，庚金、太阴金、传送金、子水。主外

来成内，卑幼优喜。

归身相克课 被劾卦

人元克三位是也。假令十二月丙申日酉时未位，乙木、太常土、河魁土、未土。此课主取索迫剥，外来克内故也。

归身相生课 家肥卦

人元生下三位是也。假令四月十五日申时寅位，壬水、六合木、功曹木、寅木。主外人添进财帛，讼官得理，有文字引荐吉。

进体相克课 肇共卦

本位克上三位是也。假令十二月戊戌日戌时戌位，壬水、玄武水、神后水、戌土。主并立之事，将谋财禄和合之喜。

进体相生课 培根卦

本位生上三位是也。假令二月癸巳日申时子位，甲木、青龙木、功曹木、子水。主谒贵人求财吉。

神将同源克主客课 内间卦

神将同克上下是也。假令六月癸亥日未时亥位，癸水、天空土、河魁土、亥水。主兄弟不和，人离财散，间谍言之。

神将同源生主客课 内和卦

神将同生主客是也。假令六月戊午日申时亥位，癸水、太阴金、从魁金、亥水。主向外面，内虽志气不同，皆成遂，卒于可否相济也。

主客同源克神将课 凌迫卦

上下二位克中二位是也。假令十二月癸亥日未时子位，壬水、腾蛇火、太乙火、子水。主上下凌迫，无所诉词，囚禁难脱。

主客同源生神将课 会神卦

上下二位生中二位是也。假令三月戊申日午时卯位，乙木、朱雀火、胜光火、卯木。此课主臣子同心同德以治国家。

自内隔生课 匪棘卦

自下隔生于上是也。假令十二月甲申日酉时子位，甲木、天后水、太冲木、子水。主子孙出外交易求禄，和合之喜，凡是皆吉，随所欲也。

自外隔生课 利用卦

自上隔生于下是也。假令十二月丁丑日申时酉位，己土、太阴金、大吉土、酉金。主外迁进之喜。

隔克课 点构卦

神克位，将克人元，人元克神是也。假令十二月庚申日戌时辰位，庚金、六合木、胜光火、辰土。主递互相加乖违不明之事。

天地并来克身课 死刑卦

昼位神克人元是也。假令十二月庚子日亥时未位，癸水、天乙土、传送金、未土。主争讼事，占病死亡。

换神课 玄机卦

昼夜未分，贵神相交是也。假令十二月甲辰日寅时子位，丙火、天后水换得白虎金、天魁土、子水。主占凶得吉，占吉得凶，如凶神换得吉神则吉，如吉神换得凶神则凶。

向空课 谷响卦

昼将夜位，夜将昼位。假令十二月甲辰日巳时未位，辛金、天空土、功曹木、未土。此课主求事不成，吉而反凶之课也。

背神课 违戾卦

位在天乙后或在天乙前位是也。假令十二月甲辰日申时亥位，乙木、朱雀火、太冲木、亥水。此课主昔亲今疏，尊卑不顺之情。

丁鬼入门课 传尸卦

丁入酉作鬼是也。假令十二月戊辰日辰时酉位，辛金、太常土、太乙火、酉金。主刑来客。

主来刑客课 梟鸣卦

神将比，鬼动克人元是也。假令十二月乙巳日辰时巳位，辛金、青龙木、太冲木、巳火。主鬼怪官病，人畜财散之事。

神来克将课 内贼卦

将为内财，而神来克是也。假令十二月乙巳日戌时丑位，己土、白虎金、太冲木、丑土。主亲戚谋窃自己的财物，及勾连虚诈不明之事。

客来克主课 问招卦

人元克位是也。假令十二月乙巳日辰时午位，壬水、天空土、功曹木、午火。此主妻妾之忧，及财帛不明之事。

地户入天门课 天冲卦

戌为天门，勾陈临之是也。假令六月辛未日午时戌位，戌土、勾陈土、天魁土、戌土。主官事重重，占病大凶；占墓主破财，出军人夭短者。

天门入地户课 地系卦

辰为地户，天魁戌临之是也。假令十二月乙卯日子时辰位，戌土、勾陈土、天魁土、辰土。主讼重，占病凶，占宅墓主出军屠，家不和。此正是天罗地网，男忌天罗，女忌地网。

云霄赋

论人生五行之祸福，详课体战克之兴衰。相生则喜，克战则危。将与地分其高下，人元与地分定其尊卑。臣犯于君，己欲侵入；君凌臣下，人来害己。人元克六阳之神，阳男有病；天干战六阴之将，阴母逢凶。

泉沉蛇马，定生眼目之灾。（壬癸水为龙泉，巳午火为蛇马。亥子加巳午之上，故为眼目之灾。）

虎负岗隅，必主羸瘦之症。(甲乙木克辰戌土。)

红马登途，行商外病。(丙午火克庚申金。)

赤蛇入户，闺妇下灾。(丁巳火克辛酉金，主暗昧之灾。)

酉女来东户，狂病伤蚕。(辛酉金克乙卯木蚕不收也，主疯瘫之狂病。)

白道映绿林，老翁损睹。(庚辛金克寅卯木，寅为山林，申为道路，损害老翁者，神树寅木之谓也。)

东方贼子，园中盗粟偷花。(卯加丑，丑乃金库，又为粟园。)

未地幼儿，店内搬食弄酒。(未地井宿乃酒食之神，小吉酒店也。)

产劳病患，因井宿入天门。(己未入癸亥也。)

鬼蛊气疾，为土星镇北海。(辰戌土克亥子水也。)

土牛逢江猪，贼人自败。(牛为丑，猪为亥，丑入亥也。)

火宿遇波涛，阴妇井溺。(丁巳火入亥子水也。)

南方赤马，怕北海之浮波。(丙午火怕逢壬子水也。)

寅地青龙，畏西方之恶吼。(青龙畏白虎也。)

龙虎交加，老来伤害。(甲寅见庚金也。)

丘坟倚迭，衰后独孤。(辰戌重加是也。)

天为僧道，犯阴后必主奸淫。(辰戌为天、寺观，若六合，天后、太阴临之，或值天空，奸淫之兆。又卯酉门户也。)

金井饮牛，羊牧坟岗，定然鰥寡。(丑未辰戌相加。丑未为牛羊，辰戌为坟岗。井乃未也。犯之主二姓三姓，男鰥女寡)

青龙入户，接脚老翁为夫。(寅入卯主接脚夫也。)

神树临池，应得阴人财宝。(寅入亥内，得阴人财物也。)

负水浇林，徒养他人；波溢苑中，终伤自己。(子水至卯为死，又子卯相刑，水浮泛溢故也。)

天门木户相见(指卯亥也)，醴酒玄浆相调两便。(未为酒，亥为水，未亥和合，富贵昌盛。)

内室专权，有仙女跨云之象。(巳到寅也。)

行商得利，逢坤门，洒酒之徵。(未为酒神，加午火，迁转坤方；主利禄非常。)

木象化天门，经营自便。(未土克亥水，亥旺，得卯三合成木象，是化于天门也。)

白虎嫌黑水，祸患相似。(申虎到亥水之乡，金体衰，必有祸患。)

当途决水，享耄颐之遐龄。(申为道路，水至申旺、金水相生而有眉寿。)

避地安坟，乐绵瓞之旺续。(辰戌为坟，加申，主取生息也。)

阴人面疤，赤蛇走入金门。(巳加酉，丁加辛也。)

美女失音，白雉飞来巽户。(辛酉太阴被巽方巳午克之，主有此兆。)

玉女游斗宿之宫，阴权大富。(酉与丑三合，丑又为食库。)

牵牛至金门之路，血畜兑羸。(丑至酉而无气。)

仙女游乐园，生产充盈之兆。(巳火，双女宫，至丑，因火生土而财帛充盈。)

土牛奔火，自亏负，恐暗昧无言。(丑土入巳未，丑为巳火之炉，未为木库，必伤身也。)

土多乏嗣续，(土主孤独也)水盛好荒淫，(水泛滥也)

木众枝繁，金多体折，火气炎炎，火多性燥。水性汨汨，主性必柔。

五行大忌，结胎逢刑。四位切防，无权交战。金临丑地，木人遇肢体不全。

水至申宫，木命值，飘蓬无定。(金旺生水，木命人遇之，主伤筋损骨，肢体不全。水旺木人遇之，男主为盗，女主娼淫。)

火炽伤金，边塞奔驰之子。卯荣破丑，田园耗散之人。独木遇三金，剑刃须防有鬼祸。一金遇二火，铄销值天灾。孤土入败绝之乡，见木多，传尸久患。弱水临休囚之地，逢坤，常呕血之忧。

五行最要相生，四位偏嫌杀战。果尔留心留意，自然无惑无差。

六壬神课金口诀古本（大六壬金口诀）-中卷（二）

三才赋

金口玄妙，入式幽微，能决有疑之事，先知未见之情。指方定位，神将成课体之机；验煞推元，吉凶妙鬼神之用。

干神将位，当立贵贱尊卑；四象三才，须分高低上下。干克神而剥官，人谋害己；神克干而晋职，己欲侵人。将克神不求财，当言身病；神克将非捕盗，当言妻伤。位克干而神克位，疾病官灾，位生神而将生干求财喜庆。将克干方损妻妾而牛失马倒，干克神位防盗贼而财散人离。位生干兮印绶迁而子孙弱，干生位兮嗣续旺而名位卑。

木音全见，妻儿难保长年，妻旺官衰，父母恐防不寿。金纯而道途分异，木全而官事缠身。水多败散主痔病儿童，火盛惊忧应伤残妇女，纯土乃丑妇为权，孤立则尊人不利。土入水乡，争讼田宅之兆；火加水上，生育产难之惊；木入土乡疮灾牢狱，火临金地劳患缠萦。金加火上主销熔，木到水中为漂荡。水临火地寒热往来，木入金宫口舌争辩，水加土上争竞田畴，土入水中多生肾病。

欲言吉凶，再推神将。大抵功曹主文书木器，传送为信息行程，太冲盗贼及车船，从魁金银与奴婢。辰为斗讼兼主犯丧，戌乃奸欺或称印绶。登明徵召，太乙非灾，胜光鬼怪连绵，神后奸淫牵惹。未为衣服宴席，丑为田园苗圃。大吉小吉临勾陈，争讼田宅。河魁从魁化六合，逃亡奴婢。寅辰若遇勾陈，官刑禁系。亥寅如逢白虎，疾病惊忧。子卯与玄武同传，当途贼盗。巳亥逢驿马并驾，在路奔腾。丑未之临朱雀，口舌咒咀之非。未酉加之，隔角夫妇休离之患。(丑寅、辰巳、未申、戌亥八端者也。)魁罡临处，多生词讼。申午并交，常有狐疑。天乙所占官宦，遇克必定官嗔。滕蛇为卜惊忧，逢刑决然火怪。朱雀文书口舌，六合喜庆婚姻，勾陈主斗讼勾连，青龙应婚姻财宝，天后奸心暗昧，太阴隐晦阴私。玄武防盗贼以侵袭，太常有酒食之筵会，白虎主死丧之道路，天空主欺诈之逃亡。

将神更忌刑冲，干位仍防带煞。将带神兮神带将，于中玄妙，干带刑兮位被煞，就里幽微。天上神将有加临幽显之微，地下支元有隐伏不明之意。是故太岁受克，尊人有不测之灾；月建遭刑，兄长有沉溺之祸。凶神同居白虎，哭泣临门；丧吊相并鬼乡，哀戚动地。月建号曰青龙，遇吉将资财益进；月破名为白虎，逢凶神疾病崩摧，枉横死于灾祸。(阳月前三辰，阳月后三辰为大祸；阴月后三辰，阴月前三辰为灭门。)淫乱发于奸私，如破耗失畜亡财，(岁前五辰为小耗，六辰为大耗)青龙合乘天喜，(春戌顺数，每季各三辰。)添人进宝，丘墓丧车并煞，疾者必临不帙。德合、解神诏赦，囚人定主脱灾。天医宜占疾病，(月建后五辰为天医，对冲地医，占病吉。)丧门不免惊忧。游魂哭煞，飞灾有难；亡神月厌，祸患难逃。星月为刑为煞，太岁为祸为奇。天马驿马入垣，所占迅速。孤虚死气同传，谋举逗留。(空亡为孤，对冲为虚。)德合生神临用，占事有成。煞并天空，四课有象无依。

五行衰败之乡加临，人情断绝；四位生紫之处相逢，事体光辉；神将沐浴之处相逢，凡事露机。功曹加毕昂之位，河魁属氐房之方。重关用锁于西方，见金则斩关不闭。设隔致防于东位，见木则毁隔无妨。玄武与壬子窥户，当忧盗贼；(临卯酉上为窥户。)白虎同传送临门，须防疾病。(子午卯酉上见之。)煞神既定，象类更详。合局则事从众起，(如干生神，位生将，克者亦同。)分局则分劈支持。(神生干，将生位，克亦同。)重迭则事多重迭，(二三神将同。)交关则婉转无依。上下交克囚系衰，定主衰微。若占脱走、逃亡，则课体兴衰可见；如占求财、见货，视将位有气方知。进表投书，详君臣察其善恶。战斗博戏，认主客定其输赢。盗贼若值孤虚，追之莫捕。死气加诸墓绝，病者不愈。

详天禽地兽之形，察人间隐伏之状，明此祸福之原，细研五行之理。

六壬神课金口诀古本（大六壬金口诀）-中卷（二）

金兰略

三才有准，四位无差。以断如金如兰，诚为趋吉避凶之方。将元俱旺而阳衰，严君失丧。方与贵神而克将，慈母先离。四位纯阳，弟兄列雁。四位纯阴，姊妹成行。室如悬磬，因一课之俱衰。家道兴隆，由五行之有气。星犯魁罡，男女鰥居僧道。煞逢大小，子孙独守空房。洞房断木植，江湖须可爱。申居辰戌，客旅何依。小吉若加太常，平生好饮。白虎重临传送，在外遭殃。金被火克，遭逢血光。空劫重逢，绝却后嗣。孤神上克，必主孤单。

欲辩人形，先观课体。凡揣人之形状，须察五行之兴衰。旺相则端正秀丽，刑衰则鄙陋参差。土来克水，紫黑相貌。金神刑木，青黑容仪。发秃容黄，只因木来克土。肌肤如玉，盖缘水到金乡。人之患病不济，课体兴衰可验。火临四孟，热病难医。水逢火土，产灾可治。火遇水，主投井自缢。金胜木，主下病阴烦。甲乙败绝，

必男子身亡羸瘦。阴空衰死，定僧尼无棺裸形。二刚若克阴贵，主补右肩之服。一柔如刑阴贵，必缝左肩之衣。

若验男女，须看支干。俱阳乃男儿之辈，同阴为妇女之流。功曹主老叟多髯，因争财而致讼。太冲是贼人隐体，当忧母以临门。天罡为坟墓之主，太乙乃阴害之长。胜光主文书之相，小吉必酒食之神。传送流移走失，从魁夫妇乖张。河魁争坟觅骨，或有死尸之祟。登明争竞兴讼，或招横水之溺。神后淫惹阴私，大吉厌禳咒诅。将神有生则喜，干支有战则凶。留心推究，因应验前。

六壬神课金口诀古本（大六壬金口诀）-中卷（二）

玉华略

占事先神而后将，推情详煞而论刑。水逢四季，为鰥者之刑。木遇三孤，乃寡妇之煞。何为有文而无贵？只因华盖来逢刑。非妓而即娼，多因太阴岁值。火逢空劫，则媒巫作生涯。水入罗网，则诙谐志艺业。木逢二土，秃瘤伤残。木遇双金，艰难瘫痪。一土而临三木，腰脚鹅鸭。一土而值三水，性情虎狼。一木三土，不良丑陋。一水三火，瘠症痴聋。三金一火，父子相争。二木二金，远年虚症。二金二火，年幼身危。二土二水，老来词讼。家破因逢横煞，人灾为遇凶神。勾神主罗网之灾，朱雀有马惊之患。腾蛇阴人连累，玄武身是雕青。

六壬神课金口诀古本（大六壬金口诀）-中卷（二）

定寿经

白虎逢夏入离，定作分尸之鬼。甲寅临秋遇酉，必为远配之人。觅人喜看伏吟，占信先观干位。辛居酉宫，庚临申室，依次推之，百无一失。人元与气运相刑，君子应无学识。太阴与木败绝，老夫必是头黄。乙入天罡逢金，主刺黥之人。贵逢辛卯木克，乃客中之士。天空、辛酉元气绝，道士僧尼。白虎、魁罡旺遇土，雕刻匠役。丙火临太阴，家有石神并佛而缺臂。太阴逢二火，室藏瓶类以无唇。勾陈逢天罡，贫妇愁难度日。青龙临曹吏，富翁喜易随时。河魁被木来克，鬓发之阴。太阴得水去制，悬首之士。

六壬神课金口诀古本（大六壬金口诀）-中卷（二）

光明经

贵人当旺，恩赐加官。蛇雀临生，克承乏继。太阴白虎临季，入门亲戚。河魁天罡重逢，依势媚赘。大吉小吉亦主易婿，木神火神必非佳配。金逢绝墓，父子远离。

伏至辰宫，瓜瓞绵绵。水临巽户主腰灾，火遇亥神防走失。功曹寄土，倚人门而寄居。太冲孟中，吊己影而独行。朱雀逢寅，有孙无子。水神入土，有子无孙。木临酉位，妻家必破财产。金入火乡，外族皆得荣华？金临巳午，带儿就妇。未加酉申，携子归夫。心行邪淫，水逢辰酉。木遇季土，乏嗣缺妇。下生上兮，恩光蹇滞。上生下兮，富寿荣昌。上来克下，他人害己。卑去犯尊，己谋他人。分类族于贵神，人品第于将位。辰僧卯道，午吏蛇文。魁罡之凶墓，主邪妇奸农。小吉之卑微，主酒宴食会。白虎开店及军旅，佩剑执戈。太阴徇私犯娼尼，纹身绣面。魁罡逢酉，画虎雕龙之匠。贵后临辰，踏罡步斗之人。大吉品分尊卑，天后情至盈溢。水来乾地，疮肿淹淹。火入亥宫，疾病沉沉。木神临火为伤残，木土居东值狂浪。后龙合绝于金火，夫妇无谋。蛇雀旺临于未辰，一生好酒。

金镜歌

占坟之法君须记，要看将神与方位。

阳将阳时更阳位，男子十分九分是。

阴将阴时位又阴，女子言之不须疑。

贵是阳，地分阳，男子不须细审详。

贵是阴，地分阴，妇女之坟不须寻。

阴无气，或逢刑，久患劳伤病可云。

火若无气被水克，心气不绝分南北。

水无气，土来制，产死多应患血气。

阳水衰，或入墓，男子水蛊真不误。

土死绝，木来刑，苦病或为刀下魂。

土刑盛，女守寡，虽有男儿还是假。

庚克木，卯见酉，家长非灾横祸久。

畜类死，家破败，卯母寅公不吉泰。

先死母，辛临震，金木相刑不和顺。

先亡父，庚克寅，卯加申兮一例论。

水被土害肚产死，食劳无意故寅是。

寅是火，旺长生，十有九死害天刑。

一火微，三四水，亥子逢之为虐鬼。

水多败，土疯瘫，腰跌动，举步难。

土神多，水神微，亦是一般无所惑。

土在墓，或死绝，苦病疮疾被害大。

腾蛇火，被水克，投河产死井底灭。

朱雀火，主不详，自缢多招树下亡。

木神克，太常土，或见毒药并呕吐。

白虎金，若逢土，不在家乡丧外苦。

白虎申，庚辛慢，外若不亡须招患。

青龙寅，一类论，多主发髯似胡人。

乙六合，寅卯位，自身宗祖须争吏。

勾陈土，定不扬，男子占之必外房。

天后水，落空声，死墓绝败记得真。

太阴金，暗昧临，便有吉神也主淫。

玄武水，斜眼睨，若逢辰戌爱便宜。

玉髓歌

干是外人及尊长，神位主用弟兄宫。
发财月将方位使，本位云之小口因。
神若克干争辩讼，老人灾害屋梁倾。
神将内逢相战克，家财紊乱弟兄争。
方若上来刑月将，将损妻财妾病疮。
将若刑方伤小口，逃亡奴婢去东西。
白虎传送人在外，死丧灾祸最为凶。
太常酒食婚姻事，宴筵和会喜相逢。
胜光朱雀官事起，只因文字不分明。
太乙腾蛇人口病，金鸣鬼怪梦中惊。
天罡勾陈多战斗，庄田争讼到官庭。
六合太冲官府事，文词呼唤准无空。
青龙功曹财禄喜，金土逢刑损老翁。
大吉冤仇相妒害，耳聋头秃难形容。
二后临时多暗昧，奸邪魅类争朦胧。
玄武太冲盗贼事，提防拐带劫夺生。
天空河魁多诅咒，定执坟地事关僧。
从魁酉门不明事，妻妾魇魅起冤争。
水来见火火见水，损财耗散口舌频。
六畜灾伤妇女难，蛇禽无故到门庭。

木来见金金见木，家宅门户不安宁。

父母腰脚疯瘫痪，损财口舌见纷争。

土来见水水见土，前年动土见凶星。

妇女面黄及肚肿，小便滯涩不通行。

木来见土土见木，定争财产数年中。

儿孙常害脾肺病，蚕桑五谷未曾丰。

火来见金金见火，家财耗散病痈疮。

无臂石佛金铁响，失财人口死亡凶。

更推生克详生死，万里灾祥在掌中。

卷之下

射覆门

四法须知

学课先须四法明，来就成去更详因。

来法便于方上觅，月将从来认真取。

就法次于坐上取，飞腾次第辨来人。

成法天官相聚会，归家次第取将形。

去法便于干和位，阴阳匹配细思寻。

但认五行情好乐，便是孙臆玄妙门。

射覆歌

其一

寅木为衣服，卯草东园香。

匠前为药类，巳火雀文章。

午红果文信，未食衣必黄。

申金为钱纸，酉为珍宝光。

戌土谷瓦类，亥绳带细长。

子黑文毛墨，丑铁五谷刚。

学人消息用，射覆见怀藏。

其二

青龙钱财铁木期，腾蛇灰花砖瓦资。

朱雀文书毛兔类，文采红花锦绣衣。
六合器物须言草，竹木盘盒看用时。
勾陈是土应中央，泥土砖瓦破碎伤。
更与天空同一位，壶瓶瓦罐手空藏。
贵神牛角镜石钱，光明圆滑金变迁。
天后正缎襦丝绵，见水衣帛采绳鲜。
太阴手帕纸和钱，妇人刀尺耳珠环。
玄武笔墨与墨斗，石灰木灰木匙端。
太常饮食妇人衣，甘美黄白头上堆。
白虎纸布铜与鼠，骨瓶磁瓶与刚宜。
此是射覆真妙法，无得临时却更疑。

其三

射覆之法最为难，月将加时上下看。
子午卯酉为吃物，木乡临仲果中端。
辰戌坚刚并药物，申酉金银纸钱般。
未为吃食并甘味，丑为铜铁粟米言。
寅为医药钱帛事，巳钱鹰禽炉冶看。
亥为正缎细绵物，辰磁戌骨兼缸瓮。
卯梳酉镜食与钱，若是四仲当为果。
五行刑克验根元，三火为珠三水豆。

更有文墨发毛端，三土形园如器物。

三金成宝为金印，三木条直算笔编。

四位俱同无刑克，其中定物必周圆。

火局光明微细物，克其伤缺曷为精。

下克上时有穴眼，上克下时不成圆。

更看天官与人元，辨其刑克五行连。

常将此法详书意，要解根基出世间。

其四

怀藏之物审难量，幽玄课体伏行藏。

得气胜形为物类，验色相刑取己伤。

天官体段为形状，人元颜色取相当。

土性形圆如包裹，水能细碎木细长。

五行各取其形状，火性形尖金带方。

火类文化经火气，水唯柔软性杂苍。

草木物类兼丝白，金类皮毛石铁铛。

土是变化粗糙物，更看临变在何方。

子午扁平头孔窍，卯酉团圆口有伤。

巳亥不无多手足，寅申四角是寻常。

辰戌有皮更带角，丑未眉目要思量。

当旺新而圆成器，相气方而反更长。

遇死团圆却是破，囚而刚硬更寻常。

休尖两头不均取，五行休旺莫匆忙。

方干相克破难用，与日干合食可当。

天官月将若相克，空虚形状挨空藏。

四位相生成合重，晶垒书籍万卷强。

四仲相加是吃物，当旺受克破难量。

四位相克是碎物，与日相生体更长。

此是孙臆真秘法，天地移来掌上观。

十干颜色

甲青乙碧丙赤色，丁紫戊黄己绛红；

庚白辛灰壬是黑，癸为阴水绿殷红；

干支数目

甲己子午九，乙庚丑未八；

丙辛寅申七，丁壬卯酉六；

戊癸辰戌五，巳亥无干四；

五行数目

水一，火二，木三，金四，土五

法曰：只于用爻上照例取之：或云金木三六九，水土一五七，火主二四八，其二说并集。

射物所在

凡课若见甲乙，其物在戊己之下；见丙丁，在庚辛之下；见戊己在壬癸之下；见庚辛，在甲乙之下；见壬癸，在丙丁之下。

射人身上衣物

午未为头，下克上，下生上，为头面上物。巳申二辰为肩膊，下克上，下生上，其物必有肩膊。卯酉为腰胁间，下克上主悬空，上克下离身物，必是夹带子也。子丑地支为鞋脚，二上克下，必是鞋袜。亥寅为膝或下裳，或上克下，或下克上，是詹俞昆幅。辰戌两位做金铜，上克下，下克上，必在腰间，或带绦上有金铜之物也。

假令十二月将，甲子日午时课；卯位上见从魁加卯，其物必可食。何以知？云：子午卯酉吃食言。又云：子午卯酉为食物，木乡当向果中求。又云：若临四仲当为果是也。

占来意

（一）占来意歌一

欲占来意将中看，斗争取索配人元。

木土口舌兼狱讼，火金祸事不难量。

水土田宅人有死，水火交为妇女残。

四位相生诸事喜，二金二木怪惊惶。

火忌丧门兼鬼煞，破财文字及争官。

更将主客详休旺，依次推来见的端。

（二）占来意歌二

时闻来喜事可疑，四仲皆因酒食为。

辰戌斗争财帛事，寅申文字及公私。

巳亥课中为取索，相生相克用心推。

取索返吟须反复，分局宅移彼来欺。

带煞逢金人争讼，若逢无克喜怡怡。

白虎吊丧人有祸，精心推究此玄机。

都解歌

入课须看重与轻，五行休旺最通灵。

老人所得休囚动，年少由来旺气生。

幼小相中胎气死，关隔空亡便要精。

胜光临虎婚姻事，神后偃龙有不明。

六合逢火阴私动，太阴遇火及奸情。

将带神兮神带煞，三合道路暗多更。

更看有气及无气，四位相生克与刑。

占来意事例

假令九月庚辰日辰时，辰位上一人来占，彼为何事？人元庚金相，六合木，太冲木，辰土旺。

庚

己卯

己卯

辰

此课来意为官讼之忧，主损财物，被外人欺凌，有牢狱之灾。入式歌云：上克下兮从外入。又云：人元克神主官讼，更兼父子不相同。此课又主其人无父母。何以知之？曰：神为尊长父母，今人元庚金克木，课中辰土又生庚金，金乘旺气克六合木，是以知其人无父母也。更主其人被人强打，门户将财出去；盖以六合太冲俱为门户，被人元金克。是则有此应也。

假令四月壬戌日、巳时，辰位上有人来问贼来与不来。断曰：此课主贼必然不来。盖以丁壬游都在巳，上见申，属金，夏火旺木又生之，二火克一金，所以知其不来。

天时门

占风雨

欲占风雨理非遥，四仲加临定一朝。

云雾人元看颜色，课中逢水雨潇潇。

下克上时云雾满，克方雨主外乡飘。

劫煞太阴雷电雨，木多关隔只风摇。

劫煞带丧人有祸，土金无鬼变晴朝。

龙宅有鬼金归土，阴翳风雨旦继宵。

青龙入火兼日上，飘风骤雨云忽消。

更看有气兼无气，天地风云似课调。

二、五行所主

五行所主定无移，甲为木主乙风吹。

丙主林木消息用，丁为闹草阜高低。

戊主高垣己坟墓，庚为道路金石堆。

辛主铁方兼雷电，壬为河岸道中基。

癸是沟河兼片水，课中所主莫生疑。

地理门

一、占田禾

太常临丑未并亥子之乡，旺相之地，主其年大收，若临寅卯，苗稼茂盛，如临空亡克煞之地，便主田禾不收；必然虫伤。此课以活贵神法寻太常落处断之，或指方定位，以当年立春日时的干支起课断之。

二、占穿井

凡置井，先择吉日，以净水香盘，用十二帖子书定时辰令人探得某时，然后做课。占穿井歌诀如下：

其一

欲求穿井课中占，孟为咸水仲为甘。

四季虽甘泉必少，更看生克定泉源。

下多克上应须苦，上若刑方井必损。

劫煞空亡多怪异，木神泉有附根源。

上火灶窑金石物，常依此例细精研。

其二

课井之法术中稀，月将加时方上推。

方上月将常为定，又以加临时上知。

小吉见时为井地，淡甜酸若切须稽。

四位之中须审察，二火应知是苦泉。

二金定为甜美水，木里带酸碱水宜。

更要临时仔细看，五行滋味诒能移。

人事门

占人形貌

贵神官贵富豪称，骨秀肌丰面貌清。
鼻似悬囊仓库满，语言沉静眼波横。
前一腾蛇妇女形，头尖面赤鬓稀零。
饶舌馋言贫且薄，腾遭乱髻额前横。
神名朱雀火之精，贱劣卑凡妇女称。
面赤多淫性情急，摇身轻碎好斗争。
前三六合木神名，色秀身长骨自清。
或作吏人还匠役，虽沾文墨亦经营。
勾陈形状本来凶，面丑唇粗腰脚癯。
眼恶睛黄头发薄，多争饶舌是寒穷。
青龙上吏富豪民，眉眼分明定贵人。
身似青松无枉曲，神清腮赤好攻文。
天后良家美妇人，眉长眼细面光分。
十指纤长牙齿密，性情闲谈好腰身。
太阴闲雅好高标，性善声清乐艺高。
形瘦面方眉眼细，梳妆浅淡忒妖娆。
玄武阳贼兵壮军，面小色微左眼昏。
色黑唇粗形必丑，眼斜觑物夜中人。
太常耳大面团圆，肉腻肌香口舌端。
好着鲜衣淡装饰，不然头顶鬓烂斑。

白虎阳凶兵仗行，据神形状眼圆睁。

项粗颌阔身肥短，头发稀疏恶性情。

天空僧道善人家，冷面头黄歆语遮。

本主贫寒孤饿困，如居四季有此些。

占人贵贱

1、歌诀

占人贵贱亦非难，便取行年方位端。

月将加于人坐处，辨其旺相坐中言。

天乙乘马食神上，或是白衣新得官。

蛇居巳午原来禄，水上逢之过日难。

朱雀旺处临蛇马，东方发用贵饶钱。

六合得位亦需贵，巡列西方走吏班。

勾陈四季多孤寡，水上无男女亦残。

青龙水上田宅广，更看三乘禄马官。

天后生干因妻富，土下多灾忌季年。

太阴得位拖青紫，却到东方病怎痊。

玄武本位阴谋密，土上曾为贼结连。

太常旺处阴财物，受克虽荣窘迫牵。

白虎本方非是恶，重重见水晚超迁。

天空主孝应无子，辰戌申乡恶煞煎。

占阴人贵贱

天后金中妇女贞，太阴临火女奸生。

太常之木须后嫁，勾陈次处嫁须臾。

朱雀临卯伤残甚，腾蛇东位遂人行。

玄武临季奸谋贼，六合金位立身轻。

青龙得位郡邑号，天乙居南国号称。

白虎本乡非是贱，天空水上必遭刑。

占阴阳贵贱

人生贵贱何能通，岁于建取生月中。

看是何神临命上，更详生月辨违从。

青龙贵神多官职，太阴天后更尊崇。

六合丰足资产旺，朱雀腾蛇贫且穷。

玄武好闲饶盗贼，勾陈迟滞困红尘。

太常买卖做经纪，白虎却值凶恶人。

天空孤寡本好善，应为僧道闲散论。

更看本位胞胎性，受克残患在其身。

上干为禄下支命，纳音身里察其因。

兴衰旺相论刑克，贵贱尊卑主事分。

贵神受克伤阴阳老少

（一）贵神受克伤阳人老少

贵神受克老人亡，天空青龙一类方。

虎武同刑兼六合，其神旺处少阳伤。

（二）贵神受克伤阴人老少

天后勾陈及太阴，此神受克损老阴。

太常朱雀腾蛇类，三神多损少阴人。

占年月日時吉凶

（一）占年中吉凶

1、歌诀

要知今年一岁中，月将加临太岁宫。

数至本相看吉凶，相生相克定穷通。

劫煞刑冲并克战，官丧灾病事匆匆。

吉凶成败消详处，课内依前论始终。

（二）占月下吉凶

1、歌诀

若知月下将加月，却至本位乃方绝。

天干月将生年喜，干将克年多乖越。

本属相生得命同，月里青龙送喜悦。

占日时下吉凶

1、歌诀

要知自己甚时灾，月将加临本相来。

本相被刑逢劫煞，更嫌辰戌恶神来。

日生神辰无凶咎，神辰克日有凶来。

喜神逆转非为善，凶神顺转不为灾。

天乙家事与客至，腾蛇见怪主忧来。

朱雀口舌官事起，六合和合有亲财。

勾辰克战争田土，青龙宜动好求财。

天后婚姻和合吉，太阴妇女乱淫谐。

玄武奸淫贼欲动，太常须送酒食排。

白虎凶丧兵信至，天空逃失必惊怀。

蛇雀玄武勾陈到，客访休迎好避回。

日辰季上知凶吉，已上论尽无不该。

占婚姻

（一）歌诀

其一

婚姻之法问何如？方位为妻干做夫。

夫妇相生心意合，干方刑克两情疏。

方位克干夫先死，干若刑方夫早没。

妻忌煞财夫忌鬼，常依此法断无虚。

法曰：六合、天后相生，临旺相之地，主婚成。如临破煞空刑之地不利反有破也。如六合克位，男不肖。见太阴同玄武皆主暗昧不明，但生旺为吉也。若天后落辰戌主婚姻不顺。太阴与天空相并主义子孙，与天后相生为幼女。若问女子容貌，见辰

戌丑未斑点儿，见白虎眼斜主破相，亥子黑，申酉白，寅卯紫棠色，巳午赤色也。

十干形貌

甲己合处眼睛斜，乙庚合处定爬牙。

丙辛会得见黄白，丁壬相貌衣来遮。

戊癸蹇唇并口大，仔细推来定不差。

占人身上癍靥

癍痕之法又何难，只在先贤指掌间。

看得其人居何命？五子之中遁日干。

人元遁到命宫上，再起人元定靥斑。

午面未头子丑足，亥寅为膝巳申肩。

辰酉两膊卯戌股，左右东西辨别观。

甲背庚腰丙肩间，戊肚己脐乙辛胁。

壬癸黑靥入身边，常取有刑为伤处。

丙丁原是火烧痕，庚针壬靥看旺处。

常取有刑为定处，异体占靥并陈看。

甲干斑子戊干靥，庚干针疮丙灸癍。

常取有刑为定夺，专心记得审思看。

占人物好与不好

占亲之法取人元，取其客鬼月中看。

月内贵神方位上，五行刑克辨伤残。

腾蛇财帛轻狂女，妄语下贱好多言。

朱雀其人面赤白，发稀火额面三拳。

六合青龙眼细清，性巧情欢心更明。

勾陈细长曲内面，官鬼有刑行步屯。

玄武丑陋短身形，粗眉拳面大口唇。

若逢白虎交相值，项短鼻粗面貌丑。

青龙纤细眼分明，智髯多生头发好。

天后温柔近贵人，头发如乌心性巧。

天后还忧害本夫，不宜子孙终难保。

太阴近贵面光白，贞洁情直发稀少。

天空白面肥长大，五阴刑克须休了。

太常拳面额颇高，性情多乖神气少。

相生长大相克短，木克土时拳面首。

与姓相生必是良，若逢刑克应义少。

占孕育

欲占孕育课中求，太乙常加本命头。

阳将为男阴是女，更看生克定因由。

神将空亡胎必死，将刑本位母身忧。

有气贵神生贵子，空亡劫煞产贫流。

占官禄

欲占官禄问其因，神将克元是贵人。

贵若落空将克贵，文章之士布衣身。

贵神带煞来刑客，必因荣显后灾侵。

父母旺乡煞刑客，妻财囚死作常论。

占官高下

占官之法课中分，贵若刑干作显寻。

四位相生居命禄，官乘天禄做新恩。

带禄有官兼旺相，定知轩轅出金门。

空亡劫煞成须败，更遇休囚事莫论。

占官职位

其一

官神为我贵，课下看贵神。

朱雀多健旺，必是有官人。

天马鬼煞动，就位看迁因。

寅申居上位，逢岁见人君。

连茹合局体，兼职转官频。

分局空亡课，失职志难申。

月将克干吉，进禄并食神。

神空或克将，才气徒凌云。

官动并食神，加官得位新。

其二

贵人得课临克位，失职生灾任有屯。

权印有生飞煞到，匪躬朝夕是王臣。

若遇一辰兼太岁，马相必定见人君。

印中有印兼旺相，官动逢官再转频。

权印空亡为罢退，如逢官鬼死中倾。

占有无出身

入课占官别有因，四位加临定假真。

下多克上身需贵，干若刑方少出身。

互换本章文武接，劫煞分局官中分。

客位生神来做客，必定祖荫得皇恩。

凡占官，以贵神为官之位，神克干为官动，值此必是有官之人。或官爻不动，而官神得天乙、朱雀、青龙、月建、太岁之类，有气，其人亦是有官者。如将克干亦吉。常以朱雀为官禄，卯为权柄，父母为印绶，方生干也。以马动为迁移，更鬼动者尤速。无官动求官难，无印绶无权势。或贵神空亡，及神来克将，纵有才而无官也。

凡占任，有官动及皇恩转杀而无马者，必主就任、转官不能移动。有太岁为人君，寅申为上位，连茹合局必有兼职、摄事，或多见交互改换。值空亡、岁破、月冲者，改移失职，遇分局者，改移分散，为罢职之类。

凡占官，见禄神主食禄丰厚，如无官鬼、印绶、贵人，必有刑失。官位大小，亦见神煞及旺相休囚。官动带马者，新得官或转官。

占文武官职

文看青龙，武看太常，申为天城，寅为天吏。太常加巳为捧印，朱雀加巳为翱翔，皆为吉兆。若见财乡，应为吉庆。天喜轮于本位，相生旺相，占官有成，皆主官中

喜美，显除禄位也。如在空、冲、刑、克之地，主求官有阻，必然空回，及见灾耗不利之事。有金水青白，主风宪之贵，日久不动，见吉将相生，然后职位迁升，有吉神必再复任，皆吉。

占文书动用

朱雀翱翔及青龙旺相，见生气轮于本位可宜动用。如在空刑克煞之地，更主虚耗不利。如朱雀并玄武，乃机密文字，或阴私之事也。

占词讼

勾陈主斗讼，如在空亡脱气上便主官司无事。如见蛇、虎同勾陈来克本位，必主杖责，血光流配。宜见生气德合之神，便主无事会和也。朱雀同天空、玄武并临，多主不利，见太阴主关节，见天后临生旺，必有恩赦，至而无事也。

占对讼

更看官鬼旺相，不落空亡、脱气，主讼得理。如在空刑、战、克之地，多主不利，乃为隔害，不吉。若无刑克动主吉也。如勾陈、蛇、虎来克本位，对词反伤，本身有责，不宜对理。

占谒贵人

其一

谒访须明主客和，神将生克定紫疴。

贵神须遇官神吉，常人无隔喜须多。

空亡相见终无事，劫煞交争可奈何。

但得喜贵相生合，斯为访谒定逢他。

其二

四孟门前立等渠，季神家内候须臾。

仲当远去或他出，更看行人克与无。

行人有滞寻人出，下生下克移动趋。

二上克下坐家内，反此相寻必有阻。

凡占人在家或外出，如将神加临四孟，其人立于门前，必见之。如将神加临四季，主其人在门里，亦主相见。如将神加临四仲，主其人不见，或出，或他宅也。又如二上克下，占人主在家坐。二下克上，主在家立，或不在家，更看游神，申、卯、子、午为四游神，或下生上，或下克上，皆主移动也。故曰：寻人只用孟、仲、季是也。

占见贵求财

凡课中贵人同生气及财乡旺相，便宜见贵求财乃吉。如在空亡克战之地，必空回，亦要贵人与今日生旺，如临辰戌，号入狱，凡事不利。

占向何方吉

假令今日戊己日得贵人，可往何方去好？往西北方则脱气，东方鬼动，凡是不利。惟往南方，乃生旺之地、投南方求干始吉。

占出门见验

寅为公吏是老阳，身披紫皂好衣裳。

卯为妇女车船事，果食吃物响擎将。

辰为阳人医药者，丑妇驴骡行道旁。

他更患有腰脚病，路上相逢不妄彰。

巳是少阴及女子，欲求外取物擎将。

午是少阳及鞍马，路上行时见血光。

未为老阴一老妇，酒食和会好相将。

路上默见尼姑女，赛禳祈祷自牵羊。

申为阳人行在路，身是军兵负戈枪。

酉是阴人事破门，更兼柜坏有人伤。

戌为阳人担响物，五谷糞坏两边箱。

又见骸骨并秽恶，担惊在路正相当。

亥是阴人多幼小，猪应走失在他方。

子为阳人亦少小，骑马相逐为女娘。

丑是阴人年纪老，为他铁笔器匆忙。

占出门应候

方法：以月将加所占之时，视用时上看得何神将言之更详，神将旺相为应。

预知何应候，月将加时先。

所定时上看，消详细细言。

神后为云雨，飞阳鼠燕还。

大吉牛马载，功曹胥吏全。

太冲风雨变，武猎兔狐前。

天罡微云雨，常武恶人员。

巳午绯衣齐，彤云骡马鲜。

小吉老人至，酒酱羊雁膾。

传送白云缕，亲人送物坚。

白衣车马客，来往喜盘桓。

从魁白云气，飞鸟舞翩翩。

河魁争斗讼，驴犬吏兼官。

登明高壮物，猪犬黑云玄。

天乙微云彩，贵亲异物坚。

腾蛇色衣物，惊怪事多颠。

朱雀南方马，文书来意边。

六合风云会，友亲丽美如。

勾辰多斗恨，衣褐数人宣。

青龙钱帛喜，僧道好衣全。

天后微云布，师尼女冠带。

太阴人欲老，送物白衣穿。

玄武黑云雨，皂裳失物钱。

太常携酒馔，贵友九流专。

白虎凶丧事，病人道路澶。

天空奴婢走，欺诈看时天。

六壬玄妙诀，悟理伴神仙。

假令四月癸酉日卯时巳位，以申加卯时至巳上见河魁及青龙，以驴犬官吏钱帛事送返，为四月火旺，河魁相，即有争斗也，余仿此。

占出行

出行虽向课中求，忌逢劫煞鬼临头。

若无关隔下克上，不拘南北任经游。

占远行

自己离家作远游，客行须向课中求。

本位克身应不利，空亡劫煞贼堪愁。

金神做鬼南方忌，火克身兮莫北游。

阳将顺兮阴将滞，德无相克会通流。

凡常人远行忌官鬼、劫煞，往亡，兼神将所忌之方，金忌南方，火忌北方，盖克制于神将，不利所往也。

占出行乘舟

欲占出入驾舟船，将来水木定根源。

课中克水船行正，水值空亡船必残。

下多克上兼逢煞，必须一命落流泉。

上多克下应逢险，上下相生必坦然。

凡下克上者风顺，上克下者风逆。他生我者顺，我生他者逆。

凡欲出行，忌天狱加日辰、行年及所出之方，恐遭狱讼凶灾。天狱者，春卯、夏午、秋酉、冬子是也。

凡出行，忌天盘地结，主有缚结萦系之凶，当避也。传送临戌为天盘，临亥为地结。申加辰为天盘，加巳为地结。

凡出行，忌游都所临，主逢贼盗、仇冤、或为吏所拘，在日前一辰为祸至在二日，余仿此。

(游都歌详见璧玉经。)

占行人

凡占行人，见孟将未动，仲将半路，季将立至。亦以休旺断之颇验。

占望行人法最奇，四位消详自可知。

下多克上兼金水，不落空亡远者归。

劫煞人因盗贼事，空亡惑乱不须疑。

更看休旺分生克，定知行者有因依。

千里之外问太岁，(上之干也。)

百里之内问月辰。(月将日辰也。)

假令六月将丙辰日、卯时午地望行人，以月将加卯数至午上见酉，丙日贵人起亥，至午得申，人元见甲木，神将二金比，从下克上，其人离家，在半路，为月将见酉，酉乃仲，故言离家半路，其人沿路住，盖白虎二金比和，即主住，或凶灾，恶人相逐，为白虎凶神与酉金比，入主相逐，二金伤人元，喜午火为救；倘劫煞人元受伤，无故必遭盗贼、失脱灾凶也。

凡行人在远方遇太岁动，必经年，月动不出月，日辰动则期在旦夕，若远若近只取支干相合之月日为应期。

凡欲问行人同何人来，见酉戌为奴仆，卯未为亲人、小儿。或见空亡同天空发用必自来；如见太阴酉、六合卯、天后亥，太常未必带物来，或老少同来，见勾陈必半路来，或半路转回。临卯未水乡乘船而来，见寅申中途有阻，子午、辰戌、巳亥、丑未相冲而来，卯酉临门立至。见太阴、天后妻妾留连不至，见贵人长者相留，见蛇、虎、死符必中途因疾有阻，见恶神必死于中途。见龙蛇因买货阻也。

占交易

交易临时用意推，相生相合吉相随。

分局克战成须破，合局和生共力为。

神将相生兼水木，更逢相处喜何疑。

内外若还逢克制，空亡冲破漫言归。

占求事

求事须看主客情，内来克外事须成；

人元无气主克客，望用求谋未可遇；

分局空亡并杀战，所为财事漫牵萦；

四位相生兼旺相，和同必竟喜相从。

凡干生将，求事有成，求财必得。若贵神却与干相生者，必因此人助而得之，此人必亲朋友故旧也，以神定之。

占求财

求财青龙贵神好，又看主客和不和。

若得相生财有煞，不求自获意如何？

求财常以客为身，神将为财位主人。

主客相生将克贵，无破无空喜自新。

客克主兮贵克将，得财反做破财屯。

将神克客求财吉，刑冲局破有财分。

凡求财有青龙、贵神、太常乘旺相气兼主客相生，干支德合，或神将相生，财爻内动可以求财。

凡求财遇贼动、鬼动、方克将、并日冲、月破、休死空亡，虽得反破也。或分局相克，财有分之又分。曰：分局相克成须破，合局相生共随乐。

凡求财以我克者为妻财，乘神六合、太阴者妻也。青龙、天乙贵人、太常旺气之类者，财也。

占买卖求财

青龙同太常兼旺相之地及临今日生旺之乡，买卖求财俱利。如临空亡脱气不宜，反伤财也。以青龙爻论之，今日动用吉神，并入财乡，便宜出入求财得吉，凡事喜也。如在空刑脱气之地，多主不济。青龙临亥子寅卯之乡，乃名财局，宜买货求财俱吉也。如临巳午之上及生本位，皆主动用之财。如落申酉之乡，乃名折足求财而无也。如在辰、戌、丑、未之乡，乃不明之财，暗昧不利。

占博戏

假令七月将戊戌日午时。庚金、白虎金、小吉土、申金。

庚

庚申

己未

申

此课不可用，为在脱气之乡。以位为我，人元为他，他克我我输，我克他他输。若比和，无输无赢，如他来生我，我旺，必赢也。

占失脱

欲占失脱须消息，将为财帛鬼为贼。

上下相生四邻偷，神将相生在亲戚。

上多克下家中寻，下多克上财须出。

空亡临课侵近寻，劫煞临门休趋觅。

更有生合旺无休，将支生时财寻得。

占逃亡

其一

逃亡之法客并方，日干为逃位上详。

人元克位须还业，位克人元未还乡。

劫煞克人他做主，若逢关隔别州亡。

相生亲戚行相见，逃主临时用意商。

其二

失人之法将加时，去路还寻月将支。

比神子母为亲戚，水旺沟河金庙祠。

土居郊野山林木，入火州城市井随。

阴化为阳身自出，阳化为阴外必归。

空亡劫煞来刑克，去人身死不须疑。

门上见关人越屋，将乘天马必难追。

其三

失人之法妙多灵，月将加时位上陈。

天官人元方上见，看来刑克验其真。

时干克将相争出，将克时干取自行。

四仲相生人引出，若逢刑克自生心。

占奴婢走失

奴婢走夫看相属，相属所临方位知。

主客若和应走失，相刑自合必来归。

法曰：失奴婢看酉戌，失小儿看六合，失妻看天后，失长者看贵神、青龙，失衣服看太常，失钗钏看太阴，失金银看申金，失玉石亦看金，金生水旺是也。失羊看未，失鸡看酉，失驴骡看卯，失马看午，失猫看寅。若玄武落在某位上，要本位受克，不要旺相。如在申上得刀，酉上佩剑，辰戌登云。失牛看丑，失猪看亥，失狗看戌。如临旺相之地，相合神将者多者便见。如临空亡克煞之地主难见也。临天驿二马主逃去远不见。若临门户上便见。如失物，天驿二马移动，相生合主必见。如加道路神子、午、卯、酉，远去了难见，如空同断。

占捕逃亡

玄武落在某位上，本位如见勾陈乃为捕捉人口。如见天空脱气难获，玄武临亥子见蛇虎，又加死神、死气，贼人必中路而死。要玄武落死地宜捉，而带凶神将必伤人命不可近前。假若玄武在于空亡克战死囚之地，其贼年纪老，旺相有气其贼年纪。若临丑上自败，辰上见之主官司捉获。

占疾病

占病之法要精论，月将加时位上陈。

四仲卒患痛苦病，若逢四孟是天行。

四季定为常患病，辨其刑克认浮沉。

克金肺病大肠害，喘逆咳唾鼻痛临。

木主肝胆眼昏视，耳聋痛肿不虚言。

克水肾象膀胱病，腰疼小便产生难。

克火大肠口干渴，咽喉生疮及心疼。

克土脾胃不知味，腹胀沉重肺虚屯。

人元为天官隔，月将腹内地脚真。

此是卢医真妙法，孙臆留下不传人。

占五藏症候

占病之法妙幽玄，月将加时位上传。

人元贵神并地将，四位加临一处看。

孟仲季分前已辨，同起任看其脏间。

甲肝乙胆丙心腹，丁胸戊胃己脾连。

庚辛在肺癸主肾，腑脏须随五色迁。

克金喘嗽肚腹泻，克水增寒脐下酸。

克火心痛伤冷物，克木风牙溢怒难。

假令克水病肝肾，须详男女辨其端。

癸亥或伤为产母，阳神水气男病缠。

会得孙膂占病法，不须诊脉看根源。

占病症候

占人病症细寻源，四位加临事可全。

金木相交惊悸病，面须青色为刑肝。

火若克金须赤色，咽喉干渴肺相兼。

水火面上皮肉黑，水金须兼皮色鲜。

土水面黄肿肾病，心饶惊恐病难痊。

更兼劫煞合鬼马，入课加临定赴泉。

占得病因由

欲占得病起因由，但须先向课中搜。

四仲饮食因喜事，季神得病为冤仇。

孟因道路为惊怪，旺相兼衰囚与休。

客旺主休尤可瘥，客休主旺转为忧。

更看生克及诸煞，关隔人元位下求。

占病歌

其一

凡人火速请名医，月将加时方上推。

神后太冲莫言吉，太乙来时是死期。

天罡从魁灾速至，河魁得病又难医。

传送功曹患必愈，胜光小吉确相宜。

登明大吉当病瘥，孙膑课法最先知。

其二

占病临时仔细穷，死囚丧吊最为凶。

将神俱合财刑客，白虎金神病转浓。

煞神克干应难瘥，财鬼伤神不可逢。

更值空亡来入户，必须丧祸数重重。

其三

占病须将四位排，忌逢神将不相谐。

煞临门上人重祸，干受财刑命转乖。

四土克身为鬼路，三金带煞入泉台。

更逢路上丧车到，病者占之决定埋。

其四

往亡入课不宜侵，金火相煎疼痛深。

室内飞禽来送祸，梦中鬼神又来寻。

丁符藏没空须重，将位刑人变哭音。

四位神将如带煞，眼前难免泪淋淋。

占病愈不愈

占人有病抑何疑，丘墓丧神命必萎。
死则丧吊终难瘥，天喜同乡犹可医。
劫煞空冲刑死气，假饶天喜命须悲。
忽然祸患若逢德，灾厄危时却不危。

占病痊愈除

常以登明加月建，行年之上看神变。
传送功曹无鬼神，六月安康复轻健。
若见从魁及太冲，树神为殃犯宅神。
香水求之四月可，若言宿者更无凶。
天罡天魁三月痊，三朝不瘥病连绵。
大吉小吉五日可，不可稽留还准前。
太乙登明行年上，伏龙做祟索香烟。
清水求之三日可，九天玄女法相传。
胜光神后大人病，家内喧哗为归人。
又因四足为妖怪，求之六日病离身。

占病有祟无祟

月将加时看行年，若见功曹为灶神。
太冲宅上神为祟，天罡囚死鬼来侵。
天乙大人并女鬼，宅神惊动祸来频。

胜光更来家厨灶，小吉西南送大人。

传送老翁宅内鬼，从魁新死及家亲。

天魁文人对北斗，登明还是犯宅神。

神后此神来作祟，大吉路逢五道君。

占病都解歌

占病都解例更奇，人元为首是根基。

老人当得休囚位，年少终将旺处推。

相气只宜占小口，分局刑煞共详之。

吉凶多少临时断，参食玄玄神妙机。

法曰：白虎不要落四季土位，同死神死气并临。如见甲木，旺为棺槨神，占病必死，则要生合旺相，与位相生为之有救吉也。如久病见空亡脱气不宜，新病宜利。如见巳、午蛇雀，主血光破损，殃杀大盛，心火不利。及热入眼目，或头破损也。见辛酉阴虎，主风痲筋骨疼痛，及肚腹虚肿，咳嗽不利。见寅卯龙合，主风病瘫痪损伤也。见戊己辰戌丑未土神，主脾疾肿痛，腰体俱伤，闭塞心火，主坟墓不安。见亥子玄武天后，主气虚弱，肾下水蛊之症。歌曰：问病财官鬼莫连，二神临位命难延。若加丧吊临身气，患者十人九不痊。

占求医

医药占时仔细陈，干为患者位医人。

医来克病人须瘥，病若刑医命必屯。

药虽克病逢关隔，鬼合难逃病缠身。

若更煞神来克我，悲哀声已彻乡邻。

占梦吉凶

法曰：腾蛇临在生旺之乡，来生本位者主喜庆之事。如在刑克，必然惊忧血光损失

。如贵当雀，必主宫中文书动用之吉，家有筵会酒食之事。如加恶神将，官中口舌，伤财不利。见六合，亲姻事。见蛇为惊忧。见虎道路丧孝。见玄武小人不安。见未相克口舌，旺相文书信息之事。辰戌主见恶人官讼。丑未必竞田园，相生酒食。见太阴老妇私通不明。天后少妇私事，见贵人主官中事，见青龙动用财吉。

贼盗门

占临敌

欲占斗争交关敌，须将主客课中推。

客克方兮贼须胜，主刑干处客逢悲。

将来克客神刑位，自有奸谋外损非。

关锁煞神往来用，孙子兵法未足奇。

占失盗

其一

觅失贼盗考正时，但于方上法求之。

若知失日加本日，不知失日将加时。

二上克下主失物，二下克上动官词。

将克主时财大利，主如克客必破之。

人元克主主失物，主克人元贼伤肌。

将克人元财不失，人元克将财已失。

贼临辰戌还入网，九个十个败闻之。

其二

玄武入课忧亡失，妻位加刑贼必来。

更若太冲乘旺相，纵教防守失资财。

大都玄武贼难防，失物须看阴与阳。

若是加阳男子取，若加阴位女人将。

贼神得位贼难觅，若更相生诘可寻。

首饰被贼相刑克，必然败露被人擒。

占游鲁都

详见《璧玉经》

鸟兽门

占禽噪吉凶

忽见禽鸣高树枝，便将月将加正时。

大吉前逢铜铁至，太乙登明见乞儿。

天罡河魁主斗讼，小吉妇女将酒携。

功曹传送为客至，子午酒肉宴会期。

太冲船车冲劫煞，从魁夫妇索休离。

更把贵神详善恶，或凶或吉悉前知。

占失牛马

欲知牛马去何方，月将加时四位详。

牛马失亡为去路，煞神克客值残伤。

火主汤伤金作鬼，此名牛马杀中亡。

四位相生关必喜，往亡牛马不还乡。

占失六畜

忽闻牛马忧栏失，便将月将加其日。

不知失日将加时，本身位处应寻得。

失牛大吉所相逢，失马无非胜光论。

失猪远向登明下，天魁驴犬不虚寻。

未为小吉牛栏里，卯兔船车酉鸡边。

辰戌驴骡奴仆事，应是文字认往还。

假令大吉临午地，失牛但向南方觅。

前行九里得之期，若逢克位牛方向。

五九七八自相乘，得知便是行里数。

饮食门

占饮馔

饮食酒馔客排轮，月将加时位上寻。

日干为肉月将面，金为爆炒面相还。

木美菜味兼滂漉，水为煮炸妙看宾。

火作蒸食兼炊焰，土为涂物火中成。

四仲加临为果子，丑未面食辰戌药。

看辰好乐何修馔，仔细研穷取得真。

占菜蔬

菜蔬别取认其真，月将加时位上陈。

丑为野菜寅莠蓬，卯兼园圃是蔓菁。

辰为菠菱巳莴苣，午为茄子不虚名。

未为茼蒿腾香味，申为柠头莪与苓。

酉为葱韭兼萝卜，戌为马齿配葫芦。

亥主芸苔和葵子，子为白芥及菠菱。

占食器

占人食器验其真，月将加时坐上陈。

孟匙仲筋季是钵，阳碗阴碟认五行。

寅碗卯筷并孟子，辰戌锸铛又瓦瓶。

巳午孟子未托罐，申瓿酉盏名细磁。

亥是壶格磁盏子，子瓶丑勺认本情。

莫交差变五行理，成去二法取相形。

宅舍门

玄女射宅歌

月将加时寻子看，神后临处辨其端。

寅为香炉缺不园，从外将来不值钱。

临卯树影乾巽现，莫教四角树梢悬。

临辰妇女产女难，一道血光宅内缠。

临巳妇女手中物，养蚕虚耗更鬼看。

临午有灶内不安，夏季乱患火侵天。

临未墓塌并灶叫，蚕虚婆婆守孤单。

临申家中有龙剑，外来上面死气安。

临酉口愿不与赛，家亡亲子索银钱。

临戌乾下有骸骨，田蚕虚耗乾下看。

临亥鸡犬怪狂颠，乾上破瓮底不完。

临子乾上神不安，不是家神眼不圆。

临丑牛羊人横死，不镇必定子孙殃。

此是玄女射宅法，纵有千金也莫传。

占宅外景

课宅之法妙通玄，月将加时宅头端。

看是何神同一位，依次再加返来看。

克者必是移动事，相生有气宅主园。

孟仲季宅看临处，人元起对见方圆。

庚辛道斜坤艮位，壬癸海涧河井边。

甲乙为林单行树，丙丁旺处高岗连。

戊己宅园坟向此，须知十干仔细迁。

土金水火为窑灶，庚辛碓磨及门窗。

子午正门半楼屋，四孟相临是草房。

火旺高岗火最贵，与姓相生子孙强。

土旺重岗主坟墓，土木坟垅痛苦亡。

四位相刑有灾祸，上下相生福满堂。

土为坤艮金乾兑，水火离坎必相当。

木主震巽寻八卦，克宅必定有不良。

六合青龙甲乙树，对金枝损与皮伤。

朱雀丙丁高岗岭，戊己高坟是岭岗。

庚辛为道看斜正，壬癸桥河沟涧详。

要知四向看徵对，弯冈曲折认刑伤。

上克下兮地必下，下克上时漫坡岗。

命前五辰为宅用，命后三辰保是庄。

宅神上克中必起，人亡家破见逃移。

阳见阳支损小口，阴见阴支母命难。

三下克上官事起，三上克下煞妻言。

四位相生万事吉，见克被刑灾祸端。

此是孙臆真甲子，天地移来掌内观。

占宅外景入式

法曰：凡占外景，常以月将加时数到本宅位上见何将神，以宅上所见之将神加于时上是也。假如正月将，乙丑日巳时，申地为宅；行月将到申地上见寅，却将寅复加于巳时上传成四课，遂为东南外景也。从巳立十二位。

（1）课宅东南巳地

辛

寅

寅（用爻）

巳

巳地上有大树一株，上有枯梢或干死枝也。合有花树子。何以知？云：以寅为树木，又地分是火，木能生火，故为花树子。又上生下故也。有枯梢或干枝者何也？为人元见辛，以小金不能克大木，虽上克下不能克了，但枯其梢而已。又云神树何也？为四位内见青龙，青龙得火，辛不能胜，所以有神树也。

（2）课宅正南午地：

壬

戌

卯（用爻）

午

午地上有木桥一座，但桥下无水。何以知之？为人元壬是水，却见天空土克之，故无水也。此地必有空穴、窑灶。何以知？云：为四位内见天空，亦为空穴、坑穴也；又主其地必坍塌也。为天空是土，将神是木，木来克土，土又克人元水，故有坍塌也。有木桥者，以太冲无克故耳。

（3）课宅正南落西未地：

癸

申

辰（用爻）

未

未地上必有麦地一段，或白地也。此地合主相争。今不相争，何谓？云：四位凶，相生故也。但此地上曾有大道一条。何以知之？为贵神是白虎，白虎为道。此地亦有狮兽之物。故曰：白虎道子石狮子。

（4）课宅西南申地：

甲

未

巳（用爻）

申

申地合主有水，今却无水。何谓？云：四位内全不见水，故云无水，亦无有诸物也。

（5）课宅正西酉地：

乙

子

午（用爻）

酉

酉地上本有鸦巢，今却无。何谓？云：四位内见人元是木，与胜光不相接，更水上克之，所以无也。克者为无从旺断是也。

（6）课宅正西落此戌地：

丙

酉

未（用爻）

戌

戌地上只有一眼枯井，必无水也。为四位内不见水，故名枯井。

（7）课宅西北亥地：

丁

亥

申（用爻）

亥

亥地上合主有道，或有碾子。今不见矣何谓？云：四位内金旺，却为人元是火，火来克金，故无道，碾也。以此证之，故酉为院，申为碾也。

（8）课宅正北子地：

戌

丑

酉（用爻）

子

子地上合有小院子一所。今无矣。亦为神堂庙宇也。何为有神树、佛堂？以见天乙贵神堂宇也。

（9）课宅东北丑地：

己

巳

戌（用爻）

丑

丑地上只有粪堆一聚，以上下相生故也，或是丛骨耳。

（10）课宅东北寅地：

戊

午

亥（用爻）

寅

寅地上合主有水，今无矣。何以知之？云：人元土能克水，故主无也。

（11）课宅正东卯地：

己

卯

子（用爻）

卯

卯地上有菜园一所，此菜园主地下也。为上克下主地下也。故云：克者为无从旺断。今既克，何以言有？云：子为大水，己为小土，小土不能克大水，更二木反克土，故云有水也。

（12）课宅正东南辰地：

庚

辰

丑（用爻）

辰

辰地上主有桑园，或有土桥，丑为桥。此桥亦主妇人相争。何以知？为四位内勾陈发用，故为勾陈妇女爱争张，主与同姓人相争。

占宅内景

寅为火炉卯为床，辰为盆瓮坠薄房。

巳为厨灶并铛铍，午为衣架笼皮当。

未为中庭酉为院，申为神祠共佛堂。

酉为镜子或刀剑，戌瓮仍兼吃物将。

亥为灯台并帐幙，盞瓶笼匣子为乡。

丑柜斛斗在其下，家中器物尽能看。

占宅内景入式

法曰：以月将加时复加时也。假令十月将，辛亥日申时巳地，宅巳上见登明为将，却将登明复加于申时上，便为宅中内景首课也。似此观之，内外景同一法，虽神将同，其所主异也。

1、课宅西南申地：

丙 火

太阴金

登明水

申 金

申地上有橙树一棵，此位或是遮帐幕也。以二金生一水故也。

2、课宅内正西西地：

丁 火

玄武水

神后水

酉 金

酉地上主有些小瓶盞，或是笼匣也。此物必主口子左右破伤也。何以知之？为四课内只见水，人元为头，金生二水克丁火，故主口子破伤。此位必有文书或图画，为见玄武无刑克，主有，故玄武鬼神并图画。

3、课宅内正西落北戌地：

戌 土

太常土

大吉土

戌 土

戌地有斛斗或柜子，内必常有熟食可吃之物。何以知？为将神主斛斗及柜子。太常主吃食，戌又主吃食，故断如此。

4、课宅内西北亥地：

己 土

白虎金

功曹木

亥 水

亥地上主有火炉、床也。其火炉更无脚。何以知？谓贵神是白虎金，能克功曹木，以上克下故主无脚也。又云：火炉被白虎克之，本合无，今言有者何？云：以地分是水，水在木之根，亦为生气，安得无耶？此功曹有生有克，必主有而见损坏也。

5、课宅内正北子地：

庚 金

天空土

太冲木

子 水

子地上有床榻，此床无脚、棖也。何以知？为四位内贵神是天空土，却被太冲木下克之，此下克上，故主无床棖也。又卯为床，却被庚在上遥克，亦主无床脚。若庚为

贵神，则主无床椳。又此床是外人借得来，或是盗来。此床见金，主有人就门来索。何以知？为四位见卯，卯为门户。又人元见庚，庚是白虎，克太冲，地分子有盗之象。又白虎为外人，外人隔位辟门相克，故外取索。

6、课宅内正北落丑地：

辛 金

青龙木

天罡土

丑 土

丑地上有薄坠之物。今位内见青龙木，木能克土，更是大木在上克之，所以无一物也。此位只有神位或功德。何以知？为见青龙，青龙为神树，只为故旧破碎。何为见此？以青龙木克二土，上又有辛金克之，以小金不能克大木。木虽主有神象，但主故旧破碎。今青龙为人元所克，此木见金不能宁，家亦不荣旺。

7、课宅内正东北寅地：

庚 金

勾陈土

太乙火

寅 木

寅地上主有厨灶，此灶置起，主阴人频相争。何以知？为四位内见勾陈，其神本凶，故曰：勾陈妇女爱争张。被地分木遥克之，所以频相争也。又灶主曾见火光烧着人。何为见此？为人元是金，金亦为凶神，被太乙遥克，炎上之性有所附着，更木下生，所以发火光烧着人也。

8、课宅内正东卯地：

辛 金

六合木

胜光火

卯 木

卯地上主有衣架或皮血也。此位更主有门户应也。何以知?为见六合，六合为门户，人元见辛，辛亦是门户。此门必主破坏。何以知?为六合是门，被人元相克；辛金为门户，亦为胜光遥克，所以皆主破坏，如无门，有窗亦同。

9、课宅内正东落南辰地：

壬 水

朱雀火

小吉土

辰 土

辰地上必有小院子或筐子。此院子内必有财，被贼来剜墙，伤本主也。何以见?为贵神是朱雀火，课内人元是壬，壬是玄武盗贼之神，亦是在外之客，却被外来克内，客来克主，故主贼伤主也。然有院及筐者，以火生二土故也。

10、课宅内东南巳地

癸 水

腾蛇火

传送金

巳 火

巳地上合有神堂、佛堂、神祇。今不在此位者，被妇人移往他处也。本位在西南地。何以见此?为四位见二火入庙，金受克，火为纯阴，又上下相攻，以神不能在原位，故移之申之本位也。然此神无功德，更被妇人烧着，今见破损。何以见之？神佛是金被腾蛇所克，腾蛇又主阴人。地分亦是腾蛇本位，所以主曾烧着破损也。以两火克一金，合主无神佛，今却言有，何也?盖腾蛇与巳火皆为一家，巳为阴火，阴小火也。其腾蛇又被癸水克之，火势无力，故虽克之不尽也，但主破损移位而已。

11、课宅内正南午地

甲 木

天乙土

从魁金

午 火

午地上必有破镜子或不全折缺刀剑也。此物原是贵神或官员家将来的。何以知？四位内见贵神本位，天乙亦是贵神官员也。然主破缺者何也？以地分火克之，所得物是贵人，今亦休败矣。何以知？人元甲木，下克贵人，故主德不称位也。

12、课宅内正南落西未地：

乙 木

天后水

河魁土

未 土

未地上主有盆瓮或吃物。今不能完具，以土克水，木克土，重重自下克之，虽主暂有，亦终不完具，而或无也。其外更无一物，又况吃食之物不是久存者。可以久存者，惟干粮或脯枣、木果之类。

占宅外景

课宅之法妙通玄，月将加时宅头端。

看是何神同一位，依次再加返来看。

克者必是移动事，相生有气宅主园。

孟仲季宅看临处，人元起对见方圆。

庚辛道斜坤艮位，壬癸海涧河井边。

甲乙为林单行树，丙丁旺处高岗连。
戊己宅园坟向此，须知十干仔细迁。
土金水火为窑灶，庚辛碓磨及门窗。
子午正门半楼屋，四孟相临是草房。
火旺高岗火最贵，与姓相生子孙强。
土旺重岗主坟墓，土木坟垅痛苦亡。
四位相刑有灾祸，上下相生福满堂。
土为坤艮金乾兑，水火离坎必相当。
木主震巽寻八卦，克宅必定有不良。
六合青龙甲乙树，对金枝损与皮伤。
朱雀丙丁高岗岭，戊己高坟是岭岗。
庚辛为道看斜正，壬癸桥河沟涧详。
要知四向看徵对，弯冈曲折认刑伤。
上克下兮地必下，下克上时漫坡岗。
命前五辰为宅用，命后三辰保是庄。
宅神上克中必起，人亡家破见逃移。
阳见阳支损小口，阴见阴支母命难。
三下克上官事起，三上克下煞妻言。
四位相生万事吉，见克被刑灾祸端。
此是孙臆真甲子，天地移来掌内观。

将神入宅内景

寅为火炉福神位，卯为床并门窗类。

辰为磁盆衣麻物，巳为厨灶铛釜铫。

午是衣架并笼床，未为小院及神祇。

申为佛堂磁盏子，酉镜门窗碗瓶剑。

戌为盆瓮灰糠谷，亥是灯台并帐幕。

子为瓶盏及镜匣，丑是柜槛并斛斗。

此是六壬真甲子，至今留下少人知。

贵神入宅内景

天乙神堂佛像言，珍珠钗钏异衣端。

腾蛇花锦妇人作，更有窑灶在其间。

朱雀笼床或书画，膾皮毛塔架头看。

六合盘斗角门子，木勺檐子及为床。

勾陈盆瓮灰糠谷，破衣棉絮旧条单。

青龙图画神龙树，钱镜衣衫刀剑端。

天后水盆瓶与盏，绵麻索子菜南园。

太阴石头须有眼，古刀快钝在方间。

玄武布麻绸绢等，磁盆细盏在空悬。

太常依壁刀枪立，悬索笛簾位上占。

白虎石磨及狮子，盏瓶瓦瓮在头悬。

天空葫芦及旧经，铜盏数珠及幡幢。

常将此神合时用，颜色需求五子元。

此是六壬真秘法，孙臆留下至今传。

占宅吉凶

占宅之法课中详，日干为宅位上当。

主若克宅宅须吉，宅来克主主遭殃。

将位临煞终有祸，安神财旺福须昌。

更推休旺临时断，吉凶由如眼下张。

命前五辰为客舍，后三庄产看兴衰。

五行旺相相生吉，四位相刑祸可知。

将神入宅吉凶

寅为猫犬外来家，口愿重重树影花。

有克必伤尊长死，马亡子死鬼颠邪。

太冲受克损门窗，怪见虚惊贼盗伤。

改户移门车船损，兄弟须是各分张。

天罡旺处家不和，六畜频伤官事多。

有克奴逃及婢走，死亡人口肿疮魔。

太乙禽蛇现屋头，釜鸣光灼起烟楼。

旺相女家招外婿，克外幼妇人先休。

胜光当旺足资财，子孙富贵名自谐。

受克官灾须见血，马亡子死产生灾。

小吉神临女守孤，鬼神缠惹病声呼。

有气婚姻珠宝吉，只迎酒礼出师巫。

传送由来入旺方，儿男雄勇乐刀枪。

申临巳午军人辈，客途车碾患喉疮。

从魁囚死阴私祸，自缢人亡劳病多。

假若同带蛇玄武，或然入魔出师婆。

河魁旺处魔神藏，推出军人夭寿郎。

更近宅边枯骨犯，徒刑须出痛伤亡。

登明凶死病萎黄，眼色斜牵少女伤。

当旺猪羊饶失散，若逢戌上丑儿郎。

神后伏位见金神，儿郎豪杰乐工文。

忽然值克并空煞，后妇须多绝子孙。

大吉从来入旺方，子孙面丑肚脂囊。

木上见之头必秃，忽然眼病有牛羊。

贵神入宅吉凶

贵神当位做神头，纸钱猪羊许愿求。

功德外来运破损，送迎官贵出追游。

腾蛇损失主惊忧，飞鸟兽鸣三度愁。

妇病子病妻女走，鬼来火现屋山头。

朱雀神现光焰焰，官灾斗打病连连。
血光走失出娼妇，宅中枪刃有多年。
六合神主立幡竿，柜破门损上下看。
木盘铁锯香盒破，纸钱龙树鬼来缠。
勾陈多旺鬼须来，糠瓮灰盆院里埋。
更有水坑尸在地，窠墙腾鼠入家来。
青龙树影到堂前，大木损伐人不安。
家中火镜频作祟，伤人刀剑在头边。
天后宅中有井凶，玄武功德在家中。
水穿门出山魃鬼，妇女投井更私通。
太阴火光现入门，明师知识会难分。
只求外来妇鬼挠，破磨尖石有眼灾。
玄武凶生家近河，水灾鬼怪及妖魔。
儿女丑恶多斜眼，贼来三度犬伤多。
太常幡子到佛前，口愿猪羊赛未全。
铜铁杯盆并井灿，釜鸣必主患风颠。
白虎凶丧孝子来，蚕丝六畜血财灾。
家中灵床未除了，更于门前石变灾。
天空主瓮破伤鸣，汤瓶悬壶壁上行。
更有四足伤人起，宅惊屋暴为僧鸣。

占宅内兴耗

常以月将加正时，若见白虎腾蛇临日辰，耗在门。若见大吉、小吉、胜光临日辰，耗在家。若见功曹、传送、太乙、神后临日辰，耗在家。若见天罡临日辰耗在牛栏，六畜灾。若见登明、太冲临日辰耗在中庭之左右。

占家中百怪

常以月将加正时，天罡加孟凶，加仲吉，加季大吉。月将加时看神后所临，即知见怪也。

神后临子，必是鼠或血光。临丑是鬼作人形。临寅是四足或木器转动作声。临辰必是赤色四足声音作怪。临巳是釜鸣。临午亦釜鸣赤色。临申必是走兽。临酉必是飞鸟血光。临戌是梟鸣狐叫为祟。临亥是猪狗登厕，见鸣之物。卯与寅同。

占修宅舍吉凶

问其家长行年。加宅神、视本命前五辰，如见煞神及魁罡，不可迁移，造宅凶。见功曹、传送、胜光、神后、大吉、小吉，宜修也。又当以家长行年加神将见魁罡辰，有病，主家耗财。见从魁酉，主老小口舌，火光，妇人争财。见功曹寅、传送申，主喜。见神后子，盗贼死亡。见胜光午亦为喜用。见登明亥忧财。见大吉丑、小吉未，忧牛马及火光。更看今日何处动用起造，以方位为则，却用本日干辰。如旺相可动，刑克不可动。要本日与位相生，吉神临，并喜神助协，凡事吉也，又主荣旺，吉兆兴隆，如在空亡克战蛇虎之地和勾陈、玄武，皆主不利，及官司伤财，人口患病。

占接屋梁柱

接屋之法妙须知，月将加时方上真。

更看天官与位上，便从日干支上寻。

壬癸庚辛申酉位，必然盖造又还新。

下克上兮应接梁，上克下兮接栋新。

二下克上栋应折，二上克下屋摧崩。

人元芭薄瓦木是，天官为梁将柱真。

地分根阶石土项，常用刑克定真神。

庚辛若临本位上，万物皆新如通神。

接屋但以方上起，孙膑留下不传人。

占移居吉凶

移居之法课中看，鬼煞临身不可前。

客旺主凶终是吉，客休主旺莫移迁。

金神吊丧来归户，只宜守旧保家园。

解曰：如得天驿二马及有生气吉神，皆可动用移居吉。在空刑之地，不宜动，主破损不利。

莹地门

占墓地景

寅为花树卯桥船，辰冢高岗巳涧泉。

午岭横山未堰子，申河石道酉麻山。

戌骨臭秽破窑灶，亥地南还有水穿。

子壬地头如仰瓦，丑为平坡坤下轩。

此是孙膑地形法，取法临用着意看。

占墓外景入式

以坟墓所处位置为地分起课，称发首课，可断此墓的吉凶。假令登明将乙丑日申时巳地课墓：

辛 金

青龙木

传送金

巳 火

此墓主绝两房，更主一房离乡。亦出军人，更主恶死或车碾也。此墓全为破败，兼无一房旺也。何以知？云：两房绝者，此四位内见二金克青龙木，火又返克二金，又传送主绝，亦主为军人离乡也。

又云：并无旺者，以四位内并无相生也。又主其家出一房，主刀伤死者，为青龙木被二金在上下克之，又白虎为刀剑之神，其神本凶，故主斩杀死或见血光死也。外景更用人元月建，假令人元是辛，故丙辛建庚寅、辛卯壬辰、癸巳以推去。

1、课东北寅地：

戊 土

朱雀火

太乙火

寅 木

庚为墓干，庚辛为道。寅地旧曾有道子一条，见今耕没了也。谓庚为道，属金，又见朱雀火，故云今没了也。其旧道上原有枯树一棵，其上必有窝巢。以朱雀临旺方是也。其树枯者，亦以金克故也。今此道却移在正东。

2、课正东卯地：

己 土

六合木

胜光火

卯 木

卯地正北道上曾有小树子一株，后来却伐了。问：何以知之？课内见六合，六合为树木也。此道子必在人家门前，或在庄内。何以知？曰：为见三重门也。卯为门，六合亦为门，辛又为门。故主如此。问言被人家偷伐了，以墓干见辛，辛属外人，又无

相生，反为辛金克也。

3、课正东落南辰地：

庚 金

勾陈土

小吉未

辰 土

辰地上见曾有干河一道，少有水也。何为无水?为四位内三土克一水，故云无水也。此河内有阴人小殡子一所，或两个。其人横死，或盗偷牢狱死，以见勾陈故也。勾陈亦为小殡子也。内有一阴人小殡。其人在生之日曾孤寡，小吉故也。此河今亦不在辰地，移在东南巳地。

4、课东南巳地：

辛 金

青龙木

传送金

巳 火

前言辰地以三土克一水，故云无水，移河应之。此河今移在巳地。河内主有微水也。何以知?云：以壬为大水，癸为小水也。此河内亦有大树一株，荣旺也，必为神树、以见青龙故也。今木在水中，虽见二金，不能太伤，亦少有损也。

5、课正南午地：

壬 水

天空土

从魁酉

午 火

午地上有大树一株，其树不旺，为树上有一枝枯干，或砍伐也。何以知?为见金故也。经云：见金枝损及皮伤。何为不旺?为将神酉金，金能克木。此位亦有小道子一条，多是东西横者，以见辛金故也。

6、课正南落西未地：

癸 水

白虎金

河魁土

未 土

未地上合有树木，却为白虎当位，主无树木也。何以言之?云：为大金下克小木，故不能有树木也。此位别无物，只有骸骨一付，或有重丧，或有故墓，为将神戌土亦为骸骨之神。神为白虎，白虎为孝服之神，亦为骸骨之神。此墓主其家绝后，其坟无主也。

7、课西南申地：

甲 木

太常土

登明水

申 金

申地上合有岗岭。课此并无岗岭也。何以知之?云：为内见亥水生木，木能克土，更上克下，故主如此。只有阴人墓子一所，为四位见太常，太常亦为小殡也。其阴人在生之日被人谋害，又主官事刑狱，其人必气死或被药死故也。故云：太常食药打不全。又占被患病或天行死，或因生产亡，及腹胀而死。此详在占病法。

8、课正西酉地：

乙 木

玄武水

神后水

酉 金

酉地见丁火为岗岭之神。此为将神见子水，贵神玄武水，是二水克一火，所以无岗岭也。只有河子一条，为地分酉金，又神后水，玄武亦是水，金能生二水大旺，故言有河也。此河主八年前一妇人投河。何以知?为墓干见火，投在二水中，已无气。又丁为蛇，属阴，故为阴人也。又玄武又是贼水，所以此河主常损人。

9、课正西落北戌地：

丙 火

太阴金

大吉土

戌 土

戌地必有大坟墓，主破一房，余皆旺也。破者，其家出阴人残患。更主外人谋害，亦主妇人淫乱，或暗昧不明，以太阴被克故也。

10、课西北亥地：

丁 火

天后水

功曹木

亥 水

亥地上合有墓一所，此墓主一房出房，其是木有二水生，喜得此为喜神。又将神是功曹，功曹为青龙，青龙为天喜之神，得水大旺，此为生气，故主加官进禄，亦有财帛之喜。此墓主葬六年后出一妇人投井。何以知?为贵神见天后，天后又是井神，人元丁火属阴。人元却陷于二水，所以投井也。故云：天后宅中有井凶。又云出患头目人或无头目也。以人元为首，贵神克之也；亦主葬者有无头之人，占病在头目

，此墓亦主水入也。

11、课正北子地：

戊 土

贵神土

太冲土

子 水

子地有大道一条，边有小庙或寺，为见天乙故也。经云：贵神神佛并堂殿是也。

12、课正北落东丑地：

己 土

腾蛇火

天罡土

丑 土

丑地上亦有道子通连子位，道旁必有窑灶，以腾蛇当位故也。经云：腾蛇窑灶近于庄。所以有者，相生故也。

占墓吉凶

克无旺有理何微？旺克宜将四位推。

祸福吉凶如眼见，始知神妙泄天机。

解曰：白虎临四季土为坟莹，更看生旺及贵神临于得地，其家旺相也。见辰戌为高岗小岭，丑未近田园之地，见贵人青龙官员财豪之家，见大吉常合皆主买卖、手艺、经商之人也。见太阴主暗昧娼奴之类，亦主不明之人也。见蛇虎主道途、孤寡、破落之家，疾病缠绵不吉。见天空主孤寡、异姓子孙之家。见勾陈主孤穷、军屠、破损、争斗之家。玄武作贼盗、损失、破败之家，朱雀出书生秀实主人，有生旺相主吉，不宜值刑克破煞，占宅亦皆效上神所主。

占莹内灾福

一葬之内甲丙丁，只如平课加本命。

要知穴下真灾福，甲寅乙卯支干并。

将生天官富贵吉，福寿增添子孙兴。

天官若是生月将，妻子家道只平平。

人元三位相生吉，三位相克带煞凶。

功曹患眼卯勇猛，辰戌贼人腰脚病。

太乙血财文武位，午地家道兴旺中。

未上孤老长病者，申家生分走无踪。

酉中自缢外行去，戌位绝地夫妇荣。

登明一病患头秃，子位先富后却贫。

大吉耳聋出军辈，仔细寻思莫容易。

辰戌丑未子孙少，太常勾陈后妇多。

玄武丑黑儿瞎眼，白虎受克主重伤。

月将克地为人死，天官克将死亡踪。

天元克将为死人，看其刑克验其真。

阴将克阳主重死，阳将克阴主轻迟。

此是六壬真妙法，莫道凡夫取次知。

占开墓见景

其一

开冢之法将加时，辨其视现本墓支。

戊癸合将土塞墓，乙庚配位白气缠。

丁壬合时蛇并鼠，甲乙根扶穿尸骨。

丙辛蛇侵尸地居，五刑相克验根基。

申酉端详毳雉尾，寅卯根扶似龙须。

巳午热气宜回避，亥子蛇鼠好迁居。

上克下兮面合地，下克上兮头离身。

五行相克随时断，便是孙臆真秘诀。

其二

开坟之法妙通玄，月将加时方上端。

看其神将量凶吉，贵贱推寻在意间。

天乙旺相合龙建，三公为事事不烦。

腾蛇开墓虫满墓，必须家败妇人奸。

朱雀生光明蛛网，官事连连子更顽。

六合坟墓横根树，见水儿孙富百年。

勾陈贫贱伤残患，主出高官将相权。

天后墓岗须见水，当家兴旺子孙贤。

太阴金箔贴斩土，或为衣衫富贵迁。

玄武蛇鼠人生盗，坟中出水久无官。

太常蕃芽蝼满墓，土上神竞妇女开。

白虎土上毫孔穴，定知后代出官员。

天空墓塌穿为哭，土抹神吞骨不全。

三公王侯堪用事，已外难升不尽言。

此是坐端金口诀，等闲休信小儿言。

其三

开墓见景两殊详，望墓加时本位方。

只看贵神临旺处，辨其神理别灾殃。

贵神火上见光明，田鼠穿墓出傍厢。

青龙水土生松桧，坟里横根在四傍。

腾蛇见木多蛇聚，上有孔窍透明窗。

朱雀立木临本位，定知气出穴虫藏。

勾陈白冒须逢土，火上占之闭墓堂。

六合本位生根蒂，皆须残毁仍在岗。

太阴受克金蚕对，土色逢之金色彰。

天后遇金坟有水，见木草生穿冥房。

玄武见蛇逢巳火，水败贼劫离池塘。

太常白虎为气现，土火同帮窗见光。

白虎火上尸合面，土上吞天死必伤。

似此推详坟墓事，百发无差信法良。

占墓外景

课坟占墓片时间，万里如同在眼前。

常取正时加月将，人神将位手中安。

天乙神祇小庙子，大树峰恋如盖悬。

腾蛇远隔悬藤树，来岭岗横高下弯。

朱雀鸛鵲鸦窝子，盆池花树有勾栏。

六合幡子并台树，缺墙门外掉绵安。

勾陈土台坟边冢，四海沟渠道穿坑。

青龙怪树横风势，近泉树木上侵天。

天后池潭石叠砌，萱草梅花树头鲜。

太阴碑碣坟前立，石柱双双埋路边。

玄武河泉坟里出，盗贼曾揭墓头砖。

太常香台及醺器，树头纸赠挂钱财。

白虎石羊本家事，人行斜道路旁穿。

天空枯树坟尖塌，邻近周圆庙观滩。

此是端坐金口诀，宇宙乾坤掌上看。

占别墓及死因

人间天墓最幽玄，切须遍把古书研。

月将加时看方位，参详临处课三传。

阳日阳方阳即是，阴日阴方阴其全。

贵神富豪官人子，腾蛇鬼魅怪多般。

朱雀自缢兼投井，六合富贵四肢端。

勾陈狱讼卒盗死，青龙患目肝病缠。

天后产死贫卒病，太阴暗昧犯私奸。

玄武刀剑血光死，太常药食打不痊。

白虎凶病恹恹死，天空风瘫痲病颠。

占坟内是阴人阳人

坟子数个或东西，南北冢子怎生知。

排定亡人辨刚柔，刚日从东南起将。

柔日西北行将加，数至天官看前后。

月将加头分神位，一例天官是要知。

欲知地下阴与阳，便于日下认清光。

阳日阴方阴即是，阴日阳方却是阳。

阳将阳神阳人冢，阴神阴将是阴人。

一阴一阳难定夺，其须决断在天罡。

天罡临阴是阴人，天罡临阳是阳人。

子寅辰地是阳位，更兼午申戌为真。

天罡若还临此地，定知坟内是阳人。

丑卯巳却是阴位，又同未酉亥系阴。

天罡若是泊此处，必然莹内是女人。

常将月将加时取，要行顺去逐时寻。

寻着辰上是天罡，天罡所泊值千金。

附：神枢经

天时章 风云雷雨

假令庚子年七月十三日甲寅日申时，西南申地分有云起来，知有而无雨，作课占文。七月太乙将：

壬 水

白虎申

太乙巳（用爻）

申 金

断曰：此课明日辰时有轰雷暴雨；电光霹雳，伐一小阴人，果应之。何以论？经云：金为雷，木为风，水为雨。阳水为之大雨，阴水为小雨。土为云，火为晴明，水克之反为电光火，劫煞入课为之霹雳。是课寅申对冲，水火劫煞，故主轰雷暴雨。何以论明日辰时？答曰：课中原有申子二字，无辰字，主明日辰时也。课中三合有数，辰日何以选於辰时？曰：劫煞为紧急迅速之神，故主时而不主日也。何以论伐一阴人？经曰：白虎为凶丧道路之神，生壬子水克太乙，太乙死绝无气；又曰：水来入火妇难安是也。故主霹雳而伐阴人。何以论阴人小口？经曰：三阴一阳以阳为用，三阳一阴以阴为用，纯阴反阳以将为用，纯阳反阴以神为用，二阴二阳以将为用。是课取太乙为用，经云：丑未老阴人，卯酉少阴人，巳亥为小口，入课自区分。故主阴人小口也。

大抵课风云雷雨远近有无，或天旱而云起，或因农而占雨泽，先定方位，次取日辰，作课占之。远近端在劫煞驿马，有劫煞驿马紧急迅速言之近。无劫煞驿马主迟缓而言之远。论课先看用爻，次看旺爻，然不生不受克者是也。假令木旺主风，见劫煞乃是狂风暴腾，而兼砂石伐树播土，亦有金克而言之。水旺主雨雪，土旺主雾，金旺主雷，冬主寒也。克木化云，火旺主天旱。又云：水逢金而遇土，定主连阴不绝；木克土而见火，亦主天旱多风；土多无水，密云不雨；火多见木，旱天热风；水多见金，连阴不息；上克下兮，一天雨雪；下克上兮，不时晴明；如其生克，占之百无一失。

地理章 道路应候

假令庚午年十二月二十四日甲戌卯时，出行西北亥地，问道路有何应候。十二月神后将：

乙 卯

太阴酉

传送申（用爻）

亥 水

断曰：此课问出行道路无阻，唯主争斗，稍有不顺，先难而后易也。何以论？曰：用爻是申，申亦为行移神。课中见二金，经云：二金刑克都无顺，唯喜月将遥克天干。经云：将克干兮甚是喜。何以论道路无阻？经云：下克上兮出行无阻，上克下兮道路蹇滞，大象主乞索上人财物，亦遇自己门户奔走奴仆人也。经云：巳亥常为乞索物。又云：传送有人奔走出。位克天干而主奔走，地支是奴仆也。此课征战、出征、升迁、交易皆利，合得官中财物。何以论？曰：官动利求官是也。问道路应候，主三六九数里分，有一男子执铁器伐树应之。经云：甲乙为林单见树，见金枝损及皮伤。又主前路西北道上有东南河一道，其水冰薄不可履渡，主有惊失。何以论？曰：亥为小水，见金有源。十二月乃结冰之时，申金克干，故主冰薄而不可履也。亦有小板桥，今已损坏。何以论？曰：甲木为之大桥，乙木为之小桥，见二金所克，故坏之矣。

大抵课地理道路，注意端看天干。假如天干是甲乙，便言林木桥梁，新旧损益，亦以生克制化轻重而量。天干是丙丁，便言高岭、闹市、台塔。戊己为坟、土坡；如上克下则低小，下克上则高耸。庚辛为之道路、山崖、碓磨。壬癸为之长河、河涧，斜正依其生克而断。又云：下生上我见于人，道路平坦而无阻滞，亦为大利。上生下有人求事于我，亦得贵人提挈，兼带财物，又以射覆论之，如下克上勉强行之，虽然无阻终有争斗。如上克下不可出行，定有阻滞，道路惊恐，齟齬不遂。

人事章

假令庚申年三月二十八日甲子辰时，有人在丑地上坐，占其人贵贱性格如何？三月从魁将：

乙 卯

天乙丑

胜光午（用爻）

丑 土

断曰：主其人富饶，因财而得贵也。不久官被人谋害。其人性主厚重，生财有道，富足过人。只是官被谋害而妻复续，又主不称。何以论？曰：胜光当旺足资财，木生火而巨富。将亦生神乃天乙，故主因财而得官。不久者何也？曰：天乙被人元来克故也。经云：干来克神失官阶，庶者人谋害己财。是主官不久。何以论妻复续？人元乙木再遁得丁火，故有失而复得之理。何以论妻不称？曰：天干克地分为妻动，经云：妻动于妻妾，官财防损折。故主妻不称而足有疾，无可疗也。何以知其人性主厚重？云：土主厚重是也。其家多是好交识内外人。何以论？曰：胜光乃为用神，生天乙贵神，又生地分丑土。经云：我生人则我求于人，人生我则人求于我。故知交人之由耳。得之与人不足，乃贵神受克故也。

太抵课贵贱荣枯，聪明愚蠢，先看用爻，次看旺爻。

假如贵神是天乙贵神、青龙、功曹、传送，不受克便是有官之人，亦主财富。课中若有驿马扶持，依五行数中旺相，立主升迁，而有权柄，进添财禄也。何以论？曰：神临驿马添官职，主迁官是也。又云：下克上主其人好出外攀高，上克下主其人居于下多不遂，有生则称矣。如将克神，盖其人好财物而欠孝顺。干克将，谓其人主攀高尤不及。方克干家生怪，神克将常失物，将克方主无后也。

经云：凡贵神、青龙是为官之人，六合、太常是和合、交易之人，腾蛇、朱雀是不安分的小人，勾陈是勾引虚诈之人，天空是僧道孤寡之人，白虎是凶暴、恶杀、孝顺之人，玄武是军贼瞎眼之人，太阴、天后是良家妇女。

又曰：金性不顺，言急而刚果；木性繁华，平生好奢；水性漂流，委曲随波，火性焰炎，百事凋残；土性厚重，其性直蠢。金木之人，无仁义而口舌多端；水火之人，有疾厄妻伤财损；土木之人，犯刑宪亦好饮食；水木之人，寄居宅主有际遇；金水之人性聪明，火土之人主福厚，土金之人荫子清高，木火之人性主燥暴。五行依理而推，富贵贫穷可见。

交战章

假令八月十八日庚寅寅时，正北子地有人报到声息，问贼来与不来，交阵胜负如何？

丙 火

天空戌（先锋）

功曹寅（大将）

子 水（伏兵士卒）

断曰：此课主贼定来，必是讲和，内中主有虚诈，尤当预防。大象宜伏兵士卒，阴谋诡计取之则胜。何以论之？曰：课中见寅午戌三合火局全身，故主贼来而有和好之计。伏兵地分子水遥克天干为之鬼动。经曰：鬼动忧灾怪。故主惊怪之变为凶煞。火局有隔角之坏，宜伏兵士卒诡诈。论贼数审其旺相休废。如金木数三六九零，水土一五七零，火主二四八零。余占仿此。

大抵占问贼情，来与不来。经云：上生下兮来善；上克下兮来恶，俱是客犯于主。下生上兮主死于客，下克上兮主赢于客。如干克贵神贼越墙而入，干克将贼掠人财物，干克地分贼偷六畜。如三位不受克，贼不犯疆土。又见劫煞，客来速而凶恶势众，可以申严号令固守提防。如见驿马客来亦速。然此二神，仍行移紧急之神。战阵之法以干为客，以贵神为先锋，以月将为大将，以地分为伏兵士卒。

假如天干是金，贵神是木，正谓客来克主，彼强此弱或月将是火，主大将来出攻战而主大胜。假如贵神是土，月将是水，地分是火，主伏兵士卒夹攻取之。如三位中俱受克制，定是贼人拥众猖獗，主大将不可轻举，只宜守城；远隔夷情，相机别图，以全功业。

安营章

凡出军境外，下寨安营，不可不占。主大将安营之际，军中号令已固，立身四望，或鸦鸣鹊噪，人惊马嘶，枪折旗交，风电雷雨，怪异出没，即定方位，取时占之，决无失矣。

假如九月十三日辛卯日申时，安营下寨，忽西南申地人惊马嘶，疑乎异常，作课占之。九月太冲将：

丙 火

太阴酉

太冲卯（用爻）

申阳金（劫煞）

断曰：主今晚戌时贼入境劫寨偷营，主将受迫，大不利。何以论？曰：课中见天干克贵神，贵神克月将，月将又被地分所克。又见劫煞在于地分，先锋、主将俱被腾迫，故主不利也。何以论戌时？曰：用爻是卯，卯与戌合是也。是夜主将宜扎营于正北子地，寅时地道用伏兵，人马预备、撤空营待之，必得全胜。

大抵安营下寨于边境，不可不备；假如天干是客，客是贼；贵神是主，亦是先锋，伏路士卒，将神是主大将，地分是伏兵士卒。假如天干克贵神，有客犯边入境，看其紧急，端在劫煞驿马。如克将神，其贼前面而，大将受迫不利。如克地分主营后小路而来，论应时逢三合取之。假如四位不克，主日夜无事。如见白虎、朱雀、腾蛇、太冲、玄武、太乙，将克神，神克干，是夜必有虚惊。大将申明号令，预先谕之，使士卒而不惑。

游鲁章之觅贼方所

假如二月二十一日癸卯寅时，午地有人传报声息，如客问贼远近、住所。传送为游都在子，（游都歌详见璧玉经。）

戊 土

天后亥

功曹寅（用爻）

午 火

断曰：其贼潜正南午地池塘边，大土坡驻牧。主戌日时来，宜大将亲觅，必全胜也。何以论？曰：大将是寅木，遥克戊土，故觅而得也。天干是戊，乃为大土坡前。天后是水，亦云涧水池塘。日辰癸卯，月将是亥，亦三合而言之，而在未时；又见月将寅，地分是午，应期拟在戌时日也。为何言二期？曰：四位不见驿马、劫煞之故耳。谓贼多寡，经云：金木三六九、水土一五七，火主二四八。然理如斯，其数是见旺相休废生克取之。或以千万数言之，亦在人心活法消息之也。是课以用为主，谓水土言之，一千五百七十数也。

大抵游鲁之法，乃先贤口口相传，不留文字。周之吕望，齐之孙子，汉之子房，唐之李靖，用之者神，得之者胜。如敌人之远近，知贼情多寡，驻牧山岸、林木、道路、池塘险要，或攻或守，缓急应变，见机而作。假如觅贼，先论天干，次论用神。天干决驻牧之所，用神定来贼之数。如天干是甲乙，其贼潜伏林木之中，如用神是亥子，其贼亦潜林木水边。甲木为之大林，乙木为之孤林，草木之傍。如天干是丙丁，其贼伏高岭边。课中见上克下，其贼潜岭下。如下克上，其贼潜岭上，又当言岭之高也。天干是戊己，其贼潜土坡山岗之畔。天干是庚辛，其贼潜在道路要害之所。道路斜正，又当推克化而论之。庚为大道，辛为小道。如干是壬癸，其贼潜在长河之边。经云：金为水之源，而言河之长；土乃水之官，而云沟与涧。深浅之妙，亦在上下刑克详之。上克下，其贼必来劫掠，主将何之勿忽。上顺生下，其贼亦来寻找；课中见劫煞，来速而凶。下生上，不见劫煞入课，贼虽远而决可见也。

捕盜章

照常例以干尋貴神，行十二位到玄武處住。再如例加月將、人元，立成一課，便知賊盜方向，行止潛藏，得與不得。

假如六月辛酉日寅時亥地出行捕捉，六月勝光將：

己 土

玄武子（用爻）

太沖卯

亥 水（驛馬）

斷曰：其賊糾合五人在正東卯地人家潛住，其宅東南有墳園，七月一、五、七日得也。其亥地分有驛馬，又主往來不定，終是得獲。何以論？曰：玄武是賊，落亥卯未生木，故主賊不能遠去，天干己土，故能克玄武終得獲也。內見卯木克天干，故又主遲也。又斷七月是申，值辰戌日其賊必敗。

然捕盜之法專論玄武，亦看太沖，如二神入課，必不是一人做賊，有三六人也。如玄武旺，賊終不獲。如玄武受制，露敗賊踪，即獲也。余占仿此。

年占章 占一年吉凶

假令正月壬辰日辰時，有人坐子地問一年吉凶。正月登明將：

庚 申

青龍寅

小吉未（用爻）

子 水

斷曰：三、六、九月日外戚謀官主和，一、五、七月日失物，奴仆小口有失，起口舌，添丁，反有升遷之喜，母災妻病，失而无咎。

此課主是年春，母有肚腹之疾，秋有外戚謀害官職，冬有奴仆逃走，幼病，此三者

为咎。内喜有添丁、迁职之美。何以论?曰：寅木克于未土，为之母病。申金克于寅木，为之谋官。未土克于子水为之奴逃、幼病。内见庚申生于子水则为添丁，驿马临子辰位又为迁官也。

假如，居官兮则言君臣，民庶兮则言父子，争斗兮则言主客。内之所分，则以天干为尊，曰君，曰客，曰外，以贵神为上，曰相、曰官、曰父；以月将为中，曰己、曰妻、曰财、曰戚；以地分为下，曰田园、曰奴、曰畜、曰小口。以其生克旺相决之，又何难哉?

月占章

假令六月丙辰日卯时，有人问一月休咎。六月胜光将。

甲寅木

白虎申

从魁酉（用爻）

午 火

断曰：此课主是月三六九日，阴人口舌在于外。家内亦有幼妇染病。肚腹之病，凡事不顺。何以论?曰：申金克寅木，为之口舌在外，午火克酉金为之妇疾于内，此正为二金刑克都不顺也。凡谓神将为之体用，干方为之飞符，要在生克旺相之端，又有死而复生之妙。假如水来入火，妇死无疑，内见土能制水，亦能复生而为医药也。

凡课，四课相生虽吉，内见劫煞则凶乱，是为吉而反凶也。占者思焉。

日占章

假令五月丙子日巳时，问今日何如?以子为方，五月小吉将。

戊 土

腾蛇巳（用爻）

功曹寅

子 水

断曰：此课三阳一阴，以阴为用。内见下生上，出外求亲得喜，凶中获财，是事宜速不宜迟。又见女人身沾暗疾，饶舌轻浮。何以论？曰：用神巳火，寅木生之，故为我求事于人，干克方为之妻动，又主妻与妾之事耳。又云：水来入火妇难安是也。

大抵青龙、功曹、胜光，旺相而主财帛丰足之美，腾蛇论人亦主口舌轻浮。喜应在午日午时，正谓三合克期，驿马、劫煞，又当宜速不宜迟也。

疾病章

假令六月壬申日辰时有人午地问病。六月胜光将。

丙 火

天后亥(用爻)

传送申

午 火

断曰：此课问病，乃是阴人，因气恼而得，上吐下泻，不时肚腹疼痛，头目不清，四肢无力，大象不妨，只是愈迟。何以论？曰：三阳一阴，女人断之，二火为爻，应在用神。又云水来入火妇难安。知下克上主吐，上克下主泻。又言患足，将受克为之肚腹，金被火伤故主喘嗽，筋骨四肢疼痛而无力。大象无妨者，用爻有气也。病愈决在秋后，水土长生得合是也。

大抵占病之法，以天干为头目，以贵神为胸，以月将为腹，地分为足。金主喘嗽，伤筋骨，以肺论之。克木为之风疾患眼，以肝论之。克火为烦热心疼血疾，又看上下生克。以心论之。克土谓之伤胃、饮食、诸疮，以脾论之。克水为增寒泻痢、水蛊，以肾论之。如用神四仲，为之卒患暴疾。用神四孟，为之天行邪气。用神四季，远久患也。假如火是人，水是病，遇土是医，见木逢生。又年月日時，行年，遇寅午戌三合，或六合助患者，不死而得愈也。课中逢水旺火休，并劫煞上课，决死无疑。若金克木，其木值死墓日辰乃死之期也。他仿此。

宅舍章

假令三月己未日辰时，人坐卯地问住宅如何？起三月从魁将。

丁巳（街道）

六合卯（前房）

传送申（用爻、主山）

卯木（后房）

断曰：此课占宅主兄弟不和，口舌喧争，人常患病，而又足疾，逃走一房，又受外来人欺凌，多不足也。何以论之？曰：金木交争，而主兄弟不义，又曰口舌喧争。传送为行移之神，故有逃窜之辈。丁火来克申金，定知外来辱内。又所谓火临金位有屯迁之病。此宅水流前后，天井聚津，两邻不睦。

大抵占宅之法，以天干为街道，以再遁干为方向。以贵神为前厅，以月将为主山，以地分为后房。不拘房有几层，以中宫分为两段，便知前后新旧损益。如上克下，前高后低，水从低也。如两头克神克将，宅主中宫聚水。如上生下，下生上，为之生气，六合、旺相为之吉宅也。内有驿马，其家出外差使。若见劫煞，宅有凶暴。白虎为之凶丧，玄武为之军贼瞎眼。课内若有天贵、青龙、功曹、传送，主出官贵之人。大抵四位之中管辖有端，拟于贵贱荣枯，子孙有无，虚实人品，奴仆牧养，而至欺奸不道，巨细玄妙，无不然。

莹墓章

假令二月二十四日巳卯日巳时，有坟墓何如？二月河魁将。孝子从子地来问：

甲寅

天乙丑

太乙巳（用爻）

子水

断曰：此课问地必是庚山甲向，至西南高阜，坤申随龙而来，落穴在酉，前二四里有林木，本地有大树一株，后有河水。谓其家阴女主事，寡妇在堂。断巳酉丑月有迁官之喜，行於亥卯未年必主内乱，阴人伤官损财之祸，阴病少阳之苦灾。其地水反山走鸟足为美。何以论之？曰：甲为林木，子为河水，用神乃阴，故主阴人当家。天乙丑土、用神巳火、决主酉年而有迁官之喜。流年若逢亥卯未，助起甲木克坏丑土，又有谋官从外而来，亦主损财。又云太乙为之妇女，落于子水，乃为灾。合于

天贵，又云奸邪。然占课相生则休，相克则咎，其理自然。

大抵占莹地风水之法，以甲乙为之林，丙丁为之高岭，戊己为之土堆，庚辛为之道路，壬癸为之长河，课中见土只云沟涧。神将二位若见辰戌，则是坟。余占仿此。

金凤战干歌

占贼之法妙难穷，起成课法自灵通。

要知贼寇藏人马，游都鲁都两千称。

方为贼居将为寇，贵神为我主人兵。

干是我军为里数，更知贼数百千人。

漫言我财为我利，干若受克利须倾。

四课之中神克将，不须努力用心勤。

若还行兵计谋策，寇兵一扫化为尘。

课爻将神来克贵，我当紧备莫攻征。

方来克贵生细作，必有奸谋诱我军。

贵神不克地方位，将军攻战莫消停。

将若刑方贼移动，晚间逃走似云飞。

方若克将贼守寨，故然不动亦难通。

干克将兮兴人马，依行其上将贼攻。

神将刑干贼须胜，我当防备不宜兵。

方来克干贼坚固，干若刑方得我赢。

神若克干军宜使，干反克贵军不听。

贵神为我干为使，将位二方是贼兵。

我克他时宜战斗，他来克我不须攻。

地方名为游都将，对冲鲁都贼游兵。

有人学精游都法，不须举会韬略文。

千卷万卷为此验，只此一本验如神。

祖师流传玄妙诀，捉将擒贼在掌中。

论贼盗方位

甲寅乙卯丙巳宫，丁午戊辰己戌中。

庚申辛酉壬亥上，癸子十干定吉凶。

天地相合为去路，暗藏人马捉贼兵。

若人学得鲁都法，捉寇如同在掌中。

假令十一月丑将、戊辰日寅时，占贼去方。加寅数至巳上见辰土，论此贼人东南向辰巳方向去之。何以知？曰：以天地相合，正在贼人所去之方，余仿此。

假令八月辰将己亥日巳时，占贼人去方。以月将加巳数至亥上见戌，占此贼人在西北戌亥方向去也。何以知之？曰：戊己原加辰戌间。故详论四课之中皆与天地相合。如此占之，万无一失，余仿此。

假令正月将丁丑日卯时，占失物所向何处。合在正西偏北方向是也，何以知？曰：其人合正月临戌，为死土，住居枯木粪土藏。戌五数，午九数，五九四十五，土死半数，合二十二里内寻之必见。论此课可占打劫人家小贼，用之无差。

论玄武释贼法

此法用活贵神之例，即是观天乙论游都所临之法。又法：以本日贵神寻玄武落处，即某为玄武，二说皆通也。

凡占盗，常以月将加正时，寻本日贵神起处地支某字，就如例顺逆数至玄武落处是

也。

假如五月丙申日巳时占，丙日贵神是亥，以月将加巳数到酉上寻获本日贵神起处亥字，就于酉上起贵神，如例逆数至子上是玄武，仍将酉上亥子顺数至子得寅为玄武，知贼在东北也。寅本位上得辰字，乃玄武之阴神，建于丙辛生戊子，己丑，庚落在寅位辰字上，贼藏在山崖土坡之下。庚主山石，辰主土坡，身穿白衣是也。

功曹若为玄武，其人东坡道旁大路定无虚，必是潜藏之处。若见其实端的，身穿一套青衣，跟寻紧紧用心机，必见大眼男子。

太冲若为玄武，其人必在贼方，即东方是也。多因大木土坑藏，赤面赤唇模样。身大头尖脚细，赃物来取声扬，跟等上面喜容颜，必见其贼所向。

天罡若为玄武，只此东南之向，更兼有向水边箱，破井底中的当，其贼面色更白，蹇唇凶恶容颜。公人切莫慢心肠，意慢应难捉望。

太乙若为玄武，其贼必在东南，先知窑灶隐形藏，赤面容颜模样，长大更兼鼻锐，寻人在意消详，不过三日自声扬，赃物并不失丧。

胜光若为玄武，其贼必在正南落西古墓窑穴边，便是形藏的当。可以周回细察，不可怠慢急扬，见时面色及肌黄，小眼此般形象。

小吉若为玄武，其贼隐在正南。必是岗岭灶窑间，发须面圆红状，身分多应轻健，手中武艺难当。若不辨取必遭殃，令人智赚为上。

传送若为玄武，其贼定向西南。鸡鹅栖下必潜藏，赃物随之隐放。此赃身白面紫，情性定不猖狂。一生伎俩更优长，休以平人错放。

从魁若为玄武，其贼必在于西陵阜之下，定应知赃物也知端的，此贼身長黄面，这般相貌无疑。平生好骂少人知，说强他人之礼。

河魁若为玄武，其贼西北之方。潜藏必在墓边旁，古穴之中所向。面貌淡黄白色，蹇唇颜色斯当。跟舜在意用心肠，莫似活常迂方。

登明若为玄武，其贼西北楼台。园中坟坑莫疑猜，所取语言宽窄。公人还须力取，慢持湿透尘埃。其贼必是小身材，面上青黄二色。

神后若为玄武，其贼正北跟寻。歌欢作乐在园中，靠水偎涯无论。更有一堆新土，周围却有微尘。其贼色黑是身形，逢公吏人更问。

大吉若为玄武，其贼正北潜形。落东破屋器物中，身小之人已定。此贼更兼大目，公人急急搜寻。此意若久即停身，必是难寻难问。

开井章

凡置井之法，用净水之器，安香案上，周围安十二贴子书十二地支，令主人沐手焚香礼拜，取一贴，作课占之，便知有泉无泉，甜淡咸苦。

假令三月甲子日辰时，得贴子是申，以申为地分，三月从魁将。

壬 子

白虎申

大吉丑（用爻）

申 金

断曰：此课开井，主东南辰地是泉。土厚一丈五尺，其水甚甘。通泉时有沙涨石子应之。

大抵占井之法，小吉是井地，课中见金乃为水之源，主多甘美。见二火酸咸碱苦，水乃是泉，土云是厚，上克下兮则坏，忌人有失。下克上兮则崩，忌人恐伤。

射覆章

假令七月十五日戊午日未时，有多客以东南巳地取应候，着何衣冠人来课占之？七月太乙将。

丁 巳

勾陈辰（用爻）

太冲卯

巳 火

断曰：此课占东南巳地有一老年男子，受刑罚患病而来。其人为勾连人家奴仆，窃盗财物。何以论？曰：勾陈用神也，经云：勾陈主勾引不实之人，太冲为劫煞盗贼之

神，卯木来克辰土为刑罚，二火为之疾病，将克神乃为财物之失。余皆仿此。

谒见章

假令五月乙丑卯时，以寅地占望人。五月小吉将。

戊 土

朱雀午（用爻）

胜光午

寅 木

断曰：此课占人在家，其家会客，饮酒未及终席，有一客人因阴人起口舌是非也。何以论之？经云：子午为酒食，卯酉为木品，三合为会客，未终席，而论阴人口舌何论？以乃二火凋残，朱雀为口舌，四阳反阴，而为阴人应之。

大抵射覆之法，先看用神，次看旺神。如天乙贵神、青龙为官贵之人，腾蛇为淫乱妇女，朱雀为轻薄小人，太常为媒妇卖婆之人，六合为交易市井之人，勾陈为勾引不实之人，玄武为军贼瞎眼之人，太阴为良家妇女，天后亦同。

衣服颜色，天干重建，如是甲木青，乙木兰。丙为大红。丁为浅红，戊主素黄，又以生气而言，己为紫色土黄，庚为太白，辛为葱白，壬为黑绿，癸为明绿。

论望人，上克下不出在家，下克上远出。一上克下主坐，二上克下主睡。如用爻是四孟，在门首，是四季候须庾，四仲主出外，见劫煞驿马主远行也。如四位有生合，主途中遇见。

六畜章

假令人问失马，以月将加时行至分位数至胜光则止，加贵神天干，便知马有无下落，方分期限，应由三合六合。如胜光不受克制，其马有。受克，其马无。此理正是所谓“克者为无从旺断。又云大吉是牛，小吉是羊，河魁为之驴骡。如天干是甲乙，其畜系树下。是丙丁，藏高岭，戊己潜土坡，壬癸近水塘，庚辛临道路，湾环曲折宽窄，又在生克详究。

走失章

假令十一月戊辰日巳时，有人申地问走失。十一月大吉将。

庚 申

白虎申（用爻）

天罡辰

申 金

断曰：此课问走失乃是阴人。盖其人主诈，诸事不顺，逆理犯分而归父母家也，非走失逃窜也。何以论？曰：是课纯阳反阴，课有二金，则主不顺。白虎为凶丧，天罡主斗战，卑逾尊，少犯长。故主逆理犯分之谓。其女还父母家，拟在本月二十七日丙子有亲人送来，不必远寻。原课有申辰二字，缺子一字，到子日乃三合，即是归期也。

大抵走失课，常课四位之分，如上生下自来，如下生上投入，有辰一字为之天罗，有戌一字为之地网，六合出之方，三合定之归期，驿马定远近，劫煞为迅速，事之所败又在常课而论。假如将受克，便言偷去财物，地分受克，便言盗之器物走失也。

失财章

假令问失财物，人于门口，就以所立方为位，立成一课。以天干贵神为外象，以月将地分为内象。如上生下可寻，下生上不可寻，上克下为之窃，下克上为之丢。其理专推月将克与不克。然克之而不尽，又有死而复生之妙也。假如贵神受克，所失定是官中财物。将若受克，所失乃是自己妻室财也。地分受克，为之器物，天干受克为疋缎、好玩物也。窃物之人以用神言之，情怀心性，限期方所，仍以三合六合推之。

男女老少章

寅申老阳翁父称，辰戌中阳伯叔名。

子午少阳孙与子，凡推老少事分明。

丑未老阴人，卯酉少阴人。

巳亥为小口，入课自区分。

凡占失财、射覆、灾病、应候、百家便知男女老幼。

附：璧玉经

游都鲁都歌

右经乃明游鲁之法。然游都为贼盗之主，鲁都为寇卒之居。其贼潜隐前后左右有无伏卒，可以占防彼胜我以提守，我牲被以进敌。相机而动，无不中矣。

1、游都鲁都歌

游都鲁都法最玄，穿地寻尸见九泉。

鲁都临处逢白虎，戊己原加辰戌间。

常将月将地分数，两位相逢远近看。

此是孙臆真妙诀，千金莫与世人传。

诀曰：

甲己之日丑为先，乙庚神后不虚言。

丙辛只向功曹上，丁壬之日在巳边。

戊癸传送游都住，游都冲处鲁都安。

要知贼伏藏人马，游都之法重推干。

出入鲁都临定处，依前法或可通仙。

又曰：

贼欲相凌切要知，游都做限用推之。

游都甲己当在丑，乙庚在子丙辛寅。

丁壬在巳言非谬，戊癸同申更不移。

游都复日今将到，前支一日到明期。

二三依次需防御，若临前四不侵围。

游都旺相干支畏，贼势凭陵难守持。

游都合处喜降卒，畏下难侵大战时。

居在东南灾稍重，临之西北祸当微。

不见游都视天乙，临处还如都将推。

子辰巳未加今日，贼盗猖狂疾似飞。

解曰：凡占贼寇需用四课。四课者：一、地分，是本原支方。以甲子日未时，申将加未，子上见丑为将，丑见于子上为游都，午为鲁都，游都将落于子为地分是也。二、游都落处为将是也。三、本日贵神加到游都之处得神后是也。四、元遁，甲丙戊庚壬是也。

立成四课，若游都加临本日支辰，支辰者，即某位所属之支也，辰者即本日天元之辰，亦为宅也，则贼寇今日晚来。故曰：游都覆日今将到也；若加日辰前支一日，则明日到。前二日后二日到。前三日后三日到。加前二三位者，其贼惧其主人，名他弱我强，贼人不胜，可当进卒擒捉也。故曰：二三依次需防御也。或加日辰前四位者，亦主贼兵不来。又曰：着临前四不侵围是也。若将神旺相主贼胜。故曰：游都旺相支干畏，贼势凭陵难守持。或课具有相生之爻，不可斗战，主贼自来投降受伏，或人家内小贼不来。故曰：游都合处喜降卒。若遇游都加申酉之地，名为畏也。故曰：畏下难侵大战时。凡遇游都加临巳地，主贼人旺相，谨当避之。经曰：居在东南灾稍重，又曰临之西北祸常侵，若在此方，主军大主赏兵，临军可主可追，游都加四孟不来，加四仲半路，加四季来近也。

《神枢经》云：凡若再停难定，再取十二贵神，可寻玄武所临之方以定四课。云：不见游都视天乙，临处还如都将推。又曰：子辰巳卯加今日，贼盗猖狂疾似飞。若是加着勾陈或克将神，主贼不来也。经云：问贼欲至，要知其所在之方，以月将加正时，便见贼人在何方位藏伏，可以追寻得见也。

论贼所在之方

寅为大树花春发，见卯移门桥一边。

辰为麦地曾争竞，巳为流水交渊泉。

午为鹊巢悬树上，未为田禾田野边。

申为石道曲环弯，酉为小院或是碾。

戌为粪堆及土运，亥为地基层有水。

子作田园坑下潜，桑园桥道须逢丑。

四位周围远近看，月将加时从顺数。

便是贼盗隐匿间，此是祖师真口诀。

千金莫与外人传。

论贼数目多少

经曰：我为主，旺。我生相，我克死，克我囚，生我休。四季共旺七十二日，仿此推之是也。

又曰：欲知贼数，以月将加正时视上神。见天罡、河魁，五百、五千、五万人。见登明太乙四百、四千、四万人。见神后、胜光九百、九千、九万人。见大吉、小吉八百、八千、八万人。见功曹、传送七百、七千、七万人。见太冲、从魁六百、六千、六万人。

其神旺气十倍，相气五倍，老气如数，囚气减少，死气半数。

甲己子午九，乙庚丑未八，丙辛寅申七，戊癸辰戌五，巳亥无干四，丁壬卯酉六。

经云，正、二月木旺，火相，土死，金囚，水休是也。四、五月火旺，土相，金死，水囚，木休。七、八月金旺，水相，木死，火囚、土休。十、十一月水旺，木相，火死，土囚，金休。三六九、十二月土各旺十八日，金相、水死、木囚、火休也。

假令正月将辛巳日寅时，游都在大吉。以月将加寅数至辰上见大吉，贼在登明下，而主不来也。何以知？曰：若临前四不侵围。以贼不来，日辰数至亥，亥辰也。余仿此：

假令正月甲子日子时课，占寇吉凶。

干丙火，此主财，又名我兵。腾蛇火，此主兵，又为主课。大吉土，游都将，乃寇之本身。寅木，此是贼居方也。课式如下：

丙

己巳

乙丑

寅

此课是七人在于东北七里，又寅木旺，无克，只添不减，以寅为里数，丙辛寅申七，二七一十四，隐匿在园林大树之下。何以知？曰：寅为大树花春发。此主贼不敢来，又主贼人不动。其贼主自东北往西南申地而行；主打劫一军户人家，不来也。又云：临日一辰在明期，因此断之。余仿此。

假令正月将乙丑日子时课，占贼人所在之方吉凶端的。

丁火（我兵）

腾蛇（我将）

神后（贼兵）

丑土（贼方）

何以见此？课曰：乙庚神后不虚言，此课亥将加子，丑为游都，未为鲁都。又曰：游都冲处鲁都安。此主兵六百、六千，或军中以此断之。若在家窃盗之徒，不可多说，只言六人或六十人，或二六一十二。故曰：丁壬卯酉六。或路程一十二里，或桑园土地树木之野。故曰：桑园桥道须逢丑，未土藏人马之处。此贼亦不来也。见游都是子将，丑被土将克之故也。

假令正月将丙寅日子时课，占贼吉凶。

干戊土

玄武水

登明水

子水

课曰：丙辛常向登明上。亥将加子时落子得亥以不动而成四课之体，贼在本家欢悦，在军所敌，并不为忧。故曰：登明到子贼不动，亦不在课主。他仿此。

假令正月将丁卯日子时，占贼所在之方端的。

乙木

天空土

天罡土

巳火

课歌曰：丁壬之日在辰边。亥将加子到巳得辰，次用起贵神、再天干，是此四课也。论贼在交通叉口，又曰：流浪河湾之处隐藏。故曰：巳为交叉流水渊，报言亦主虚，问故？曰：天空僧道多虚诈。又见都神不旺，乃主贼不旺，是寇兵不胜，亦主不来也。余仿此。

假令戊辰日子时，占寇隐匿出现端的。

辛 金

太常土

传送金

酉 金

论曰：课寇兵，言七十，七百。若在家用小数也，七人，或二七，或三七。若言路程亦此也。经曰：丙辛寅申七。是四课之中，只见游神旺，乃正西有一淫妓人家小院隐之，待酉时方征，正东有一寡妇人家。经云：卯为太冲后妇身。因何见小院隐之？经曰：酉为小院或是碾。主贼人胜，亦不干课主之事。

假令正月将己巳日子时课，占寇吉凶。

丙午火

朱雀火

大吉土

寅 木

此课与前甲子课同，虽是贵神不同，亦是火，俱不论也。又此课之法，只是课体之主，若占卜之术士先论其生克之理，只可明其心性，理尽皆穷之。须得此注解，讲论书籍，明向可现。游都歌内前有八句，此论贼寇来去之路程，后学之士务要知明，次念四课主事。